

رواية

192

بانجو

<http://www.maktabtna2211.com>

أيام مصرية قديمة .. وعصيرية أيضاً

يوسف معاطي

A
h
m
e
d

M
a
d
y





بائعو

أيام هصرية قدّيحة .. وهصرية أيضًا

* الأستاذ يوسف معاطي كاتب ساخر يعرفه قراء الصحف والمجلات .. ويستمتع بأعماله الكوميدية مشاهدو التليفزيون ورواد السينما والمسرح.

* وقد أصدرنا له من قبل مجموعة من كتبه في الأدب الساخر، أشهرها: الفن وأهله .. عفاريت .. صايع بالوراثة.. كلام أبيح جداً .. وهي كتب متميزة حازت إقبالاً من القراء في مصر والبلاد العربية.

* من أشهر مسرحياته الكوميدية: حب في التخشيبة.. الجميلة والوحشين.. بوبي جارد .. بودي جارد .. بهلوان في استانبول .. لأن بلاش كده .. وهي مسرحيات ناجحة قام ببطولتها كبارنجوم الكوميديا.

* كما كتب العديد من قصص وسيناريوهات الأفلام السينمائية الكوميدية أشهرها: رمضان مبروك أبو العلمن حمودة .. حسن ومرقص .. طباخ الرئيس .. التجربة الدافعية.. عريس من جهة أمينة.. السيارة في العمارة .. الواد محروس بناء الوزير.. يانحب يانقب .. حانحب ونقب.

* كما ألف عدداً من الملللات الناجحة التي كان لها أثر كبير داخل المجتمع العربي مثل: يتربي ^{الآدم} في

اليوم الأسود مطبعة جرير ²³
JARRIR BOOKSTORE

"إذا نظرت إلى المشهد لشعرت أن مصر كلها هاربة من واقع أليم .. القراء هاربون من انقطاع الرزق والأمل ، والظلم والطغيان ، والأغنياء هاربون بما استطاعوا أن ينهبوه من كُلّ هؤلاء القراء .. هؤلاء في قوارب متهالكة منهارة غارقة بالتأكيد ، إلا أن يشاء الله ، وتصل إلى أي شاطئ .. والأغنياء في مراكب فخمة قوية تعلم جيداً الشاطئ الذي سترسو عليه".

بين الخيال والواقع ، خيط رفيع ، قد يظهر أحياناً في تشابه الأحداث ، أو يختفي تحت ستار اللامعقول ، وتبقى الحكاية بأحداثها ونتائجها تصل الماضي بالحاضر عبر نسيج حكائي شيق ، يستشرف أدق العلاقات بين مدلول الأشياء.

رواية

بانجو

أيام مصرية قديمة - وعصيرية أيضاً

يوسف معاطي

الدار المصرية اللبنانية

بلا مقدمات ...

نخالل في الموضوع

يالله

الفصل الأول

قبل العاصفة .. أي عاصفة .. تتلبد السماء بالغيوم وتتوارى الشمس وتنسحب من المشهد السماوي في هدوء .. وتركض السحب في الفضاء كقطيع من الحملان يطاردها ذئب جائع .. كل هذا يحدث كمقدمة موسيقية لсимфонية ضخمة تعزفها الطبيعة .. ثم تبرق السماء فيبدو البرق كعاصا مايسترو مهوله ترتفع فجأة أمام الأوركسترا بعد دقيقتين للتنبيه على حامل النوتة .. ثم ترعد السماء في ضربات قوية متلاحقة مخيفة ثم بعدها تنزل قطرات من الماء تزيد بالتدريج .. فأول الغيث قطرة لينهمر بعدها المطر الغزير وتنهال السيول ..
ما أرحم السماء بنا؟!. كل هذا التمهيد لكي تمطر؟!.

و قبل الأعاصير .. يثور البحر من بعيد .. وتزيد سرعة الأمواج وهي آتية نحو الشاطئ كعاشق متيم لم ير حبيبته منذ ألف عام .. وتتلحق ضربات الأمواج على الشاطئ .. كل مرة أقوى من التي قبلها .. ثم بعد كل هذا يأتي الإعصار .. جبالاً من الأمواج تنهر عن الشاطئ ..

ما يحيى

و قبل الزلازل .. تشعر الحيوانات والطيور أولاً فتصهل الخيال
وتتبخر الكلاب .. و تتحرك الطيور في هياج وعصبية .. إنها اللحظة
التي يعلم فيها الحيوان ما لا يعلمه الإنسان .. إشارات وعلامات
كلها تقول كلمة واحدة .. الزلزال قادم .. فاستعدوا .

و قبل البراكين .. تأن الأرض .. وت بكى .. فيسمع الناس صوت
بكائها وغليانها والذي لا يسمع يرى خيطاً طويلاً من الدخان يخرج
من جوفها ثم تصاعد الحمم تدريجياً إلى أن ينفجر البركان ثائراً ..
وديوان البركان لا يبدأ إلا بالمدمة .

إن كل شيء في هذا الكون يُعلن عن قدمه قبل أن يحيى ..
فالطبيعة لا تحب أن تفاجئنا .. الكون كله يستأذن في البداية ..
يطرق الباب قبل الدخول ..

إن الطلق الذي تشعر به المرأة قبل أن تضع ولدها ما هو إلا طرقات
إلهية .. يستأذن فيها القادم إلى الدنيا قبل أن يحيى ..

والنظرات الزائفة التائهة المودعة في عيون الراحلين عن الدنيا ..
مؤشرات وعلامات لا تخطئ ، تؤكد أنهم يشعرون بالموت قبل مجده ،
ونحن كذلك نشعر أن الدنيا كلها تتكاتف لدق أجراس الإنذار ..
وتنبئ البشر .. فالبوم والغربان حينما تنعق يعرف الناس أن شيئاً سيئاً
سيحدث ، ولذا ما أرق البوم أو الغربان بنا .. فلو لا نعيقها المشئوم
ل كانت الصدمة وكانت المفاجأة المروعة .. إن نقل الخبر السيئ أسوأ

— أيام مصرية فديـة .. وعصرية أيضـاً
من الخبر نفسه .. ولذا يتفنـن ناقـلوه في تدريـجه والتمـهـيد له .. بل إنـ
الجملـة العـربـيـة لا تـبـدـأ إـلا بـالـمـبـدـأ .. ثـمـ يـأـقـيـ الخـبـرـ فيـسـتـقـيمـ المعـنىـ ..
إـلا .. فـيـهاـ يـخـتـصـ بـالـمـالـيـكـ !!.

بـلاـ مـقـدـمـاتـ .. بـلاـ تـمـهـيدـ .. وـفـجـأـةـ .. تـشـتـعـلـ المـعـرـكـةـ فيـ قـلـبـ
الـشـارـعـ وـتـخـرـجـ السـيـوـفـ منـ أـغـمـادـهـ .. وـيـبـدـأـ التـراـشـقـ بـالـسـهـامـ
وـالـحـرـابـ وـكـرـاتـ الـلـهـبـ .. تـبـزـ الأـعـنـاقـ بـلـ رـحـمـةـ .. وـتـسـقـطـ الرـؤـوسـ
مـنـفـصـلـةـ عنـ الـأـجـسـادـ .. تـلـقـىـ الجـثـثـ وـالـأـشـلـاءـ فيـ الـطـرـقـ .. وـيـسـقـطـ
الـضـحـاـيـاـ منـ الـعـوـامـ الـذـيـنـ أـتـاهـمـ الـمـوـتـ فـجـأـةـ .. دـوـنـ تـمـهـيدـ وـدـوـنـ
ذـنـبـ اـقـتـرـفـوـهـ .. وـالـمـعـرـكـةـ بـرـغـمـ أـنـهـاـ بـيـنـ مـالـيـكـ الـأـمـيرـ بـيـدرـاـ وـمـالـيـكـ
الـوـزـيـرـ اـبـنـ السـلـعـوـسـ .. إـلاـ أـكـثـرـ ضـحـاـيـاـهـاـ لـيـسـواـ مـنـ مـالـيـكـ هـذـاـ
أـوـ ذـاكـ .. غـالـيـتـهـمـ مـنـ عـامـةـ الشـعـبـ الـبـسـطـاءـ الـغـلـابـةـ الـذـيـنـ لـمـ يـقـتـرـفـواـ
إـثـمـاـ سـوـىـ أـنـهـمـ خـرـجـواـ مـنـ بـيـوـتـهـمـ فـيـ هـذـاـ الـيـوـمـ الـأـسـوـدـ لـيـبـحـثـواـ عـنـ
لـقـمـةـ الـعـيـشـ .. وـلـمـ تـكـنـ هـنـاكـ أـيـ شـوـاهـدـ تـدـلـ عـلـىـ أـنـ شـيـئـاـ
سيـحـدـثـ .. لـمـ تـنـعـقـ بـوـمـةـ وـلـاـ غـرـابـ .. لـمـ تـبـرـقـ السـيـاهـ وـلـمـ تـرـعـدـ ..
كـانـ يـوـمـاـ عـادـيـاـ مـثـلـ كـلـ الـأـيـامـ .. شـمـسـهـ رـائـعـةـ .. وـهـوـأـوـهـ جـيـيلـ ..
وـكـانـ الـمـالـيـكـ عـلـىـ خـيـوـلـهـ يـمـرـونـ فـيـ شـوـارـعـ الـقـاهـرـةـ .. بـمـلـابـسـهـمـ
الـبـدـيـعـةـ وـقـدـ مـشـىـ أـمـامـ الـمـوـكـبـ مـنـ يـفـسـحـ لـهـمـ الـطـرـيقـ .. وـكـانـ الـعـامـةـ
وـالـسـوـقـةـ وـالـغـوـغـاءـ يـتـفـرـجـونـ عـلـيـهـمـ وـيـشـيرـونـ لـهـمـ .. أـمـاـ أـصـحـابـ
الـحـوـانـيـتـ فـكـانـوـاـ يـغـلـقـوـنـ حـوـانـيـتـهـمـ بـسـرـعـةـ وـيـجـلـسـوـنـ أـمـامـهـاـ وـقـدـ
أـخـرـجـ كـلـ مـنـهـمـ شـيـئـاـ مـنـ بـضـاعـتـهـ وـاضـعـاـ إـيـاهـ أـمـامـهـ .. فـكـثـيرـاـ مـاـ كـانـ

بانجو

المهاليك يحبون اقتناء هذه الأشياء البديةـة التي يصنعها العوام ..
ولأنـ المـهـالـيـكـ يـمـلـكـونـ السـيفـ وـالـسـلـطـةـ .. كانـ أـصـحـابـ الحـوـانـيـتـ
يـقـدـمـونـ لـهـمـ مـاـ يـرـيدـونـ فـيـ صـورـةـ هـدـيـةـ أوـ قـرـابـينـ لـيـأـمـنـواـ شـرـهمـ .

نظرـ المـملـوكـ وـهـ رـاكـبـ فـوـقـ فـرـسـهـ إـلـىـ تـلـكـ العـبـاءـ الـخـرـيرـيـةـ
الـخـمـرـاءـ الـمـوـشـأـةـ بـالـقـصـبـ فـرـحـاـ .. سـعـيـدـاـ بـهـا .. ثـمـ أـخـذـهـاـ خـطـفـاـ مـنـ
صـاحـبـ الـخـانـوـتـ وـقـالـ لـهـ :

- حـلـوةـ عـبـاءـةـ فـالـادـ .. لـوـنـ أـحـمـرـ جـمـيلـ .

- دـيـ هـدـيـةـ مـتـوـاضـعـةـ مـشـ قدـ المـقـامـ يـاـ سـيـديـ .

- فيـنـ لـوـنـ كـحـلـيـ فـالـادـ .. أـنـاـ عـاـوـزـ كـمـاـنـ لـوـنـ كـحـلـيـ ..

فـقـالـ صـاحـبـ الـخـانـوـتـ بـخـوـفـ :

- حـاضـرـ سـيـديـ .. بـكـرـةـ أـمـاـ تـعـدـيـ عـلـيـاـ أـكـونـ مـجـهـزـ هـالـكـ .

وانـهـاـلـ المـمـلـوكـ بـيـديـهـ عـلـىـ قـفـاـ صـاحـبـ الـخـانـوـتـ ضـاحـكاـ :

- أـنـاـ يـيـجيـ بـكـرـهـ يـكـونـ عـبـاءـهـ كـحـلـيـ مـوـجـودـ فـالـادـ .

ومـضـىـ المـوـكـبـ وـصـاحـبـ الـخـانـوـتـ يـحـمـدـ اللهـ أـنـ المـوـكـبـ مـرـ بـسـلامـ ..
ولـمـ يـكـنـ الـمـصـرـيـونـ يـتـضـايـقـونـ كـثـيرـاـ مـنـ رـزـالـةـ المـهـالـيـكـ فـيـ هـذـهـ المـوـاـكـبـ ..
فـقـدـ صـارـ هـذـاـ أـمـرـاـ وـاقـعـاـ يـحـدـثـ كـلـ يـوـمـ .. وـالـعـقـلـيـةـ الـمـصـرـيـةـ تـعـاـمـلـ
مـعـ الـظـلـمـ الـذـيـ يـتـحـولـ إـلـىـ أـمـرـ وـاقـعـ عـلـىـ أـنـ شـيـءـ مـعـتـادـ لـاـ يـدـعـوـ
إـلـىـ الشـكـوـيـ .. فـالـأـمـرـ فـيـ النـهـاـيـةـ لـاـ يـزـيدـ عـلـىـ عـبـاءـ حـرـيرـيـةـ أـوـ صـينـيـةـ

أيام مصرية قديمة .. وعصير أيضًا
حلوى أو خودة حديدية أو درع .. مجرد مسائل بسيطة تافهة لا توقف
مسيرة الحياة ..

وحيثما توقف ماليك الأمير بي德拉 عند حمام سنقر .. وهو أحرق
الحمامات المملوكيّة في ذلك الزمان .. خرج سنقر لهم وانحنى وقبل
الأرض .. فقال له المملوك :

- نحن ماليك الأمير بي德拉 أمير عظيم فالاد ..

فقال سنقر :

- وأنا خدام الأمير بي德拉 وماليك الأمير بي德拉 يا سيدنا .

فقال المملوك :

- فالاد سنقر .. إيش عندك تعطيه للمملوك .

- ده حمام يا سيدنا .. معندناش غير المية السخنة والليف والبساكيـر ..

- فين عطور فالاد؟! حمام قذر ما فيه عطر؟!!.

- جاهزة يا سيدنا .. هي دي تفوتنـي .. اتفضل .

ويقدم له سنقر زجاجات العطر فيأخذها المملوك .. ويظل سنقر
يتملق المملوك ويجامله .. ويقدم له فروض الطاعة والولاء ..

- ما تيجي أروقلـك القفا يا سيدنا .. وأنـف لك حواجـبك ولا تغطـس لك
غطـسة عنـدي في الحـمام وتـدلـك وـتـكـيس وـتـطلع منـعـدـنا آخر رـوقـان .

وبينـما كانـ سنـقـرـ يـحاـوـلـ كـسـبـ وـدـ المـلـوكـ .. تصـاعـدـ منـ الدـاخـلـ
صـوتـ حـمـارـهـ بـأـنـجـوـ وـهـوـ يـنـهـقـ .

بانجو

- ما هذا فالاد سنقر !!؟

- ده بانجو يا سيدنا .. الحمار .. أكيد عرف إنك هنا وحب يرحب
بيك وإذا بالحمار بانجو خارجا وقد ابتل بالماء .. نظر نحوه المملوك
وأخذ يضحك .. وما أن رأي بانجو المملوك جالسا على فرسه ..
حتى بان عليه الارتباك .. وتوقف عن النهيق .. ووقف في خجل
واحساس بالخزي .. فقال المملوك لسنقر :

- وايش كان يعمل حمار بانجو في حمام يا سنقر فالاد !!؟

- تلاقيه كان بيأخذ له غطس يا سيدنا .

هنا كشر المملوك عن أنيابه .. وتوحش وصرخ في سنقر :

- إنت عاوز سيد مملوك يغطس في حمام مع حمار !!؟

- العفو يا سيدنا .. أنا مقصدش .. ده هوه اللي سهاني ونزل يستحمي
من غير ما يقول لي .

وانهال سنقر على الحمار ضربا ..

- وإنتم إيه ينزل لك المغطس يا حمار يا بن الحمار .. كان مغطس أبوك ؟

صرخ فيه المملوك صرخة مفزعة جعلته يتسمى في مكانه ..

- اسمع فالاد .. لازم رد إهانات .. إما أقتل حمار أو أقتل سنقر .. لا ..
أنا أقتل حمار وكمان أقتل سنقر .. أنا أقطع رقبة حمار بانجو وأضعها
على جسم حيوان سنقر .

أيام مصرية قديمة .. وعصيره أيضًا

هنا برك سنقر على الأرض .. وأخذ يقبل قدمي الملوك .. وهو
يبكي :

- أبوس رجلك يا سيدنا .. العفو يا سيدنا .. السماح يا سيدنا .. ده
حمار وغلط يا سيدنا .. أتاخذ أنا بذنبه ليه !!؟

وأخذ بانجو الحمار ينهق هو الآخر فتدخلت توسلات سنقر ونهايق
بانجو .. والمملوك أخذ يضحك ويضحك فقد أعجبه منظرهما ولكنه
أصر على أن ينفذ ما قال .. كان الشارع كله قد تجمّع ليشاهد ما يحدث ..
ولم يكن تجمّع الناس حول المشهد لأنّه جديد أو غريب أو مفاجئ
فهذا يحدث كل يوم .. وإنما كان لتجمّع الناس أغراض وفوائد أخرى ..
منها أن كلاًّ منهم كان سعيداً ويضحك لأنّه ليس في موقف سنقر
العصيب .. ومنها أن بعضهم كان يحاول أن يفهم ما الذي وضع سنقر
في هذا الموقف حتى يتفادى أن يتزلق هو فيه بعد ذلك ، وكأنه يشاهد
حكاية يأخذ منها العبرة والعظة .. كانت الناس في هذه الأيام هم
فرحة الناس .. المشكلة أن المملوك إذا قال شيئاً لا يتراجع عنه
وإلا اهتزت صورته أمام الدهماء والسوق .. وبالتالي فتلك هي
اللحظات الأخيرة في حياة كل منها سنقر والحمار ..

وفجأة ولأن الله يريد أن يعيش سنقر وحماره أيضاً .. في لمح البصر ..

وبلا مقدمات .. كان ماليك الوزير ابن السلووس قد انطلقا في
الشارع فوق خيولهم حيث بدأت المعركة بينهم وبين ماليك الأمير

بانجو

بيدرا . وقد انهال أحدهم بسيفه البثار على المملوك (الواقف مشهراً
سيفه ليقطع رأس سنقر والحمار) .. ففصل رأسه عن جسده بضربة
واحدة .. لتسقط رأس المملوك فجأة بين يدي سنقر .. ليجد سنقر
الرأس التي كانت تهدده في لحظة واحدة .. هكذا بين يديه !!

ولم يصدق سنقر نفسه .. أمسك بالرأس والدماء تنزف منها ثم نظر
إلى جسد المملوك وهو يتربع من فوق الفرس بلا رأس .. ولم يكن
عليه أن يتتظر طويلاً فالمعركة بدأت في الشارع وماليك الأمير بيدرا
لن يسكتوا .. وأخذ سنقر رأس المملوك تحت ذراعه كأنه يحمل بطيخة
ثم سحب بانجو ودخل الحمام مسرعاً وأغلق الباب بالأقفال
والمتاريس بينما كانت الحوانين تتحطم والبضائع تنهب وتسلب
ومئات الجثث تساقط هنا وهناك من هؤلاء الذين أتى بهم حظهم
الأسود إلى هذا الشارع في هذا اليوم وبينهم هؤلاء الذين وقفوا
يتفرجون على موقعة سنقر متظرين أن يروا رأس سنقر وهي تطير
فطارت رؤوسهم هم في الحمام ..

وضع سنقر رأس المملوك أمام المغطس .. وقال له شامتاً وهو
يصفعه على قفاه :

- بأه كنت عاوز تقطع راسي وتقطع راس بانجو يا واطي ؟!! . انزل
يا بانجو المغطس وبلبط في الميه براحتك .. هوه حمام أبوكوا يا ولاد
الكلب !!.

أيام مصرية فديه .. وعصرية أيضًا
ونزل بانجو إلى الماء .. وأخذ يسبح سعيداً .. متتلياً .. وإذا بطرق
شديد على باب الحمام .. أصاب سنقر بالهلع .. وكاد الباب ينخلع
وصوت الملوك الذي بالخارج يصرخ :

- افتح فالاد سنقر .. افتح باب فالاد ..

فجرى سنقر وغطى رأس الملوك بفوطة من فوط الحمام حتى
أخفاها .. وفتح الباب فدخل العسكر .. وصاح به الفارس الملوك من
فوق حصانه :

- فين رأس ملوك قتيل قدام حمام فالاد !!؟.

- وأنا هاعرف منين يا سيدنا .. أنا راجل في حال قافل عليا باب
حمامي وكافي خيري شري .. وأنا حاعمل إيه برايس ملوك .. ده حمام
مش مسمط .. ده إيه النهار اللي مش عاوز يعدي ده !!

- مش يخاف فالاد سنقر .. إحنا مماليك وزير ابن السلعوس .. أنت
ياخد مكافأة كبيرة لو قدمت راس ملوك .. عشان ده ملوك من
مماليك أمير بي德拉 حيوان .

قال سنقر مفاجئاً :

- أنا خدام الوزير ابن السلعوس يا سيدنا .. وأادي الراس أهيه ..
اتفضل .. كاملة من كله .

بانجو

وأخرج سنقر الرأس من تحت الفوطة .. وقدمها للمملوك الذي
غرسها بقوة على سن حربته .. وحملها رافعاً إياها وخرج بها سعيداً
منتصرًا بعد أن لکز سنقر بقدمه فسقط على الأرض وهو يقول :
- كده برضه يا سيدنا !! . بأه هي دي المكافأة ؟ !.

وخرج بانجو من المغطس وهو ينهرق .. كان لنهاية هذه المرة ..
مرارة وشجن .. فقال له سنقر باكيًا :

- معاك حق يا بانجو .. أنا حمار .. أنا ستين حمار في بعض .. هما
المهاليك دول يطلع من تحت إيدهم خير .. قال مكافأة قال !! . إذا
كان الأمير ولا الوزير .. ما كلهم نفس العينه .. سلسل واحد
قلوبهم اتنزعت منها الرحمة .. لا يمكن دول يكونوا بني آدمين
يا بانجو .. يا إما أحنا بأه اللي مش بني آدمين !!.

* * *

في سوق الجواري يقف النخاسون لينادوا على بضائعهم .. من
العييد والنساء الجواري والغلمان وعملية البيع في الوكالة تشبه بيع
المواشي .. فلكل شخص حرية فحص الجارية واختبارها بنفسه
فيمسهها ويديرها أمامه ويحرك أعضاءها في أوضاع مختلفة .. كان العييد
السود يجلسون على الأرض في فناء واسع وكانت تبدو عليهم علامات
عدم الاهتمام واللامبالاة .. كانوا يتحدثون ويضحكون ولا تبدو على
وجوههم أي دلائل على الحزن والأسى .. أما الإناث فيعرضن لتفرس

أيام مصرية قدمة .. وعصرية أيضاً

المشرين ونظراتهم فلا يسترhen سوى قطعة صغيرة من القماش حول أصلابهن أو شال معلق فوق أكتافهن وهن مستسلمات تماماً لأيدي المشرين والبائعين الفاحصة .

بينما يجلس النخاسون يدخلنون الشبك في فتور إلى أن يأتي أحد المشرين لتبدأ المساومة وأسعار الجواري تتحكم فيها عوامل كثيرة أهمها اللون والسن والجمال .. ولم يكن زحام العامة في سوق الجواري زحام المشرين .. وإنما كان زحام المترجين .. وكان سنقر أحد الزبائن الدائمين في سوق الجواري (زبائن الفرجة) .. يذهب إلى هناك منذ شروق الشمس وقد أغلق حمامه .. ويظل حتى غروبها .. يملأ عينيه بجمال الجواري ويتمنى ويحلم .. ثم يعود في النهاية فوق حماره بانجو محبطاً .. فالأسعار لا طاقة له بها .. ولكنه اليوم استطاع أن يجمع أربعين ديناً ظل يدّخرها لأكثر من عامين .. أغلق عليها صرته .. ومضى وقلبه يعلو ويحيط من فرط انفعاله .. سيعود اليوم ماشياً وعلى حماره الجارية التي يحلم بها .. يا سعدك يا بانجو .. ستجلس عليك بجسدها الطري ورائحتها العطرة .. عرفت يا حمار لماذا قمت بتلييفك بنفسك اليوم؟!. لأن المهمة التي ستقوم بها أروع مهمة في تاريخك كله .. مهمة حل أجمل جارية في السوق .. وأربعين ديناً ليست بالمثل اهين .. بالتأكيد سنجد جارية رائعة بهذا المبلغ .. أنا لا يهمني وجهها بقدر ما يهمني اللحم الذي فيها .. هكذا كان سنقر يقول لنفسه .. وهو يقترب من النخاس عبد الكريم الخربوطلي الذي يعرض بضاعته

باخو

بكل حماس .. والذى كان لطريقته في الإعلان عما عنده ما يجتذب إليه
رواد السوق كله .. من فرط فصاحته وطرافة أسلوبه :

- قرب .. قرب .. متع نظرك بيلاش .. وجس وحسس بيلاش .. اللي
ما يشتري يتفرج .. لا .. ويعاين ويلمس ويفعنص زي ما هو عاوز ..
بضاعتني مضمونة وعمرنا ما غشينا حد .. الجارية اللي تاخدتها من
تحت إيد الخربوطلي تاخدتها وانت مغمض ..

ثم قام وأمسك إحدى الجواري من يديها بحركة استعراضية ..
وطلع بها على منصة خشبية أعدت خصيصاً للعرض .. وقفـت الجارية
 أمام الجميع .. مشوقة القوام نافرة النهدين ذات عجز ممتلئة الأرداف
 ولكن بتناـسق رائـع .. باسمـة في تعال .. رقيقة رغم أنوثتها المتفجرة ..
شعرها أسود فاحم طـويل .. منـسـدل على ظـهرـها .. وعيـنـاهـا واسـعتـانـ
عـسـليـتـانـ ورمـوشـها طـولـية .. اسمـها نـازـك .. وـكانـتـ رـغـمـ ثـيـابـهاـ التـيـ
تـظـهـرـ أـكـثـرـ مـاـ تـخـفـيـ ،ـ بـهـ حـيـاءـ طـبـيـعـيـ وـخـجلـ يـتـورـدـ لـهـ خـدـاـهـاـ وـهـيـ
تـتـمـشـيـ أـمـامـ الجـمـيـعـ وـكـلـ الـقـلـوـبـ تـخـفـقـ مـعـهـا .. وـكـانـ النـخـاـسـ فـيـ قـمـةـ
سـعـادـتـهـ وـتـبـاهـيـهـ بـهـاـ عـنـدـهـ .. يـنـظـرـ إـلـىـ الـوـجـوهـ التـيـ نـزـلـ عـلـيـهـ سـهـمـ اللهـ
وـإـلـىـ الـأـلـسـنـ التـيـ تـدـلـتـ مـنـ الـأـفـواـهـ مـاـ أـنـ ظـهـرـتـ نـازـك .. وـكـانـتـ نـازـك ..
مـتـكـدـرـةـ الـمـزـاجـ حـيـثـ إـنـ عـرـضـهـاـ مـعـ هـؤـلـاءـ الـجـوـارـيـ بالـسـوقـ يـعـدـ حـطـاـ
مـنـ قـدـرـهـاـ وـعـقـابـاـ حـيـثـ كـانـ الرـقـيقـ الجـيـدـ يـبـاعـ فـيـ مـنـزـلـ خـاصـ ..
وـالـخـربـوطـليـ يـنـادـيـ عـلـىـ اـسـمـهـاـ وـهـوـ يـشـيرـ بـعـصـاهـ إـلـىـ أـمـاـكـنـ معـيـنةـ
مـنـ جـسـدـهـاـ كـانـتـ نـازـكـ تـبـرـزـهـاـ لـلـمـتـفـرـجـينـ فـيـ طـاعـةـ مـثـيـرـةـ ..

أيام مصرية قديمة .. وعصرية أيضاً

- وريهم النهدين يا نازك ..

فتبرز نازك نهديها .. فيهتف المارة : آه .

- وريهم الساقين يا نازك ..

فتقعد نازك على الأرض كاشفة عن ساقيها البضتين المرمرتين
فيهتف المارة : آه .

أروع ما في مصر أن أهلها يحبون الحياة .. فلو رأى أحد الغرباء ما
حدث بالأمس من قتل ونهب والرؤوس التي سقطت وأشلاء الجثث
التي ما زالت ملقاة في الطريق ولم تدفن حتى الآن .. لظن أن ما يحدث
في سوق النخاسين الآن .. يحدث في بلد آخر .. قال سنقر للخربوطي
وهو يربت بيده على مؤخرة نازك :

- أنا شاري يا حاج عبد الكريم .. وفلوسي جاهزة .

فقال الحاج الخربوطي :

- دي غالية عليك يا سنقر .. دي مش بتاعة الشعب والعوام اللي زيـك
.. دي ما تعيش إلا في قصر .

قال سنقر متضايقاً :

- هوه أنا جاي لك علشان تبكتني يا حاج .. بين البايع والشاري يفتح
الله .. إنت عاوز فيها كام !؟

فضحك الخربوطي ساخراً وقال :

- طيب يا سيدي .. هات ألف دينار وخدـها .

ماجنو

فصرخ سنقر في هلع :

- كام ؟ !!. دي مصر كلها ما فيهاش ألف دينار !!. إنت بستطبع
عليا ؟!. هي بتعمل إيه يعني ؟!

- بتعمل كل حاجة يا سنقر .. بتعمل اللي انت ما تقدرش تعمله ..
ولا تحلم انك تعمله .. هوه انت وأمثالك وش الحاجات دي !. ما
كل واحد يبص على قده .

نظر سنقر نحو نازك وقد امتلاً بالشعور بالحرمان .. كان يريدها ..
يريدها بكل جوارحه .. ولكن من يدفع ألف دينار في جارية !!. إن
السلطان نفسه يتrepid إذا سمع الرقم .. وقال لنفسه .. آه لو كان الألف
دينار معندي .. لما ترددت لحظة .. وشعر النخاس بها يجول في خاطر
سنقر .. فقال لنازك أمراً

- ادخلني جوه يا نازك .. خلاص ..

فدخلت نازك .. وسنقر يتابعها بعينيه حتى اختفت خلف ستار ..
فهمس متوسلاً :

- طيب آخذها نظام يا حاج .. أدفع لك كل شهر حاجة .. أنا معايا
أربعين دينار دلوقي .. خدهم وخد الحمار ده واديهالي .

فنهرق الحمار متضايقاً بينها استغرق النخاس في ضحكة طويلة :

- بأه عاوز تديني الحمار وتاخذ نازك ؟ !!.

أيام مصرية قديمة .. وعصيره أيضًا

وتضليل سنقر من سخرية النخاس لهم بالانصراف .. فأمسك به
النخاس وقال له :

- استنى بس .. استنى .. أنا مش حاهمشيك زعلان .. عندي حنة
حلوة قوي وبالأربعين دينار اللي معاك ..

قال سنقر متشبثًا بالأطفال :

- بس أنا عاوز نازك !

قال النخاس الذي لا يريد أن ينصرف دون أن يأخذ ما معه من مال :

- بلا نازك بلا قرف .. دي بت نكديه ووح تتعبك .. دي منظر
ع الفاضي .. وريحتها وحشة .. وطويلة عليك .. إنت ما ينفعكش
غير شمس الشموس ..

نظر سنقر نحوه وقد استبد به الفضول .. وقال له :

- ودي أحلى من نازك ؟ !

- أحلى ألف مرة ..

ثم نادى النخاس :

- إطلع يا شمس الشموس ..

وانفتح الستار لتخرج شمس الشموس .. امرأة قاربت على الستين من
عمرها .. سوداء .. وقد ملأ وجهها الأصباغ والمساحيق .. بالكاد تمشي
في وهن .. قبيحة .. طويلة الأنف .. نحيفة .. فصرخ سنقر حينما رأها :

ماخو

- بأى دى شمس الشموس ؟!. دى محروقة يا حاج ؟!!.. والله لو
اديتني عليها خستلاف دينار ما آخذها !.
- طيب اسمع بس يا سنقر .. طيب خدتها وهات الحمار .
- ليه ؟!. هو انا حمار يا حاج ؟!!

وأثناء البيع كان المشترون يقلبون الجواري كما يقلبون أي سلعة
يريدون شرائها .. وذلك لأن النحاسين كانوا يلجأون إلى الحيلة في
إخفاء العيوب .. فيغيرون لون البشرة ويجعلون السمراء إلى ذهبية اللون
ويحمرون الخدوذ المصفرة وينعمون الأطراف الخشنة ويزيلون ما في
الوجه من آثار الجدرى والنمش والوشم ويطبلون الفم والجسد .. ولهم
في ذلك وسائل شتى من التدليل بالدهن والشمع والطلبي بالأصبغة
والتضميغ بالعطور والطيب .

وفجأة دخل السوق أحد التجار وبيده جارية وأمسك الخربوطلي
النحاس وهو لا يزال يتفاوض مع سنقر .. وقال له :

- يا راجل يا نصاب يا حرامي يا قليل الدين !. تدينني جارية .. أروح
البيت ألاقيها دكر !. تدينني عبد بسعر جارية .. اشهدوا يا ناس على
الراجل النحاس اللعن ..

فأخذ المارة يلتقطون حول الرجل ويؤازرونه ضد النحاس فقال أحدهم :
- ده اداني جارية وقاللي إنها زينة الجواري .. طلعت هبله ..

أيام مصرية قديمة .. وعصرية أيضاً

نظر سنقر نحو نازك مذعوراً .. فحولت له عينيها ولعبت له حواجبها وأخرجت له لسانها فارتبك ..

ومضى سنقر هو وحماره .. وهو في قمة الضيق .. وإذا بحماره بانجو يحرن ويرفض المسير .. فصرخ فيه سنقر :

- وقفت ليه انت راخر ؟! مش ناقصاك النهاردة .. كل حاجة واقفة انت زعلان علشان كنت حابيعك .. ما هي البيعة باذلت يا بانجو .. وانت كمان لازم تحس بيا .. تقدر مشاعري .. أنا في عز شبابي .. والشباب نار يا بانجو .. ما تأخذنيش بأه ..

ثم شرد سنقر طويلاً .. وعاد ليسأل حماره فجأة :

- إنها الواحد عshan يعمل له ألف دينار في البلد دي يا بانجو .. لازم يعيش كام سنة ؟!!

* * *

الفصل الثاني

لم يكن أحد يعرف تحديداً ما هي طبيعة العلاقة بين سنقر وحماره بانجو .. كان الناس يراقبونها أثناء سيرهما في الطريق ويتجاهلون .. بعضهم أكد أن بينهما -سنقر والحمار- شبهًا غريباً وتطابقاً في الملامح .. حتى أن أحدهم أقسم أن سنقر رضع وهو صغير من أم الحمار ! .. والبعض الآخر وأشار بخبث إلى أن علاقة شاذة تربط بين سنقر والحمار .. وأن كلامهما يغير على الآخر غيرة جنونية ..

وحكى يوم أن جاءت إلى الحمام جارية بيضاء رومية ممتلئة أناها .. والأنان هي أنس الحمار .. وأنه رفسها رفسة كادت تودي بحياتها لا يعرف أحد من الذي رفس ؟!. هل هو سنقر أم الحمار ؟!

في السنوات الأخيرة لم يعد سنقر يكلم أحداً .. كانوا فقط يشاهدونه ممتلئاً حماره أو سائراً بجواره ويغمغم بكلمات غير مفهومة .. وكان الحمار يهز رأسه معقباً بجدية من يستوعب .. وكان أحياناً يعلق

على ما ي قوله سنقر بأن ينهرق فيمقاطعه سنقر معترضاً بصوت لا يختلف
كثيراً عن صوت الحمار قائلاً : لا إستنى بأى يا بانجو ما تقاطعنيش ..
الموضع غير ما انت فاهم خالص وكان المارة يضحكون حتى
يستلقوا على قفاهم .. الشيء المثير .. أنها في سيرهما - سنقر والحمار -
كانا يتحركان ببطء شديد .. حتى تظن إذا رأيتهما أنها تمثalan .. أو أن
الحياة قد توقفت بالنسبة لهما .. ثم فجأة .. يُفاجأ أهل الحارة جميعاً بهما
وهما يركضان بسرعة جنونية مهولة .. فلا ينجو من اندفاعهما بعض
المارة وأحياناً يقرطمان بآبواب الحوانيت وتحطم البضائع ..
وتصاحبها لعنات المارة وشتائمهم .. وينهالون عليهم بالحجارة
والعصي والنبايات ..

* * *

وسنقر الجلبي كما رأينا يملك حماماً ورثه عن أجداده .. ورغم ذلك
 فهو لا يطيق الاستحمام .. ويقول العامة إنه لم يستحم من أيام الملك
المنصور قلاوون يرحمه الله .. لم يتبق من أهله أحد على قيد الحياة ..
كلهم قتلوا في المعارك التي كانت تدور بين المماليك في السوق .. أما
سنقر فكانت السهام والحراب والسيوف دائماً ما تخطئ طريقها نحوه
فتصر بجوار عينه أو بين فخذيه أو إذا انحنى فجأة يرشق السهم في
الحائط الذي خلفه .. ولو كان واقفاً وقتها لاستقر في قلبه .. ولم يكن

أيام مصرية فديت .. وعصير أيضًا

الموت يخطئ سنقر دائمًا لمهارة فيه أو لقدرة على الانفلات منه في آخر
لحظة .. وإنها لأن سنقر نفسه لم يكن مستوعبًا للموت بقدراته العقلية
المحدودة وكأنه لسذاجته لم يتتوفر لديه الوعي الكافي لكي يقابلها ..
فقد سنقر كل شيء .. الأب والأم والأعمام والأخوال .. ولم يتبق
له سوى الحمار بانجو ..

كان سنقر شارداً جالساً أمام الحمام ينظر نحو بانجو الذي يأكل
بشراهة التبن الموضوع أمامه .. فهمس له سنقر بحب :
- كل .. كل يا بانجو .. أحط لك تاني ؟
أوما بانجو برأسه ..

فقام سنقر ووضع له مزيداً من التبن .. ثم أردد قائلاً :
- عشان المشوار اللي رايحينه طويل .. ياللا اعمل لك همه ..
وفجأة .. وقف أمام الحمام رجل ضخم الجثة أسود اللون عريض
المنكبين يبدو أنه مارد خرج لتوه من القمقم .. وخلفه عدد من
الجواري المنقبات يتضاحكن في ميوعة .. واقترب من سنقر ..
- أنت المعلم سنقر الجلبي صاحب الحمام ؟
انتفض سنقر من على مقعده .. مرعوباً ..
- أيوة يا خويا .. أنا لا معلم ولا حاجة .. أنا على باب الله ..

بانجو

- أنا برعيل أغا ..

- وأنا لياليا الشرف إني أقابل حضرتكاليوم ..

كان برعيل أغا خصيًّا أمرد سليب اللحية والشاربين .. بجسم يمبل إلى السمنة وفي صوته خنوثة تبدو عليه علامات التكبر في وجوم وأسى .. سريع الخوف سريع الغضب .. به ميل للأذى تجاه الآخرين والخصيَان هم المؤمنون على حراسة وخدمة الحرير .. وهذه الأمانة كانت مصدر فخر وشرف لهم .

واقفًا وخلفه الجواري نظر برعيل أغا نحو سنقر الذي نظر في الأرض احترامًا وخشية أن يرميه برعيل بطرف عينه وهو يحدق في الحرير .. وقال له باستكانة :

- أؤمرني يا حضرة الأغا ..

فقال له برعيل بالأطمة وعنجهية :

- أنا جايب الجواري دول عشان يستحموا عندك في حام .. دول من حرمك السلطان الأشرف خليل بن قلاوون .

- أنا خدام الجواري يا عمي .. وعبد من عبيد السلطان خشوا اقلعوا .

(وهمس سنقر للحرار بانجو) :

- شايف .. آدينا اتعطلنا أهوه .. عمال أقولك أخلص عاوزين نمشي ..
يا مستعجل عطلك الله ..

أيام مصرية قديمة .. وعصرية أيضًا

اندهش برغل الطواشي حينها رأى سقر يكلم الحمار .. وسأله
بفضول :

- إنت مخاوي يا جدع انت ؟ !

- أنا ؟ ! . أبدًا والله يا برغل أغا .

- لا .. أكيد مخاوي .. أنا لازم يبلغ مولانا سلطان إن فيه واحد سقر جلبي
يكلم حيوانات .

- يا عم أنا باكلم نفسي .. من غلبي .

- أنت يكلم نفسك تبأى واحد مجانون لازم يروح بيمارستان ..

* * *

ودخلت الجواري بمرح وسرور إلى باب الحمام .. كان المدخل أشبه
بقبو وفي ركن منه تجلس المشرفة على الحمام .. لتلتقي منهن ودائعهن
من نقود وحلي وغير ذلك مما يخشى عليه من الضياع أثناء الاستحمام ..

ومن المدخل يدلن جاريات إلى بهو فسيح بوسطه ردهة مبلطة
بالفصيفاء ويتوسطها فسقية رائعة .. وفي جوانبها إيوانات بها مصاطب
ترتفع قليلاً عن الأرض .. والحمام لابد أن يكون مسدود النوافذ ليس فيه
طاقات ولا أبواب مفتوحة لأنه يشتمل على ماء حار وهواء حار ..
مبنياً بالحجر الصلب رفيع البناء واسع الفضاء حتى تفرق الحرارة
ولا تنحصر الأنفاس ورغم ذلك فالحمامات غالباً ما تكون كثيرة

بأبو

الضياء ، والنور الذي يدخل إليه إنما يمر من جامات أو نوافذ مغلقة
الإحكام في السقف بها زجاج شفاف .. على جدرانه نقشت الصور
البدعة كالأشجار والثمار والدروع والسيوف والرماح والقلاع
والخصون والسفن والوحش والأطياف المفردة .. وكما قال ابن سينا :
- خير الحمام ما قدم بناؤه واتسع فضاؤه وعذب ماؤه .

ويكون الدخول للحمام بالتدریج فغير الساحة الأولى .. عمل أهل
مصر على جعل الحمام من الداخل بيتن .. الأول منها للتبريد والترطيب
ولكن ماءه لا تضعف سخونته لقربه من النار .. والبيت الثاني ملاصق
لمحل النار أقوى حرارة من الأول وبه كثير من الحياض والمغاطس المستديرة
إذا جلس فيها من يريده الاستحمام غمرت البدن كله ..

وبدأت الجواري في خلum ثيابهن فصرن عاريات تماماً كما ولدتهن
أمهاتهن .. ودخلن عابثات إلى بيت الحرارة فاستقبلتهن البلانة
وأخذت تدلّك أجسادهن بقصور الرمان وتزيل الشعر الزائد بعجينة
من السكر والليمون ثم من البلانة إلى الماشطة التي تقوم بتزيين الوجه
والرأس .. والنساء في صحب وضحك .. فهذه تخضب يديها وقدميها
بالحناء .. وهذه توشم أجزاء من جسمها بالوشم الذي تفضله .

* * *

_____ ايم مصربيه فديمه .. وعصربيه ايضا

في مدخل الحمام كان برغل الطواشى جالسا وقد وضع سنقر أمامه
ما لذ و طاب من الحلوي التي يأكلها بنهم .. و سنقر يحلق له شعره
ويحاول أن يكسب وده ويتنقى شره بكل الطرق ..

- عجبتك المهلبية يا برغل أغا؟ .

- هايل .. عظيم .. لكن .. إديني كمان .. مهلبية كمان ولد سنقر .

- ده سبع طبق مهلبية تقوم بيها يا عم برغل .. الرحمة !.

- علشان أنا يسكت ومش يبلغ مولانا السلطان لازم يأكل مهلبية كمان .

- لاً .. إنت مش عاوز مهلبية .. إنت عاوز سد الحنك .. إنها .. قوللي يا عم
برغل .. هوه أنت طواشى من إمتى ؟!. قصدي يعني .. وهمابيشيلوك
ال حاجات كان عندك كام سنة ؟.

- أنا مش يتذكر إمتى سنقر .. أنا كنت لسه مولود ..

- ولما بتدخل مع الحرير في الحرملك .. بتعمل إيه ؟!.

- أنا مش يعمل حاجة ..

- وبيبأوا قالعين قدامك ؟

- ملطف .

- يا قلبك يا برغل .. و عمرك ما حسيت إنك عاوز يعني ..

- عاوز إيه ؟!

- تلهط زي ما انت نازل هبط كده في المهلبية من الصبح .

بايجو

قال برعيل ببراءة مستغرباً :

- أهط إيه ؟ !.

- يا بختك يا برعيل .. ده انا لو شفت عنين واحدة باصة من مشربية ما
بانامش الليل .

- ليه يا سنقر ؟ !.

- ح أقولك إيه بأه .. لو قعدت اشرحلك من هنا للصبح مش حتفهمني ..
أصل إحنا يا برعيل كرجالة يعني لما بنشوف الحرير بنبأي زي ما تقول
كده .. بنسخن .. شوف يا برعيل .. زي الحكاء اللي قبلنا ما قالوا اللذات
خمس .. لذة ساعة وهي الجماع .. ولذة يوم وهو الحمام ..

ثم صمت ..

فقال له برعيل :

- وإيه ثلاثة باقيين فالاد سنقر ..

قال سنقر :

- أنا مش فاكر غير دول .. ومش مجنني غير دول .

فضحك برعيل وقال له:

- وليه ما تشتري لك جارية من السوق فالاد سنقر ؟ .

- الأسعار ولعت يا برعيل .. ما انت عارف .. النخاسين بأوا مفترين ..
النخasse كانت زمان .. ده أنا أبويا الله يرحمه كان يمحكيلي إنه كان ينزل

— أيام مصرية قديمة .. وعصرية أيضًا

سوق النخاسة يجر له أربع عشر مره وراه ويدفع على مهله .. كل شهر
يدفع له 5 دينار .. واللي ما تعجبوش يرجعها ويأخذ بداها .

وأثناء الحوار بين برغل وسنقر .. كان الحمار بانجو منصتاً مبتسمًا في
خبث .. ودخلت البللة بجرأة .. وقالت :

- فين الطواشي برغل أغا؟

قام برغل واقفاً في احترام وضرب قدمه في الأرض .

- تعالى يا خويا الحرير عازينك .

وهرول برغل خلفها مسرعاً .. وسنقر ينظر في أثره وقال للحمار بانجو .

- روح يا عم برغل .. روح دلك وكيس ودلع نفسك .. يا بختك ..
ألا باقولك إيه يا بانجو .. هوه الواحد مش لو كان طلع طواشي كان
أحسن .. لا كنا شيلنا اهم بأه .. ولا سهرنا الليالي نفكري في الحرير .

ونهق بانجو معترضاً على كلام سنقر .. فقال له سنقر :

- وانت إيش فهمك يا بانجو .. إنت حمار .. ده انت بتشفف الحمار من هنا
ويركبك ستين عفريت .. مش لو كنت سمعت كلامي وبأيت حمار
طواشي كان زمانك عايش مرتاح ... طيب .. نهق يا خويا .. نهق .. آدي
اللي انا واحده منك .. قوم بأه وبالللانروح مشوارنا قبل ما حد تاني يطب
عليينا في يومك اللي مش فايت ده .

* * *

بانجو

وانطلق بانجو وفوقه سنقر الجليبي في الحارة .. ففعلاً ما يفعلانه في كل مرة اندفعاً في غباء ورعونة ولعنات الجميع تلا حقهما.. لم يكن سنقر فقط الذي في عجلة من أمره .. بانجو أيضاً كان متراجلاً أكثر .. فهما ذاهبان الآن إلى الجنة .. نعم .. إلى الجنة .. الجنة التي اكتشفها بانجو حينما تاه ذات يوم وكان سنقر نائماً فوقه .. وأفاق ليجد نفسه في مكان عجيب .. هو صحراء .. ولكن به أشجار غريبة تقف كالأشباح .. أشجار لم يرها سنقر من قبل وكان الخمار بانجو يأكل من أوراقها بنهم شديد ويجهرها في فمه باستمتاع .. يتذكر أنه يومها أخذ يلعن بانجو .. ويضر به ضرباً مبرحاً .. ويضحك حينما يتذكر أن بانجو لم يكن يتأمل أو يعترض على ضربه إياه .. بل كان سعيداً .. يبرطع ويرقص .. وكان لنهاية طعم غريب .. ولما أيقن سنقر أنها لن يستطيعا العودة في تلك الليلة ، ولما استبد به التعب والبرد .. جلس على الأرض وأحضر بعضاً من فروع الشجر وأشعل فيها النار ليتدفأ حتى يطلع النهار .. وإذا بدخان غريب ينبعث من أفرع الشجرة المشتعلة .. دخان رائحته عجيبة دخلت في نحاشيسه وصعدت إلى رأسه فبدأ يرى أشياء رائعة .. رأى الجواري ترقصن عند قدميه .. وكانت نازك أحلامهن وأكثرهن أنوثة وروعة .. كانت تغنى وترقص له وحده .. والأشجار الوارفة من حولها والنخيل يتمايل .. والأنهار تجري من حوله .. ونظر نحو بانجو .. الذي كان يبتسم ابتسامة رائعة .. وكان شكله وسيماً جداً .. أجمل من

أيام مصرية قديمة .. وعصيرات أيضًا

كل أمراء الملوك وغلمانهم وكان صوت نهيقه أشبه بغناء المغاني اللاتي ينشدن فيأخذن الألباب بسحر أصواتهن .. وأخذ يدندن بأغنية الست نصيحة الحموية تلك المغنية التي بدأت تذيع شهرتها .. وكان بانجو يدندن الأغنية معه .. ولما فرغوا من الغناء قاما .. ورقصا معا ..

وشعر سنقر أنه أقوى رجل في مصر .. فصرخ بأعلى صوته :

- ملعون أبو الوزير .. ابن السلعوس .

وقال له بانجو :

- ألف مرة .

- على أبو الأمير بي德拉 .

- ألف مرة .

- على أبو السلطان خليل بن قلاوون .. قال مسمى نفسه الأشرف قال ..
الأشرف ده عند امه .. الواطي الظالم المفترى .

- ألف مرة .

وهكذا مرت الليلة الأولى التي ذهب فيها سنقر وبانجو إلى تلك المنطقة النائية .. والتي جعلتها صديقين حميمين .. فكانا في طريق العودة .. يمشيان ببطء شديد ممل من تأثير المخدر .. وهما يتهمسان والناس تضحك من منظرهما .. وحينها يريدان الذهاب إلى الجنة (جنة

بانجو

المخدر) التي اكتشفها الحمار بانجو .. كانا يقطعان الحرارة بمنتهى السرعة والهمجية حاجتها الشديدة إلى المخدر الذي صار إدماناً .. والحقيقة أن سنقر الجلبي لم يكن يحرص على الذهاب إلى حيث أشجار المخدر فقط لكي يستنشق الدخان الأزرق أعظم اكتشافات حماره بانجو وإنما .. ربما .. لكي يفضفاض قليلاً وينخرج ما بصدره من الكبت والغل والضيق .. من مصر التي يحكمها المالك بالنار والحديد ..

* * *

الفصل الثالث

جالسا على عرشه .. وأمامه الأمراء والشعراء والنديماء .. سلطاناً
 حقيقياً يملأ العين ويرجف القلب .. شجاعاً مقداماً على الهمة ..
 ضخماً سميناً كبير الوجه بديع الجمال مستدير اللحية ، على وجهه
 رونق الحُسن وهيبة السلطنة شديد السلطة والوطأة .. قوي البطش
 تخافه الملوك في أمصارها والوحوش في آجامها .. لم يبلغ الثلاثين بعد
 .. لم يترك ولداً ذكراً .. وإنما لم يكن له سوى ابنتين .. هكذا كان
 السلطان الأشرف خليل بن قلاوون الذي برغم أنه فتح عكا وصور
 وبيروت قلعة الروم إلا أنه كان يطارح الأدباء بذهن رائق وذكاء
 مفرط .

دخل عليه الوزير ابن السلعوس وقبل الأرض بين قدميه حاملاً
 أوراقاً يريد ختمه عليها ..

باب الجو

نظر الأشرف خليل إلى الوزير وهو يتأمل الأوراق بعناية ويفحصها بدقة .. وقال له باستنكار :

- ما هذا يابن السلعوس .. إنتوا فاكرین السلطان ده إيه ! فلاخ ! واحد من السوقه والعوام ؟! أنا أكتب وأقرأ وأفهم أعظم من كل علماء مصر .. ما هذه الكتابة الركيكة ؟!. من هذا الذي يوقع على المكتوب .. بالزعيم ؟! من زعيم الجيوش غيري يابن السلعوس !

ارتتجف الوزير .. وجف حلقه .. وقال :

- يا مولاي السلطان .. هو الأمير بي德拉 .

تنهد الأشرف خليل في ضيق واستنكار :

- آه .. أي مصيبة في البلد دي .. أي كارثة .. لابد أن تلزقها في الأمير بي德拉 ما هو الحقد والكراهية اللي بينكوا دي هي اللي ح تحيب الخراب للسلطنة كلها .

قال الوزير :

- يا مولاي .. أنا قدمت لفخامتكم تقارير كثيرة عن اللي بيعمله الأمير بي德拉 في السلطنة .

- وتفتكر إني ما قريتهاش يابن السلعوس !.. أنا باقرا كل كلمة بتجيوني كويس .

— أيام مصرية قديمة .. وعصرها أيضًا

- الأمير بي德拉 يا مولاي .. ماحدش قادر يقف قصاده .. ونوابه استولوا على المتاجر وظلمه على العباد اشتد واستفحـل .. الأمير بيـدرا يا مولـاي يمتلك من الأموال والثروات والضيـاع والأراضـي والجوارـي والقصور أضعـاف ما يملـكه مـولـاي السـلطـان .. ولـقد كـتـبـتـ في التـقـرـيرـ إنـ غـلـمـانـهـ قدـ اـسـتـولـواـ عـلـىـ الـبـهـارـ وأـدـخـلـوهـ الـحـوـاـصـلـ وـحـينـهاـ اـعـتـرـضـتـ عـلـىـ ذـلـكـ حدـثـ بـيـنـيـ وـبـيـنـهـ شـجـارـ وـتـجـرـأـواـ عـلـيـاـ .. وـقـالـواـ كـلـامـاـ فـيـ حـقـيـ وـفـيـ حـقـ السـلـطـانـ .

وشـرعـ ابنـ السـلـعـوسـ يـزـيدـ عـلـىـ كـلـ كـلـمـةـ عـشـرـةـ ،ـ وـأـغـلـظـ القـوـلـ فـيـ حـقـ الـأـمـيرـ بيـدـراـ وـأـثـخـنـ جـرـاحـاتـهـ عـنـدـ السـلـطـانـ حـتـىـ حـرـضـهـ عـلـيـهـ ثـمـ قـدـمـ لـهـ مـكـتـوبـاـ وـقـالـ لـهـ :

- وهذا تقرير بما هو موجود عنده وما حدث منه .

هـنـاـ اـشـتـدـ غـضـبـ السـلـطـانـ وـهـوـ يـقـرـأـ التـقـرـيرـ .. وـصـرـخـ فـيـ حـرـاسـهـ :

- أـرـسـلـواـ فـيـ طـلـبـ الـأـمـيرـ بيـدـراـ .. لـيـأـتـ إـلـيـ حـالـاـ ..

وـنـظـرـ إـلـيـ مـنـ حـوـلـهـ .. وـقـدـ اـسـتـولـتـ عـلـىـ الجـمـيعـ حـالـةـ مـنـ الصـستـ والـرـهـبةـ .. فـالـأـشـرـفـ قـلـاـوـونـ .. حـينـهاـ يـغـضـبـ فـإـنـ غـضـبـهـ مـهـوـلـ .. كـبـرـكـانـ يـنـفـجـرـ فـتـتـصـاعـدـ أـلسـنـةـ اللـهـبـ وـالـحـمـمـ مـنـهـ وـقـدـ تـصـيبـ آخـرـينـ لـيـسـ لـهـ يـدـ وـلـاـ شـأنـ فـيـ المـوـضـوـعـ ..

* * *

١٨٩

دخل الأمير بيدرا و كان فارساً مغواراً مشوق القوام طويل القامة ..
تبعد على وجهه آثار النعمة و سعة العيش .. كان معتداً بنفسه ..
كحصان عربي أصيل .. به خيلاء .. و كبر .. تخلى عنهم مؤقتاً حينها
دخل على السلطان .. لكنه لم يستطع أن يتخلى عنهم تماماً .

انحنى أمام السلطان .. و قبل الأرض تحت قدميه .. كان يفعل
ذلك كأنه يمارس لعبة رياضية أو يمثل شيئاً غير مقتنع به .. لم يكن
أداؤه به الخشوع الملائم والخوف التقليدي .. و شعر السلطان بذلك ..
استطاع بفراسته أن يقيّم مشاعر بيدرا تجاهه .. إنه يستخف به ..
ولكنه سيلقنه درساً لن ينساه .

صرخ السلطان الأشرف صرخة مفزعة كأنها زارة أسد تمكّن من
فريسته :

- من السلطان هنا يا بيدرا؟

- هو أنت يا مولاي .

- ومن أنت؟

- أنا عبدك و خادمك المطيع يا مولاي .

- وهل تعلم ماذا يحدث للعبد إذا تغير خاطر السلطان عليه؟!

- أعلم يا مولاي .. وأتمنى الموت قبل أن يتغير خاطركم عليّ .

أيام مصرية قديمة .. وعصيرية أيضًا

— إذا فأنت اخترت الموت .. ولكنني أرى الموت لكم على يدي مكافأة
لا تستحقها .

— افعل بي ما تشاء يا مولاي ولكن هل لي أن أعرف سبب تغير خاطر
ع祌مة السلطان عليا من الذي وشى بي عندك يا مولاي ؟

فضحلك السلطان ضحكة مخيفة ارتجت لها قاعة السلطنة .

— وهل تسأل الذبابة الأسد مثل هذا السؤال ؟! أنت هنا لست أكثر من
ذبابة حقيرة .. وليس لك أي رأي .. ولا صفة في الدولة .. وحينها أعود
من رحلة الصيد لي معك شأن آخر .. فهمت يا ذبابة ؟

وضحك الجميع بمحاملين السلطان طبعاً .. فالسلاطين إذا قالوا
نكتة لابد أن تضحك لها الحاشية .. وأعجب السلطان ضحكتهم له ..
وشعر بجبروته .. وفصاحته فأعاد النكتة :

— فعلاً .. إنه يشبه الذبابة .. أليس كذلك ؟

وضحك الجميع بالضحك حتى كادوا يستلقوا على قفاههم .

— هو ذبابة !! ذبابة .. ها ها .. هشوه عن هنا .

وعلا الضحك .. وأخذ يعلو ويعلو ..

— لماذا لم تضحك يا بيدرا ؟! ألا تعجبك الذبابة ؟! اضحك كما
يضحكون .. ألا تضحك للسلطان يا ذبابة ؟!

ماجبو

واغتصب بيدها ضحكة بصعوبة .. محاولاً الخروج من المأزق ..
فقال له السلطان محاولاً تجويد النكتة أكثر .. فالضحك مغير ..
- لا .. ها ها .. قل .. أنا ذبابة .. قلها .

وتمالك بيدها أعصابه .. وقد غلا الدم في عروقه ، ولكنك كان بين
أن يقتل أو أن ينفذ أوامر السلطان ..
- أنا ذبابة يا مولاي .. أنا ذبابة .

والقاعة كلها تضحك .. الأمراء والملائكة والحاشية .. بعضهم كان
يضحك شامتا .. والبعض الآخر يضحك منافقا .. وغيرهم كانوا
يضحكون لأنهم ليسوا في موقف بيدها الذي لا يُحسد عليه :

- وهل الذبابة تتكلم يا غبي ؟! الذبابة تطن .. أسمعني طنين الذبابة .
- إززززز ... إززززز
- أرني كيف تطير الذبابة .. هيا .

وأخذ بيدها الفارس يطير بذراعيه مقلداً الذبابة .. وقد استغرق
الجميع في ضحك متواصل حتى كادت قلوبهم تتوقف من الضحك .

* * *

خارجًا من القلعة .. كان الأمير بيدها في قمة الغل والحدق
والإحساس بالانكسار بعد ما فعله معه السلطان أمام الجميع .. راكباً

— أيام مصرية قديمة .. وعصرية أيضًا
فرسه .. وخلفه مماليكه الذين انضموا إليه .. ومشي الركب في شوارع
القاهرة .. يضربون الناس من حوله وال العامة يفرون من أمام الموكب
كفتاران مذعورة .. وبيدرا .. كان يفكر فيما سيفعل .. وكان قد أرسل
أحد مماليكه لإحضار الأمير حسام الدين لاجين والأمير قرا سنقر ..
وآخرين .. ليلتقا عنده في قصره .

* * *

دخل قصره المنيف .. ورأى على بابه حراسه الأشداء من المماليك
الذين اشتراهم ليحرسونه .. ورأى الفخامة والغنى والثراء الفاحش
الذي يعيش فيه ، ولكنه أحس بأنه أحقر كائن في مصر .. وما قيمة
الثروة والسلطة بغير كرامة ؟!. كان بانتظاره الأمير بهادر والأمير
لاجين والأمير قرا سنقر .

قال له الأمير لاجين :

— ماذا تريدين يا أمير بيادرا ؟!

قال بيادرا :

— لقد اجتمعت بكم لأنني أعرف أننا يد واحدة .. فهل إذا قدرت أمرًا
تساعدوني عليه ؟

قال الأمير قرا سنقر :

— دون شك يا أمير بيادرا .. أنت كبيرنا وأمرك نافذ علينا .

بايجو

قال بي德拉 :

- لقد قررت أن أقتل السلطان .

قال لا جين .. وقد رفعوا سيفهم جميعاً خلفه متحددين ..

- ونحن معك ..

* * *

ومضى الجميع من قصر الأمير بي德拉 إلا الأمير لا جين الذي بدا سعيداً بها فرروه واتفقوا عليه .. كان بي德拉 شارداً مهوماً فقال له لا جين مشجعاً :

- لا تحمل هماً يا سمو الأمير .. ولكم في القصاص حياة .. إن في قتل الأشرف خليل خيراً كبيراً لنا جميعاً .. ولنصر كلها .. لقد سمعت بأذني العامة وهم يدعون عليه ويتمنون زوال حكمه .. وأنت ستحق للشعب ما يريد .. إذا كان قد أهانك أمام حاشيته الفاسدة .. فأنا لن أنسى له أنه خنقني لو لا أن الله أراد لي الحياة .. ألا تذكر يوم المذبحة الكبرى التي شنق فيها الأمير سنقر الأشقر وجرمك الناصري وببلبان الهاروني .. وحمايا أبو زوجتي ركن الدين طقسو .. رأيت رؤوسهم جميعاً وهي تسقط أمامي تحت المشنقة .. حتى أتى دوري في الشنق ووضع السلطان بنفسه الوتر في رقبتي .. وبدأ يشد الوتر لخنقني .. فانقطع الوتر .. هكذا من نفسه لحظة إلهية .. لو لم ينقطع

أيام مصرية فديت .. وعصرية أيضًا

الوتر قبلها لما استطعت أن أعيشها.. قلت له متوسلاً متمسكاً بأخر
أمل لي في أن أعيش .. يا مولاي السلطان .. إيش ذنبي .. إذا كان
حبيباً شريك في المؤامرة .. آديك شنته وأنا أطلق بنته .. وبكيت
يا أمير بي德拉 .. بكى بكاءً مرّاً .. ولو لا تدخلك أنت مع السلطان
والحاشك في العفو عنى لما كنت الآن أكلمك وتتكلمني ..

دمعت عيناً لاجين وهو يتذكر الحادث المؤلم .. ومسح دموعه
بكرياء وشموخ .. ثم وقف في إصرار وقال :

- لا تتردد يا أمير بي德拉 .. أنت على الطريق الصحيح .. وأنت الأحق
بالسلطنة .

* * *

في الحمام .. كان الخربوطي راقداً على بطنه وسنقر يدلك ظهره ويكسه
ويلقي على ظهره الزيوت والعطور والخربوطي في غاية المتعة والانتشاء ..

- أيوة .. أيوة يا سنقر .. الحنة اللي فوق دي .. طقطقها لي بإيدك كده ..
أيوة ..

- بادلك ببنيتي أهوه يا عم خربوطي .. وعامل معاك شغل .. والله
لواني السلطان نفسه ما أعمله معاه .. تعرف .. لو حد غريب والله
ما كنت آخذ أقل من دينارين .

باخو

- دينارين !! ليه يا سنقر ؟! إنت بتعمل إيه يعني .. ده الحمام اللي عندنا في الوكالة باحّي فيه بالثلاثين جارية وهم الدينارين اللي بادفعهم برضه ! لا إنت كده مغلواني يا سنقر !

- أنا برضه اللي مغلواني يا عم خربوطي ! . ده أنا بقالي ستين رايح جاي عليك مش عارف أطلع منك بحنة جارية !

- ما انت اللي مش عاجبك العجب .. كل ما أجيبلك واحدة على ذوقى تقول لأ !

- يا عم خربوطي .. أنا عاوز واحدة على ذوقى أنا .. مش أنا اللي حادفع ؟!

- هو انت ياد تفهم في الجواري أكثر مني ! ده انت لو عصرتني بإيدك كده أنقط جواري .. أبص للجارية من دول بصة واحدة أجيبلك قرارها .. اللي عنديها تلاقيها واسعة كده ومفتحلة تبأى كسلانة مش بتاعة شغل .. واللي عنديها داخلة لجوه تبأى حسودية .. اللي عنديها جاحظة وطالعة لبره تبأه قليلة الحيا معندهاش خشا .

- آه يا عم خربوطي .. نفسي في واحدة من أمات عنين جاحظة دول .

- نيجي بأه للمناخير .. اللي مناخيرها صغيرة عاملة زي النقاية .. تبأه شرانية .. اللي مناخيرها طويلة زي الخياراية تبأه هبلة واللي مناخيرها غطسانة ومبططة تبأه قليلة الحيا ..

أيام مصرية قديمة .. وعصيره أيضًا

- آه يا عم خربوطي .. لو كانت عندها جاحظة على مناخير مبططة .

- اللي بقها واسع تبأه بت جريئة ما يهمهاش حاجة .. واللي شفافتها
كبيرة بآه ..

- ما ترحنني بأى يا عم خربوطي .. أنا تعبت وانت نايم قدامي عريان
كده .. إنت مانتش خايف على نفسك !

- يابني يا سنقر .. أهم حاجة في الجارية تعرف أصلها منين .. الهندية ..
حلوة وطيبة ومنكسرة .. صفرا شوية صحيح إنها طرية .. بس دول
يكبروا ويعجزوا بسرعة .. البربرية .. تبأى خاتم في صباعك ..
وسريرها حلو إنها خلقها ضيق وتلاقي حنكها ريحته مسك .. إنها
كله كوم والتراكية كوم .. بياض على حمار على حلاوة ..

- إسمع يا عم خربوطي .. أنا عاوز نازك .. ومتش عاوز غير نازك .

فيضحك الخربوطي ساخرًا :

- يادي نازك اللي خوت دماغي بيهَا يا سنقر .. يا ابني دي ما بتنزلش
السوق .. أنا نزلتها يومها كده عشان اكسر مناخيرها .. أصلها
طالعة فيها وفاكرة نفسها ياما هنا ياما هناك .. نازك دي ما تباعش
إلا لحريم السلطان .. أقل من كده ما افترطش فيها .

هنا ألقى سنقر بالماء الساخن الذي يغلي على جسد الخربوطي :

بايجو

- كده طيب خد بأه ..

فصرخ الخربوطلي من شدة حرارة الماء المغلي الذي أحرق ظهره :

- الله يلعنك يا سنقر ولعت لي ضهري .. آه .. آه ..

- هو انت تفهم في الحمام أكثر مني يا عم خربوطلي .. المية اللي بتغلي لما تنزل على ضهرك تطلع الجلخ ..

ثم صب كوبًا من الماء البارد والخربوطلي يصرخ والبخار يتتصاعد من ظهره .

- آه .. المية تلجم حرام عليك .. آه .. الله يلعنك .

- المية الباردة بأه بعد المية السخنه تخلي الجته تبريق وتنهرى .

وظل الخربوطلي يصرخ ويلعن سنقر الذي تركه في ضيق وترك الحمام .

* * *

الفصل الرابع

خرج السلطان للصيد و معه الأمير شهاب الدين أحمد أمير شكار ..
والأمير شكار هو أمير الصيد وهو الذي يتحدث عن الجوارح
والطيور وغيرها وسائر أمور الصيد مع السلطان وكلمة شكار هي
كلمة فارسية ومعناها الصيد .. فقد أبدع المماليك و تفتقروا في إعطاء
الشخصيات التافهة ألقاباً فخمة .

كان الملك يتقدم الجميع و بجواره متأخراً الأمير شهاب الدين ..
و خلفه الخاصكية وهم المقربون من الملك الذين يدخلون عليه في
خلواته بغير إذن .. وكان لهم شأن كبير في الدولة لقربهم من السلطان
و كانوا دائمًا ما يتأنقون في ركوبهم و ملبوسهم فيبدو المشهد وكأنه لوحة
خيالية بدعة أبدعتها يد فنان قدير ..

قال الأشرف خليل للأمير شهاب :

- امش بنا يا أمير حتى نسبق الخاصكية .. هيا .

باغو

وانطلق السلطان بفرسه وبجواره الأمير شهاب الدين .. وكان السلطان كان يريد أن يتكلم معه على انفراد .. حتى غابا عن الجميع ..
فقال له السلطان :

- أتعلم يا أمير .. إن أبي المنصور قلاوون لم يكن يحبني .

- كيف يا مولاي السلطان !؟

- كان يحب أخي الملك الصالح علي ولقد سلطنه في حياته .. كان أبي يشعر دائمًا أنني السلطان الحقيقي ولكنه لم يكن يحب أن يعترف لي بذلك .. ولكنني ولدت سلطانًا .. رغم أنف الجميع .

- ولكن المنصور قلاوون يرحمه الله .. أجلسك على العرش في حياته ..

- أجلسني نعم ، ولكنه لم يوقع على المرسوم الملكي الذي يرسمني سلطانًا .. حتى مات .. ولقد طلبت عدة مرات في حياته من قاضي القضاة فتح الدين بن عبد الظاهر أن يعطيوني المرسوم فكان يعيده لي في كل مرة بلا توقيع المنصور قلاوون .. وكان أبي السلطان قلاوون يقول لقاضي القضاة أنا ما أولي خليلًا على المسلمين ! وકأنه ندم على توليتي السلطنة .. ولكن السلطان امتنع أن يعطيوني وقد أعطاني الله .

وبينما هما سائران وجدا طيرًا كثيرًا .. فرماه السلطان بالبندق ..
فقتل عدداً كبيراً منه وهو في قمة النشوة والسعادة .. ثم التفت إلى الأمير شهاب الدين وقال :

- أنا جوعان .. معك شيء نأكله ؟

- معي فرخة ورغيف في المخلة .

- ناولني .. فأنا لم تنفتح شهيتى كما هي مفتوحة اليوم .

والتهم السلطان الفرخة والرغيف في دقيقة واحدة .. كان يبدو
كأسد موفور الصحة ينقض على فريسة .. وانطلق بالفرس والأمير
شهاب خلفه .. حتى وصلا إلى منطقة نائية بعيدة .. وترجل السلطان
من على فرسه ليتبول .. وكان لصوت البول ضجة .. فأخذ يضحك
ويولغ بذكره ويمازح الأمير شهاب الدين ..

- هل تعلم لماذا أحب الصيد يا أمير .. لأنني أحب النساء .. أحب
المرأة التي تجهدني .. كما أحب الصيد الذي يجهدني ..

- ألا نعود يا مولاي .. لقد ابتعدنا كثيراً !

- ابتعدنا عن ماذا يا أمير ؟ أنا في سلطنتي .. وكل هذه الدنيا ملكي
بأراضيها وجهاها ووديانها وأشجارها وجواريها ونسائها ورجاها
وغلها .. أتعرف يا شهاب الدين .. أشعر أحياناً برغبة في البكاء
من كثرة النعم التي أنعم بها الله علّي .. وتنتابني رغبة بأن أختفى
وأذهب متسللاً إلى أحد الخانقاوات وأنضم إلى الدراوיש والصوفة
والقلندرية .. أظل أتمايل مثلهم .. وأذكر الله .. وأحياناً أخرى ..
يركبني الشيطان فأحس أن بداخلي طاقة من الكراهية والغل لو
خرجت لأحرقت الأرض بمن عليها .. إن الرؤوس التي قطعتها
ووضعتها على أسنة الرماح ليمشي بها المشاعلية في شوارع مصر

بأنجوا

ليتفرج عليها الناس والرؤوس الأخرى التي علقتها على باب زويلة ..
أحياناً أحس أنها تظهر لي في أحلامي أو في يقظتي .
- وهل تخاف منها يا مولاي ؟ !.

- السلاطين لا تخاف يا شهاب الدين .. بل إنني كلما رأيتها .. ازدادت
رغبتني في أن أقطع المزيد والمزيد من الرؤوس .. إن للقتل لذة يا أمير ..
 تماماً كما نفعل الآن ونحن نقتل الطير .. ونصفق ونهلل .. وماذا فعل
لنا الطير ؟ !. فما بالك لو كان الرأس الذي تقطعه وتفصله عن الجسد
رأس شخص تكرهه .. ضربة قوية واحدة بسيف بتار .. تلقي به
مثل كرة على الأرض .. وانظر إلى الجسد وهو يتربع بلا رأس ..
معجزة .. معجزة حقيقة .

و أمسك الأمير شهاب الدين برأسه وهو يبلغ ريقه من الخوف ..
فضحك السلطان وقال له مداعباً :
- لا تخاف يا أمير .. فرأيك ليست من الرؤوس التي تتعني وهي تحجز
بالسيف ..

وتنهى الأمير تنهيدة وقال :
- الحمد لله .. !

فضحك السلطان ومضى بفرسه إلى لا وجهة .. وخلفه الأمير
شهاب الدين .

* * *

ايم مصرية فديه .. وعمره ايه
كان سنقر جالسًا على الأرض وقد وضع ورق الشجر أمامه وأخذ
يفتهن بيديه .. حتى صار مثل حبات الرمل ووضعه فوق الجوزة التي
صنعها بيديه .. ثم أخذ يضع فوقها النار .. ويسحب أنفاسًا من
الجوزة .. فيخرج الدخان من أنفه وفمه .
أما بانجو فكان يأكل من أوراق الشجر بنهم .. وسنقر في قمة
الاستمتاع .

ما على مهلك يا بانجو .. بلاش الغباوة دي .. إحنا متسرعين على
إيه .. ادينا قاعدين للصبح .
وأخذ نفسًا عميقًا جدًا وكتمه بصعوبة .. ثم أخرجه فاحمرت عيناه ..
وسرى المخدر في عروقه وشرأينه .

بس .. بدأت تشتعل أهيه .. تعرف يا بانجو .. أنا لما باجي هنا ..
بحس إن أنا بني آدم يا جدع .. بحس إن أنا ملك وإن الدنيا دي كلها
بتاعتي .. بأراضيها وجهاها وحريمها وحيرها .. لا مؤاخذة يا بانجو
يعني .. ما تقفليش ع الكلمة .. هوه أنا بأتكلم غير معاك؟! أنا أصلي
لما باشرب الدخان ده باشوف حاجات غريبة .. لو قولت عليها لأي
حد ح يودوني المورستان .. إنها أنا عاوز أسألك سؤال يا بانجو .. هي
بلدنا دي ح تفضل ع الحال ده لحد إم.تي؟ خمسين سنة كمان؟! ميت
سنة؟! خسمين سنة؟! ألف سنة! وح نعيش السنين دي كلها ملطشة
كده برضه يا بانجو .. ساعات كده باغمض عيني وأسرح يا بانجو ..

بانجو

أشوف مصر دي بلد حلوة .. وشوارعها نضيفة وناسها مؤدبين ..
ساعات كده أتخيل إن الحاكم اللي ح يحكمنا مش ح ييجي غصب عن
اللي خلفونا .. إنما .. إحنا اللي ح نجيبيه .. نختاره من وسطينا ..
ما تنهقش يا بانجو .. ماتتمهزأش بيا .. أنا عامل دماغ حلوه .. سيببني
يا أخي .. حتى التهيهات ممنوعة في البلد دي .. يا سلام يا بانجو
لو تشوف اللي انا شايفه .. شايفها مليانة عدل وحب .. وكل واحد
فيها واحد حقه .. ومحدش من المماليك يقدر ينزل ضرب في خلق الله
بمناسبة ومن غير مناسبة .. والسلطان مالوش الخاصية اللي
بيحميهم ويسيبهم زي الكلاب المسورة على الغلابة اللي زبي وزيك .

كان بانجو من كثرة ما أكل من أوراق الشجر المخدرة .. قد بدأ
يترنح .. ثم نام على الأرض في سعادة .. نظر سنقر نحوه .. وقال بياس :

نام .. نام يا بانجو .. نام وانبسط .. ما هو أنا لولا محبي اللي تاعبني
ده كنت نمت زيك وضررتها ستين بروطوشة .. انت تأكله وتنم وأنا
أفضل أحرق فيه وأقعد آخذ وادي مع نفسي لحد ما اتخمد .

* * *

وقف السلطان بفرسه .. وخلفه الأمير شهاب الدين يتأمل المنظر ..
وهو يضحك حتى كاد يسقط من فوق الفرس فسنده الأمير شهاب
الدين .. كان سنقر نائماً بجوار بانجو واضعاً قدمه على جسمه وقد غاب
كل منها في سبات عميق ، وكلاهما يشخران في إيقاع موسيقيٍّ عجيب

أيام مصرية قديمة .. وعصرية أيضًا

، وكان كلاً منها يعزف على آلة ويتضرر الآخر .. كان لتناغم شخيرهما ووضعهما في نومتهما ما يوحى بأشياء أضحك السلطان والأمير .

قال السلطان خليل :

- أيقظه يا أمير لنعرف ماذا كانوا يفعلان ؟ !

ذهب الأمير شهاب .. وضرب سنقر بقدمه ليستيقظ .. فظن سنقر أن بانجو يتقلب .. فقال له في زهر :

- ما تبطل الرفس ده بأه يا بانجو .. وتنام في يومك ده ..

فصرخ فيه الأمير شهاب :

- استيقظ فالاد .. أنت في حضرة السلطان الأشرف .

قام سنقر مفروعاً وفتح عينيه فوجد السلطان أمامه .. السلطان بشحمه ولحمه .. لم يصدق عينيه .. أخذ يفركمها ويقرص نفسه ويضرب خديه .. وهو يعلم أن ما يتعاطاه هو وحماره أحياناً يجعله يرى بعض التهبيات .. فكثيراً ما رأى أنه في الجنة التي تجري من تحتها الأنهر .. وكثيراً ما رأى الحور العين .. وكلم العصافير والطيور .. كل هذه أمور معقولة بالنسبة للتهبيات ولكن .. أن يرى السلطان .. الأشرف خليل .. فهذا شيء فوق كل التهبيات .. ربما كان يحلم ؟ !

هذا ما قاله سنقر لنفسه .. ولكن السلاطين لا تظهر حتى في الأحلام .

- ماذا تفعل هنا فالاد أنت وحمار ؟ !

بانجو

كان هذا هو سؤال السلطان لسنقر .. الذي كاد يفقد وعيه حينها سمعه يتكلم .. أخذ سنقر يرفس بانجو محاولاً إيقاظه ليشهد معه اللحظة التاريخية العجيبة .. ويكون شاهداً على أنه كلام السلطان أو أن السلطان يكلمه .. لن يصدق أحد ذلك حينما يحكىه بعد ذلك .. سيقولون إن سنقر مجنون .. أو أبله وسيسخرون منه .

- لماذا لا تحب فالاد .. أنت أخرس .. إذا لم ينطق أقطع لسان فالاد .

ألقى سنقر بنفسه تحت قدمي السلطان .. وأخذ يبكي ويضع التراب فوق رأسه :

- أنا مش مصدق يا مولاي السلطان .. مش مصدق .

و وأشار السلطان إلى الجوزة التي كانت على الأرض بجانب سنقر :

- ما هذا فالاد .

- دى حشيشة يا مولاي .. حشيشة من اللي بتطلع في الشجر ..
بانشفها وافركها واحط عليها النار .. وبعدين أشد .

- تشد ماذا فالاد ؟

- أشد الدخان وأخذه في نحاشيشي أكتمه .. وأقوم مطلعه .

- وعشان إيه إنت إعمل كده فالاد .. ده شيء جميل ؟

- عظمه يا مولاي .. روكان .. مزاج عالي قوي .

- ومن اكتشف هذا فالاد .

- ده بانجو الحمار مش أنا يا مولاي .

أيام مصرية قديمة .. وعصرية أيضًا

- أنا أحب جرب دخان فالاد .

- يا سلام .. ده انا اعمل لفخامتك حجر وصاية .. هوه انا في ديك
الساعة .. اصطباحتك زي العسل .

وبدأ سنقر يعمل بسرعة .. يقطع الحشائش ويفركها ثم يكبسها في
الحجر .. وأخذ يبكر الجوزة ليتأكد من دقة منسوب المياه بداخلها ..
ثم وضع النار على الحجر .. وأخذ نفساً ف قال السلطان :

- ما هذا فالاد حيوان .. سلطان هو اللي يشرب دخان مش صعلوك .

- باسخنها لفخامتك يا مولاي السلطان .

أمسك الأشرف خليل بالجوزة .. وأخذ يشد أنفاس الدخان من
قصبة الجوزة .. واستطعمه فأعجبه .

- هايل فالاد .. تمام .. واحد تاني فالاد .. اسمك إيه حيوان .

- سنقر يا مولاي .

ورَضَّ له سنقر له حجرًا آخر .. وأعطاه قصبة الجوزة فردها له
السلطان .

- سخن حجر فالاد .

كان طعم المخدر قد بدأ يروق لعظمة السلطان .. بينما كان سنقر
يشد الدخان .. فتتلاً النيران فوق الحجر مما أعجب السلطان غاية
الإعجاب فقال له :

- أنا عين إنت في قصر في وظيفة دخانجي دار .. بس وظيفته يعمل
دخان لعظمة سلطان .

بأجنو

هنا لم يتهالك سنقر نفسه وارتوى على يد السلطان وقد مديه يقبلهما شاكراً والسلطان يشد في الدخان وقد بدأ ينسطل ويضحك بهستيريا .

* * *

في مكان قريب كان الأمير بيدها والأمير لاجين والأمير قراسنقر والأمير بهادر وجماعة من الملائكة السلطانيين قد اجتمعوا وقرروا تنفيذ ما اتفقا عليه .. فركبوا خيولهم وشدوا في أوساطهم تراكيش وسيوف ومضوا يبحثون عنه .. وقد أثاروا غباراً كثيفاً حولهم وكأن خيولهم كانت تعرف ما في صدورهم .. إلى أن رأوا السلطان عن بعد جالساً يشرب الجوزة وبجواره سنقر والحرار والأمير شهاب الدين .

كان سنقر يحكي بعض النكات للسلطان وقد صارت علاقتها ودية جداً وقد جمع بينهما السطبل وتلذذ الجميع تماماً .

قال سنقر بمودة وبلا تكليف : تصدق بالله يا مولاي السلطان .. انت طلعت راجل كده .. الناس فاكرة السلطان ده نكدي وكثيب ومكشر علطول .. محدش يعرف إن مولاي بحبوح وابن حظ .
فقال له السلطان : رص كمان فالاد سنقر .

هنا هتف سنقر سعيداً .. للصبح يا بو السلاطين .. أنا في ديك الساعة لما أرصن لك .. دي بلدك وده حشيشك .. واحنا كلنا عبيدك .
وقدم له الجوزة التي صار السلطان متترساً عليها .. أخذ يشد أنفاساً قصيرة قصيرة كما كان يفعل سنقر ثم شد نفساً طويلاً طويلاً ..

أيام مصرية قديمة .. وعصرية أيضًا

وكتمه بداخله .. ثم أخرجه من أنفه وفمه معاً .. ونظر نحو سنقر
وقال له : اطلب ما تشاء فالآد سنقر .

قال سنقر متوكلاً : نفسي .. نفسي في جارية يا مولاي .
فأجابه السلطان : سوق الجواري مليان بالجواري .

فقال سنقر شاكياً : مغلاوانية ونصابين يا مولاي .. أنا رحت
أخذت جارية رومية مرببة وبيفضاً وعليها لحم وشحم قد كده
ووازنها ع الميزان طالعة 180 رطل .. أخذتها البيت بأقلعها طلعت
كلها محشية خلاخيل وهدوم .. فاضية من جوه .. رجعتها علطول ..
رميتها في وشه وأخذت فلوسي .

أخذ السلطان يضحك حتى كاد يستلقى على قفاه .

فقال له سنقر بجرأة ، وقد أزال المخدر كل الحواجز التي بينه وبين
السلطان : ما تمسك نفسك بأه يا مولاي .. انت دماغك خفيفة ولا إيه ؟
إحنا لسه شربنا .. دا حنا يا دوب بنسخن يا بو خليل .

كان المخدر قد لعب بعقل السلطان .. فأخذ ينظر نحو سنقر .. في
ذهول .. ثم ينظر نحو بانجو مما أوقع قلب سنقر :

- فيه إيه يا مولاي .. سموك بتبيص لي كده ليه ؟ أنا في حاجة غلط .

فصرخ فيه السلطان :

- انت فالاد .. ليه ياخدر اس حمار ويحطها على راسك .. إنت تسخر مني .

باجو

- راس مين يا عظمة السلطان .. أنا راسي أهيه .. وراس الحمار معاه ..
أنا ما أخذتش حاجة منه .

- لازم يرجع راس حمار يا حيوان .

واستل السلطان سيفه شاهراً إيه .. وسنقر يصرخ وهو يكاد يموت من الرعب .. لقد بدأت هلاوس المخدر تلعب في رأس السلطان .. ويبدو أن سنقر سيكون هو الضحية .. وفجأة نظر السلطان نحو الغبار الذي ظهر من بعيد وقد ظهر أنه قاصد نحو مكان السلطان وقال للأمير شهاب :

- ما هذا الغبار أمير شهاب ؟

فقال سنقر :

- تلاقي ناس عرفوا المطرح وعاملين دماغ ومولعين نار .. حاكم بلدنا دي ما فيهاش حاجة بتستخبي .. يا خل .

قال السلطان لشهاب الدين :

- امتط فرسك واكتشف لي خبر هذا الغبار .. هيا .

فقام الأمير شهاب وامتطى جواده وانطلق قاصداً مكان الغبار .. إلى أن وصل عنده فانقشع الغبار عن الأمير بي德拉 والأمراء الذين معه ..

فسألهم الأمير شهاب :

- ما الخبر يا أمير بي德拉 ؟!

فأزاحه الأمير بي德拉 من طريقه ولم يرد وتبعه الأمراء .. حتى وصلوا إلى السلطان .. الذي أدهشه مجئهم .. وقبل أن يتحرك .. انهال

أيام مصرية قديمة .. وعصيرية أيضًا

الأمير بي德拉 بسيفه وضربه على يده .. فانفجرت منها الدماء ووُقعت
على الأرض .

فصاح به الأمير لاجين :

- ويلك يا بي德拉 .. الذي يريد السلطنة يضرب هذه الضربة .. أهكذا
تريد ملك مصر والشام ؟ !

ثم هوى لاجين بسيفه على كتف السلطان فوقع السلطان على
الارض وجاءه الأمير بهادر وأدخل السيف في مؤخرته واتكأ عليه إلى
أن أخرجه من حلقه ثم تناوب الأمراء ضربه بالسيوف حتى أجهزوا
عليه تماماً .

كل هذا وسنقر ينظر إلى ما يحدث أمامه وقد انخلع قلبه وتسمر
مكانه وكاد يسقط مغشياً عليه فانبرى الأمير بهادر بعد فعلته الشنعاء
وقال للأمراء .. مات الخليل .. وليرحنا سلطاناً الأوحد بي德拉 .. فباس
له الأمراء الأرض في الحال وأظهروا له الطاعة والخنوع .. وسجد له
سنقر مع الساجدين فالتفت نحوه بي德拉 مستغرباً لوجوده وأمسك به :

- من أنت ؟ وماذا كنت تفعل مع السلطان فالاد صعلوك ؟

قال سنقر وهو يرتعد :

- كان عاوز يقتلني يا مولاي السلطان .. ربنا - سبحانه وتعالي - أراد
لي أعيش على يديك .. هو يموتنى وانت تحيني يا مولاي .

باب الجو

فضحك بي德拉 ضحكة عظيمة .. وسنقر يرتعد من الخوف ..
فأخرج بي德拉 من مخلته صرة مليئة بالدنانير وألقى بها على سنقر ..
وقال له :

- أنت وجه سعد فالاد .. أنت أول واحد يشوف أمير بي德拉 سلطان
مصر والشام .

فنظر سنقر إلى الكيس وهو يكاد يفقد عقله .. ثم قام وأخذ يدعو
للسلطان الجديد ويهتف له :

- يحيا السلطان بي德拉 .. يحيا السلطان الأوحد .. ربنا يحرق السلطان
الأشرف ويکحمه مطرح ماراح .

ومضى الركب وهنافات سنقر تابعه والأمراء يضحكون في انتصار
هكذا تغير حكم مصر في لحظة .. كان سنقر وحماره شاهدي عيان
عليها .. حتى وإن كانا واقعين تحت تأثير المخدر فإن الحدث الجلل
الذي شهدا وقائمه كان بمثابة الإفادة الكبرى قتل السلطان الأشرف
خليل وتولى الأمير بي德拉 السلطنة .. ورزق سنقر بألف دينار وبدأت
مصر عهداً جديداً ..

* * *

→ الفصل الخامس →

كان سنقر عائداً فوق حماره بانجو الذي كان يمشي ببطء أقرب إلى التوقف .. وسنقر يكلمه كالعادة وبانجو يومئ برأسه .. وأهل الشارع ينظرون نحوهما ساخرين .. لم يكن شيئاً قد تغير في الشارع بعد المعركة الطاحنة التي كانت دائرة هنا بالأمس .. فتحت الدكاكين .. واتخذ الباعة أماكنهم وحركة البيع والشراء انتعشت وتلك هي عبقرية المصريين .. كانوا يعرفون أن الماليك بعد المعارك يهدأون .. ويتصالحون .. وتلك هي الفترة التي يلتقط فيها المصريون أنفاسهم .. كانت كل اللافتات المعلقة ترحب بعودة السلطان الأشرف خليل من رحلة الصيد الميمونة .. فالسلطان في رحلة عودته غالباً يمر من هنا .. والمصريون يعرفون جيداً كيف يرحبون بسلامتهم وكيف يهتفون لهم في أتفه المناسبات .

ولكن لم يكن أحد يعلم أن السلطان قد قتل .. إلا سنقر .. كان هو الوحيد الذي رأى الأشرف خليل يسقط مضرجاً في دمائه .. والأمجد

بايجو

بيدرا يصبح سلطاناً .. فنزل من على حماره .. وذهب نحو اللافتات وأخذ يمزقها ويقصق عليها ويضر بها بمركبته .

- شيل يا عم بلا الأشرف خليل بلا زفت .. هو ده سلطان ده .. ده كبيره عربجي .

والتف حوله الناس وتجمهروا محاولين إثناءه عما يفعل :

- يا سنقر يا مجنون .. إيه اللي بتعمله ده يابن المجنونة .

- إخرس يابني ما توديناش في داهيه .

- سمعتم .. سنقر بيهم الذات السلطانية .. اقفلوا بقه .. إمسكوه .

- ده حماره بيفهم أكثر منه ..

- دلوقتي حرس السلطان ييجوا يقطعواه نساير ويرموه للكلاب .

ولم يكن العوام في دفاعهم عن السلطان يدافعون عن شخصه بقدر ما يدافعون عن مصالحهم فلا شك أن ما فعله سنقر سيصل إلى مسامع السلطان .. ويمكن أن يسحقهم جميعاً بذنب هذا المعتوه سنقر .

والحقيقة .. أن سنقر لم يكن معتوهاً ولا مخرفاً بل كان هو العاقل الوحيد .. فلم تمر ثوان معدودة .. حتى دخل المنادي راكباً حاره .. وهو يعلن على الملأ للناس في الشارع :

- يا أهل مصر .. الحاضر يعلم الغائب .. إن السلطان الأشرف خليل قُتل وإن السلطان الأجد بيدرا هو سلطان البلاد ورب العباد والجالس على سرير الملك .

أيام مصرية قديمة .. وعصرية أيضاً

وفجأة تحول الشارع كله .. حينما علم بأن الأجد قد تسلط ..
وتغير موقفهم .. فضج الناس له بالدعاء .. ودقت له البشائر في القلعة ..

ورقص العامة وغنوا وحملوا سنقر فوق أكتافهم وقال أحدهم ..
سنقر ده فيه شيء الله .. ربنا ألممه .. وأخذوا يجهزون الهدايا التي
سيقدمونها للسلطان الجديد وماليكه وعلقت الزينات في شوارع
القاهرة احتفالاً بمجيء الأجد بي德拉 وجلوسه على سرير الملك ..
وجلس سنقر على دكة وحوله أهل الشارع يحكى لهم كيف قابل
السلطان بي德拉 في لحظة توليه السلطة حينما استل البطل سيفه وغمده
في قلب السلطان الظالم الأشرف خليل .. وهم يصفقون ويهللون .

* * *

كان الأمير زين الدين كتبغا هو رجل الدولة الحقيقي .. أسمه اللون
قصيراً دقيق الصدر قصير العنق .. له لحية صغيرة في حنكه لم يكن يبدو
عليه أمارات الفروسية والفتوة البدية على كل أمراء المماليك .. وإنما كان
يبدو رجل سياسة أكثر منه رجل حرب .. والحقيقة أن كتبغا لم يكن أصله
تركيّاً أو جركسياً كما هي العادة في كل الفرسان المماليك .. وإنما جاء إلى
مصر مع التتار محارباً مع هولاكو الذي كان صهره .. وحينما هزم التتار
أسر كتبغا مع من أسر من التتار وأخذه السلطان قلاوون واعتبره من
ماليكه .. فها هي مصر أتها كتبغا محارباً غازياً مع التتار .. والآن صار
هو الذي يحكمها ويدافع عنها الغزاة .. وكانت كلمته نافذة ورأيه قاطعاً

بايجو

وكان هو الوحيد الذي يعمل له بيدرا ألف حساب .. فلما عاد بيدرا إلى قصر الملك .. سأله بيبرس أمير جاندار :

- يا خوند بيدرا .. أهذا الذي فعلته كان بمشورة الأمراء !؟

- نعم أنا قتلتة بمشورتهم وحضورهم .. وها هم كلهم حاضرون .. لقد قتلت الأشرف لأنه كان مستهترًا متطاولاً على أمراء الدولة مهملاً لأمور المسلمين قليل الدين .. يشرب الخمر في رمضان ويفسق .

- وهل كان عند الأمير كتبغا من هذه المسألة علم .

- نعم .. وهو أول من أشار علينا بها .

لم يكن الأمير كتبغا يعلم بقتل السلطان ولم يكن يقبل ذلك .. كان كتبغا رجلاً حصيفاً عاقلاً .. فلما عرف بها حادث .. طلب عدداً كبيراً من المهايك السلطانية .. ونحو ألفي فارس وجماعة كبيرة من العسكر وخرجوا جميعاً ي يريدون قتال بيدرا .. ورتب كتبغا جماعة ترمي بالنشاب وتقديم بمن معه وحملوا على بيدرا حمله منكرة .. وقصد الأمير كتبغا .. بيدرا وقال له : يا بيدرا .. أين السلطان ؟! ماذا فعلت بسلطاناً ؟!

ورماه بسهم فتبعه البقية بسهامهم وبدأت المعركة بين الفريقين حتى فعلوا به ما فعله بالسلطان الأشرف وحملت رأس الأمير بيدرا على رمح وبعث بها إلى قلعة الجبل ووجدوا في جيب بيدرا ورقه ..

— أيام مصرية قديمة .. وعصرية أيضًا —

كان مكتوبًا فيها ..!. ما يقول السادة الفقهاء في رجل يشرب الخمر في شهر رمضان ولا يصلٍ؟ ويفسق بالغلمان فهل على قاتله ذنب؟ فكتب جوابها .. "يقتل ولا إثم على قاتله" يبدو أن الأمير بي德拉 حينما قرر قتل الأشرف خليل كان يريد فتوى بقتله فعرض الأمر على الفقهاء الذين يجيزون له قتل السلطان - ما أعجب الماليك .. برغم كل هذا البطش والقسوة واللامانة يبحثون دائمًا عن غطاء ديني أو مبرر إسلامي .. لأفعالهم الشنعاء ..

* * *

وأتفق الأمراء بعدها على إقامة الملك الناصر محمد بن قلاوون سلطاناً بعد قتل أخيه الملك الأشرف خليل فأحضروه وكان طفلاً عمره 9 سنوات وأجلسوه على سرير السلطنة .

وصار زين الدين كتبغا هونائب السلطنة بالديار المصرية والأمير علم الدين سنجر الشجاعي وزيراً ومديراً للمملكة .. وهكذا شغلت المقاعد بسرعة على الطريقة المملوكية .. فجاء كتبغا مكان بي德拉 .. وجاء الشجاعي مكان الوزير ابن السلعوس .. طرف المؤامرة التي أدت في النهاية إلى قتل السلطان .. وكان الشجاعي رجلاً طويلاً أبيض اللون أشقر اللحية أزرق العينين رومي الجنس ظالماً قاسياً .. إذا ظفر بأحد لا يرحمه .. وكان موكيه في شوارع القاهرة يضاهي موكب السلطان من الفخامة والأبهة .. وكان إذا شرع في عمل ينجزه في أقل وقت ممكن وفي

بأنجو

أحسن صورة .. حتى لو كان الثمن أرواح العامة المساكين الذين يعملون تحت إمرته بالسخرة .. وحينها كان موكلًا إليه عمارة البيمارستان المنصوري ذلك المستشفى الضخم في بين القصرين .. أنجزه في مدة يسيرة .. وكان يستعمل فيه العمال والصناع مسگاً بينما دقته يطلقها على العامل الذي يتکاسل أو يتباطأ حتى لو كان واقفًا فوق سقالة فيسقط من هذا الارتفاع عند قدميه فلا يکترث .. ويصرخ في العمال .. لماذا توقفتم ..!. اشتغل فالاد فلاح صعلوك .. إشتغل .

ثم قبض الأمراء على الوزير ابن السلووس .. وضربوه ضرباً شديداً وعذبوه وأخرجوا منه مالاً كثيراً .. ثم أودعوه سوية الصاحب في المدرسة الصاحبية .. مع أمير ملوك يدعى لؤلؤ كان يضربه كل يوم بالمقارع وينخرجه على حمار كل يوم فيقف له أراذل الناس في طول الطريق ومعهم المداسات المقطعة فينزلون به العذاب أنواعاً ويسمعونه كل مكروه .. وكان لؤلؤ هذا قبل ذلك من أنشأه ابن السلووس وساعدته وأحسن إليه وولاه شاد الدواوين بمصر وكان لؤلؤ يقف في خدمته مطيناً متفانياً فلا يسميه سيده ابن السلووس إلا لؤلؤ مدللاً إياه معجبًا به فقدر الله أن وقع ابن السلووس في يده .. فبالغ في إهانته .. واتق شر من أحسنت إليه .

واشتد الصراع بين أمراء المماليك على الحكم .. فالامير كتبغا وماليكه صاروا في جبهة ، والأمير سنجر الشجاعي وماليكه في جبهة

— ایام مصریت فرمٹ .. وعصر پڑھا

أخرى .. ودارت المعارك بين الفريقين .. وقد احتل الشجاعي القلعة
وحاصرها كتبغا وأمراؤه .. وخشيته أم السلطان الناصر على حياة ابنها
الذى لم يكمل التاسعة من عمره .. وكانت تجده حبًّا جمًّا فطلعت خاتون
أشلون أم السلطان على سور القلعة .. وبجرأة الرجال واجهتهم :

- ماذا تريدون منا يا أمراء الماليك .

فرد کتبغا:

- ما لنا غرض إلا القبض على الشجاعي وإخراج الفتنة .. ولو لم يبق من بيت أستاذنا قلادون الكبير إلا بنت عميماء لوليناها علينا وكنّا ماليكها .. لاسيما وولده الناصر حاضر وفيه كفاية وهو سلطاناً ونحن كلنا ماليكه .

كان السلطان شبه أسير في القلعة .. طفل صغير تنازعه من حوله الملك الكبار .. وكان الخلاف قد احتمم بين كتبغا والشجاعي وسبب الخلاف هو اختفاء الأمير حسام الدين لاجين المتهم بقتل الأشرف خليل مع بيدها .. لم يكن أحد يعرف أين ذهب ؟! وكان الشجاعي يتهم كتبغا بإخفائه وحمايته .. ولكن كتبغا نفسه لم يكن يعرف أين لاجين ؟

والحقيقة أن لاجين حينما تأزم الموقف بهذه الصورة .. وتلاطم الأمواج فوق رأسه فضل الاختفاء والهروب حتى يرى في النهاية على

باب الجو

أي شاطئ سترسو سفينة الحكم .. ذهب إلى جامع أحمد بن طولون ..
هو والأمير قراسنقر أحد المشاركين في قتل الأشرف خليل وطلعا إلى
المئذنة واستقرَا فيها .. وكان لاجين يعلم أن مصر كلها تبحث عنه ..
قال له قراسنقر مرتعداً وهمما مختبأ في المأذنة المهجورة ..

أشعر أن الموت قريب يا أمير لاجين .. فابتسم لاجين ابتسامة
عميقة .. وقال له :

تجلد يا قراسنقر .. إن الموت يخطئني دائمًا ..
ثم نظر إلى الجامع الذي كان قد صار خراباً تسكنه الفثran
والوطاويط وقال:

أتعلم يا قراسنقر .. إذا نجانا الله من هذه الشدة .. وصرت شيئاً
في مصر وعاد لي نفوذي ومكانتي سأعمر هذا الجامع وأجعله أعظم
جوامع القاهرة .

* * *

تأزم الموقف أكثر بالقاهرة .. مماليك كتبغا يحاصرون القلعة ..
ومماليك الشجاعي بداخلها ولكن معهم السلطان الصغير .. الناصر
محمد بن قلاوون .. وكانت أمه أشلون خاتون ترتجف من الرعب ..
وتحيطه بذراعيها لا تفارقه .. بينما كان الولد رغم أنه لم يبلغ التاسعة
مدركاً لما يحدث حوله .. إن أولاد قلاوون جميعاً يولدون وبهم موهبة

— أيام مصرية قديمة .. وعصير أيضًا
السلطنة .. دخل الشجاعي عليه في قاعة السلطنة .. فلم يخشه
السلطان الطفل .. بل بادره بالسؤال وكأنه سلطان كبير قائلاً :
— يا عمي .. إيش آخر هذا الحال الذي أنتم فيه .

فقال الشجاعي متملقاً :

— هذا كله لأجلك يا ابن أستادي .. إن كتبغا وماليكه يقصدون
خلعك من السلطنة ويمسكونني أنا ويقتلونني ..

فقال له الطفل بذكاء أكبر من سنه بكثير وكأن الذي يتكلم أبوه
المنصور قلاوون الكبير :

— يا عمي أنا أديلك نيابة حلب .. وتسبيب مصر وتستريح من هذا
الحال كله .

هنا أدرك الشجاعي أن الذي يكلمه مجرد طفل لم يبلغ التاسعة
فشعر بغصة في حلقه .. فකشر عن أنفابه وصرخ فيه :

— أنت طفل صغير .. ما تفهم شيء .

واقرب الشجاعي منه في عصبية فانقض عليه ماليك السلطان
وأمسكه وقيدوه وخرجوا به وهو يسب ويلعن في قلاوون وآل
قلاوون جمِيعاً .. ولم يتمالك المهايلك أعصابهم .. فانهال أحدهم على
رأسه بالسيف فقطعها بضربة واحدة .

وأمر الأمير كتبغاً بأن تعلق رأس الشجاعي على رمح ويطاف بها في مصر والقاهرة .. فطافوا بها والمشاعلية تنادي عليها .. هذا جزء من يرمي الفتنة بين الملوك وكان أكثر الناس يكرهون الشجاعي من ظلمه .. فصاروا يعطون المشاعلية شيئاً من الفضة ويأخذون رأس الشجاعي .. ويدخلون بها عندهم في الدار ولا يزالون يصفعونها بالنعال والقباقيب حتى يتشفوا منه .. بل إن بعضهم كان يبول على رأسه .. وظل هذا يحدث لثلاثة أيام متواصلة .. حتى قيل إن المشاعلية ربحوا مالاً كثيراً من هذه الحادثة .. إن المصريين ربما يصبرون على الظلم والقهر كثيراً .. ولكنهم لا ينسون .. ولذا فانتقام العوام وثورة الشارع رهيبة .. ولكن من الذي يعتبر؟ !

وهكذا صار الأمير زين الدين كتبغاً هو نائب السلطنة .. والقائم وحده بجميع أمور الدولة ، وليس للملك الناصر من السلطة إلا اسم الملك وقام كتبغاً بالقبض على كل الأمراء الذين تآمروا لقتل الأشرف خليل ، وقطعت أيديهم بالساطور على قرمة خشب بباب القلعة وسمروا على الجمال ومرروا بهم على أبواب دورهم فخرجت جواريهم ونساؤهم حاسرات يلطممن وقد شقوا الثياب وعظم صياحهن ، وهكذا فعلت جواري الملك الأشرف اللاتي طفن في الشوارع بالنواحات يقمن المأتم .. فلم يمر بمصر أشنع من تلك الأيام .

* * *

الفصل السادس

تعطل العمل في سوق الجواري طوال الأيام الماضية .. وما كان ليتعطل لو أن شعب مصر كله قتل .. إنما المسألة هنا مختلفة .. فالذين قتلوا هم السلطان وبعض أمراء المماليك .. ولذا فالحزن واجب والحداد مسألة مفروضة .

وكان الخربوطلي النخاس يغض على أصابعه من فرط الغيظ لوقف الحال .. ولكن شخصا آخر كان يتضرر بفارغ الصبر انتهاء فترة الحداد وعودة سوق الجواري مرة أخرى .. هذا الشخص هو سنقر .. الذي أغلق على نفسه بباب الحمام .. ولم يخرج منذ مقتل السلطان .. وكم كانت سعادته حينها فتح الصرة التي ألقى بها له الأمير بي德拉 فوجد بها ألف دينار ! وكان الله أراد أن يعطيه ما يريد ! فقتل الأمير بي德拉 السلطان الأشرف حتى يجد سنقر أمامه .. فيعطيه المال الذي سيتمكنه من أن يشتري نازك .. أجمل امرأة رآها في حياته .. ولكن .. متى تفتح الأسواق ؟ !

بانجو

إن الألف دينار التي بحوزته .. يستطيع أن يشتري بها الشارع كله
بحوائمه وبضائعه .. يستطيع أن يشتري قصراً .. ولكن ما قيمة كل
هذا بلا نازك ؟ !

لم يستطع سنقر أن يغلق عينيه في تلك الليلة كان مؤرقاً قلقاً يتقلب طول الليل يريد للصبح أن يطلع وللشمس أن تظهر .. ولكنها على ما يبدو كانت هي الأخرى .. مثل نازك .. تدلل عليه .. كان سوق الجواري سيبدأ العمل في الصباح .. أخيراً .. قالها سنقر لنفسه .. وهو يتنهد .. ولم يكن قد علم شيئاً عن التطورات التي حدثت بمصر في الأيام القليلة الماضية من قتل بي德拉 وتولي السلطان الناصر محمد بن قلاوون السلطة .. كان قد أغلق حاممه عليه ولا يخرج إلا حيث أشجار البانجو هو وحماره .. ويظل يشد في أنفاس الدخان طول اليوم ثم يعودان مخدرین .. وقد فقدا الإحساس تماماً بها حولهما .. وكان يعرجان كل يوم على سوق الجواري .. ليجده سنقر مغلقاً فيعود محبطاً يائساً .. حتى علم أنه سيفتح أبوابه في صباح الغد .. ومنذ علم ذلك لم يستطع أن ينام .. كان يشعر أن نازك هي قدره وهي المكافأة التي يكافئه بها الله .. لقد تغير حكم مصر من أجل أن تصبح نازك من نصيه .

كان الخربوطلي النخاس واقفاً كعادته يعرض بضاعته من الجواري مبالغًا في وصفهن مهيجًا مشاعر المترجين .. أما الجواري فقد بالغن في عريين ورقصهن ودلائلهن .. فالأسواق حينما تغلق لفترة .. ثم تفتح

ايم مصرية قديمة .. وعصيره ايضاً

بعد غياب .. تراكم الجواري عند النخاس ويقل الدخل وتزيد المتصروفات ؛ مما يجعل النخاس راغباً في البيع بأي ثمن وبسرعة لكي يحصل على أي أموال بعد ما حدث من غلق الأسواق وقطع العيش وانقطاع الرزق .

قال الخربوطلي مشجعاً للناس :

- ياللا .. النهاردة الفرصة الكبيرة .. قرب .. قرب .. اللي حيأخذ جارية بيضا ياخذ معاها جارية سودا هدية .. بيلاش .. بيلاش ..

كان الناس يرمقون الجواري بنظراتهم دون اهتمام .. فلم تكن حالة الكساد قاصرة فقط على سوق الجواري .. كل الأسواق كانت مغلقة وكل الأعمال كانت معطلة .. ولم يكن أحد عنده الاستعداد ليفرط في دينار واحد في تلك الأزمة الاقتصادية الطاحنة .. أما المالك وهم الزبائن الأساسيون بالنسبة لسوق الجواري فهم في فترة انتقالية للسلطة ومشغولون كل منهم بثبتت مركزه وتوطيد مكانته عند الأمير أو الوزير أو السلطان .. لم يكن في مصر سوى سنقر الذي انتظر على آخر من الجمر حتى يفتح السوق وهرول إليه مدفوعاً بشوق عارم نحو نازك.

وبجوار الخربوطلي .. وقف شركس ابنه .. وهو شاب في نحو العشرين من عمره .. قصيراً وخفيفاً لا تبدو على وجهه علامات الطيبة .. ملامحه مصرية لأمه المصرية .. لم يكن يشاركه النداء على الزبائن ..

بانجو

كان يبدو عليه الحزن الشديد .. يمسح دموعه في أسى .. وأبوه يعنده
بلغة ووحشية :

- علي الطلاق من أمك لو ما بطلت عياط يا شركس لاكتفك وابيعك
وأخلص منك ومن وشك الفقر .. ده احنا ما استفتحناش ..
اصطباحتك زي وشك .

قال شركس باكيًا :

- يا بويَا .. انت عارف إن أنا بحبها ومقدرش اعيش من غيرها ..
نزلتها تتبع ليه ؟ ما الجواري كتير .. إيشمعنى دي يعني ..
إيشمعنى زيتونة ؟ !

فصفعه الخربوطلي على وجهه غاضبًا :

- طيب إيه رأيك يا روح امك دي أول واحدة ح أخلص منها .. ودي
إيه اللي عاجبك فيها يا اهلل دي حبشيّة سودة عاملة زي العفريّة .
- يا بويَا .. عفريّة عفريّة .. بس هي دي اللي عاجباني .

- ياد يا تور دي بضاعتني وشغلنا .. حد يبص حاجة عنده في الدكان
وبعدين سايب اللي عندك ده كله وماستك لي في زيتونة .. ده انا
أخاف تطلع لي بالليل .

- طيب اسمع يا بويَا .. إنت مش بتقول اللي ياخد جارية بيضا ياخد
السودة بيلاش .

— أيام مصرية قديمة .. وعصير أيضًا

- أيوه عشان نمشي أي حاجة .

- تبأة زيتونة بيلاش .! خلاص .. أنا ح اشتريها .

- وانت حيلتك حاجة يا روح أمك .

- ما انا ح أشتريها بتمنها .. بيلاش .. مش ح اديلك حاجة .. ما انا
ابنك برضه ومش ح تغل علىا .

فانهال الخربوطي على فقا شركس غاضبًا :

- أهو نبرك وقرك ده ع الصبح اللي واقف حالى .. إخرس يا واد
اجري ولع شوية البخور دول .. وافقع لي عين العفريت اللهي
تنفع عينك .

أخذ شركس ينشر البخور هنا وهناك وهو يبكي في صمت ..
ويتبادل النظارات الهايمة مع زيتونة الجارية السوداء الجالسة تنظر هي
الأخرى نحوه نظرات بريئة رائعة .

ودخل سنقر بحماره على الخربوطي .. واثقًا من نفسه وفي يده
الصرة قابضًا عليها ، ونظر نحو الجواري المعروضات فلم يجد نازك ؟!
فشعر بقبضة في قلبه ، وذهب نحو الخربوطي وقال له متلهفًا :

- حاج عبد الكريم .. فين نازك ؟!

- سيبني في حالى يا سنقر .. مش ناقصك ع الصبح .. أنا ح ألاقيها
من وقف الحال ، ولا من الواد العبيط اللي ربنا بلاني بيـه ، ولا منك
انت راخر .

بايجو

- يا حاج .. أنا عاوزها .. أنا ح اشتريها .. وفلوسي جاهزة .

- فلوس إيه يابو فلوس .. وانت تقدر على نازك .

ثم نظر إلى الصرة التي في يده .. وسأل لعابه :

- اسمع يا سنقر .. أنا ح أديلك حاجة حلوة .. بالأربعين دينار اللي معاك .. خد الجارية الحبشيّة اللي هناك دي .. زيتونة وطعمها أطعم من الزيتون .

- يا عم انا مش غاوي مخلل .. أنا عاوز نازك .

- نازك مش عندي دلوقت يا عم .. لسه ضاربها علقة عشان أأدبهـا .. ما قلت لك دي بنت لسانها طويل ومش ح تريحك وبعدين هوه انت معاك تمنها يا فقري انت راخر .

نظر سنقر حوله في ريبة ثم همس للخربوطلي مسيراً إلى الصرة التي في يده .

- أنا جايب لك ألف دينار .

كاد الخربوطلي يسقط من هول المفاجأة حينما سمع الرقم .

- كام .. ! وجبيت الفلوس دي كلها منين ياد يا سنقر .

- مالكش دعوة بأه يا حاج عبد الكريم .. فلوسك معاك وجاريتي في إيدى .. بورقها .. ح تخلص ولا اشوف نخاس تاني .

- لا يا سنقر .. نازك بتاعتك .

- أعاين الأول .

هنا صرخ الخربوطلي في ابنه شركس :

- واد يا شركس .. خد عملك سنقر في الوكالة فوق .. وطلع له نازك
يشوفها بس .. لا يكلمها ولا تكلمه .

- وزتونة يا بويابوس رجلك ما دام ربنا فرجها ونازك ح تتبع ..
خللي زتونة .

- الله يخرب بيت زيتونة على اليوم اللي جيبناها فيه .. ياد انجر مع
عملك سنقر .

ورفسه بقدمه .. فسقط على الأرض ثم قام مودعاً زيتونة بعينيه
ومضى هو وسنقر والحمار .

* * *

في الطريق إلى الوكالة .. كان شركس يبكي بكاءً مُرّاً .. فسأله سنقر :

- مالك يا شركس بتعطيط ليه !؟

- أبويا عاوز يبيع زيتونة .

- الجارية الحبشية .. طيب ما يبيعها .

- بحبها يا سنقر .

- ما يديهالك !؟

ماختو

- يديهالي ! انت مش عارف أبويا .. أبويا لو طال يبيع أمي كان باعها ..
ما تديهالي انت يا سنقر .

- واديالك إزاي .. هي ملكي !؟

- أبويا بيدي جارية سودا بيلاش على أي جارية بيضا تتبع .. خد
نازك وعليها زيتونة .. وبعدين اديهالي .

نظر سنقر نحو شركس باسمًا وقد أحس بمشاعره تجاه الجارية التي
يحبها وقال له :

- والله لو خلصت في نازك النهاردة .. لاديلك زيتونة يا شركس .
هنا انحنى شركس على يد سنقر يقبلها .

- ربنا يخليلك يا سنقر .. إنت كان لازم تكون مملوك .. لا .. مملوك إيه ..
كان لازم تكون أمير .. سلطان .

* * *

وفتح شركس الباب الخشبي الضخم بمفتاح في يده .. ثم دفع الباب
ودخل وخلفه سنقر والحمار إلى صحن الدار الذي كان محاطاً بحجرات
ردية ضيقة وعالية في الدور الثاني تشبه السجون مغلقة بقضبان
حديدية وقفل وترباس .. كان قلب سنقر يخفق وصدره يعلو ويحيط
بینما كان شركس ينادي أمه .. وهي سيدة سمينة قوية مخيفة وحازمة :

- يامه .. طلعي نازك .. جاها زبون ..

أيام مصرية فديه .. وعصرية أيضًا

فقالت أم شركس .. وهي تطل من خلف القضبان والجواري
جالسات خلفها يتزين ويضعن المساحيق :

- زبون .. هوه فين الزبون ده يا واد يا شركس .

نظر لها سنقر مغتاظاً وقد أحس بالإهانة لأنها تجاهلت وجوده :

- ما أنا قدامك أhee يا أم شركس .. ولا أنا مش شكل زبون يعني ..
أنا وابنك والحمار .. ح يكون الحمار اللي جاي يشتريها .. ما تقول
لأمك تلم نفسها بأه .

- وده معاه يدفع يا واد يا شركس ؟ ولا جاي يصبعص ويمشي .

هنا فقد سنقر صبره .. وقال في غيظ :

- يا أم شركس أنا جاي أشتري جارية .. مش ح نقضيها ظُرف
وتلقيح كلام من ورا البيان .

هنا نادت أم شركس الجواري اللاتي يجلسن وراءها :

- بت يا نازك .. تعالى يا بت .. اتعدلي في مشيتك يا مقصوفة الرقبة ..
ثم أردفت ساخرة وهي تتأمل سنقر بلا اقتئاع :
- قال إيه .. هى هى .. زبون .

وتحركت نازك من بين الجواري .. حتى ظهرت لسنقر من خلف
القضبان كشمس أشرقت فجأة .. فأضاءت المكان بنورها .. انسدل
شعرها على عينيها فألاحته بيديها الرقيقتين ونظرت إلى سنقر نظرة ..

بأنجو

جعلته يتسمى في مكانه .. شعر سنقر أنه يحلم .. ولأول مرة أحس أنه في الجنة رغم أنه لم يتناول اليوم المخدر كما يفعل كل يوم هو وبانجو .. مجرد نظرتها نحو سلطته .

ابتسمت نازك وهي تنظر نحو سنقر .. وحماره .. وسألته :

- انت مين !؟

فقال سنقر هائلاً :

- أنا .. أنا .. أنا جاريتك سنقر .. أقصد خدامك سنقر .

ضحكـت نازك ضـحـكة زـادـتها جـاذـبيـة وـعـذـوبـيـة .. وـعادـت لـتـسـأـلـه :

- وجـاي تـشـتـريـني مـلـين يا سـيـ سنـقـر ؟

فـقاـلـ لهاـ سنـقـرـ بـحـبـ وـرـغـبةـ :

- لنـفـسي .. ليـاـ اـنـاـ لـوـحـديـ ياـ نـازـكـ !

انـدـهـشـتـ نـازـكـ .. فـكـيفـ هـذـاـ الصـعـلـوكـ أـنـ يـمـلـكـ ثـمـنـهـ ؟!

- ليـكـ اـنـتـ ؟! مشـ مـمـكـنـ .

- يـوـضـعـ سـرـهـ فـيـ أـضـعـفـ خـلـقـهـ ياـ نـازـكـ .

- وـانتـ بـتـشـتـغلـ إـيـهـ ياـ سـنـقـرـ .

- هـوـهـ مـيـنـ الـليـ جـايـ يـشـتـريـ مـيـنـ ؟ دـهـ الـمـالـيـكـ لوـ قـبـضـواـ عـلـيـاـ مشـ حـيـسـأـلـونـيـ الأـسـلـةـ دـيـ كـلـهـاـ ؟ أـنـاـ يـاـ سـتـيـ سـنـقـرـ الـحـلـاقـ وـصـاحـبـ حـمـامـ .

ايم مصرية قديمة .. وعمرها ايضًا

- صاحب حمام؟! وجاي تشتري جارية؟! انت لاقي تاكل؟

- وبعدين بأه؟! دي ح بتبيها بتقطيم..! إحنا ح نقدر نتكلم من ورا
القضبان كده.. حرام الوقت اللي بنضيعه ده يا نازك؟! أنا ح اروح
ادفع للخربوطلي وانتي جهزى نفسك.. أنا مش فاهم انتي
بتضحكى على إيه؟ هي عبيطة ولا حاجة يا شركس؟ ح ادفع ألف
دينار في جارية عبيطة؟!

كانت نازك منفجرة في الضحك وهي تنظر نحو سنقر وحماره وهما
خارجان وخلفهما شركس.. وهو يوصي سنقر.

- والنبي يا عم سنقر ما تنسى زيتونة.. إنت وعدتنى.. ربنا يخليلك
يارب.

* * *

في الطريق إلى الحمام.. أربعة كانوا في قمة السعادة.. الفرحة كانت
تطير بعقولهم وأكثرهم سعادة طبعاً كان سنقر الذي دفع الألف دينار..
وأخذ نازك وحقق الحلم بعيد المنال وشركـس الذي استطاع عن
طريق سنقر أن يخلص زيتونة من قبضة أبيه النخاس وزيتونة أيضـاً
كانت سعيدة.. فهي تحب شركـس وتشعر بالاطمئنان حيث يكون
قريباً منها وكثيراً ما دافع عنها حينـما كان أبوه النخاس يضرـها
بالكريـاج، وكان هو يتلقـى الضربـات عنها.. هي لا تعرف الحـب..
فالجوارـي لا يـعرفـن الحـب.. وإنـما يـعـرفـن الـاطـمـئـنانـ وهي مـطمـأنـة..

بانجو

وبانجو أيضاً كان سعيداً لأنه يحمل على ظهره نازك .. فقد عاش مع سنقر قصة حبه كاملة .. وأيام وجلده وسهره وهيامه بها ..وها هي الآن فوق ظهره يحملها له .

كلهم كانوا سعداء .. إلا نازك .. فبرغم أنها تخلصت من بطش الخربوطلي وجبروته وقسوته .. وتخلاصت من مضائقات المارة في السوق وهم يمدون نحوها أياديهم ويتحسسونها بحيوانية مفززة .. إلا أنها كانت حزينة ومحبطة .. فكثيراً ما كانت تحلم أن فارساً وسيّاً قوياً سيأتي ذات يوم ويشرّبها ثم يحملها على حصانه إلى قصره المنيف لتعيش إلى جواره في عز ورغد ورفاهية .. وإن لم يأت الفارس فليكن ملوكاً من ماليك السلطان أو أميراً يضمها إلى حريمها معززة مكرمة .. ليس لها عمل سوى الرقص والغناء .. وإرضاء شهواته كلما أراد .. فقط .. أما أن تكون النهاية هكذا .. مع من؟ سنقر .. وعلى ظهر حمار؟ وفي تلك المنطقة الشعبية الفقيرة ..!.. ما أبشعها من نهاية.

* * *

أغلق سنقر باب الحمام جيداً خلفه وأحکم إغلاقه .. وجلسوا جميعاً .. ورفعت نازك خارها هي وزيtone .. وأخذت نازك تتأمل المكان من حولها في تأفف .

أما سنقر فقد أخرج بعض الفاكهة ووضعها أمامها .. وقام شركس وأعد الشراب .. وألقى بانجو نفسه في المغطس .

ايم مصرية قدیمة .. وعصیرة ايضاً

جلس سنقر بجوار نازك .. وشركس بجوار زيتونة .. وقد شعرا
بالتوتر والخجل .. قشر سنقر موزة وقدمها لنازك التي رفضتها
بكبراء .. فشعر بالخرج .. وسادت لحظة صمت طويلة جدت
الموقف .. قطعها سنقر قائلاً لنازك:

- وانتي مش ح تقلعي بأه؟!

انزعجت نازك من السؤال وحدجته بنظرة قاسية :

- أقلع .! ليه؟!

- عشان تستحمي .. حد يلاقي حام وما يستحاش .

- أنا أستحمي هنا ؟ مكان الحمار .

- ده بانجو زي الفُل .. ما تخافيش .

كان شركس يقلد سنقر في كل ما يفعل .. ولم تكن زيتونة ممتنعة
مثل نازك .. بل كانت سعيدة .. ضاحكة .. فهتف شركس بسنقر :

- سنقر .. زيتونة عاوزة تقلع .

- تقلع .!. ليه؟!

- عشان تستحمي .

- المية مش ناقصة عكاره .. قول لها تهد شوية .. وانجروا انتوا
الاتنين من هنا .!. وخد الحمار معاك .. سيبونا لوحذنا .

ماخو

قام شركس وأخذ بانجو .. وخرج هو وزيتونة من الحمام إلى حجرة داخلية فقام سنقر متتمشياً في الحجرة مفكراً يبحث عن مدخل .. ثم التفت نحو نازك نافداً الصبر :

- إيه بأه !؟

- إيه هوه اللي إيه !؟

- اللي هوه إيه يعني ؟ إحناح نقعد كده .

- أمال أقعد ازاي !؟

- أقعدني كده .. قصدي أقعدني براحتك .

- ما أنا قاعدة براحتي .

- انتي متضايقة اني اشتريتك يا نازك .

- أنا مش فاهمة .. واحد غلبان زيك على قد حاله .. معندوش قوت يومه يدفع ألف دينار في جارية .. إزاي !؟

- أنا حر .. دي فلوسي .. انتي دفعتي حاجة .

- أنا كمان ليا طلبات ومش ح تقدر على مصاريفي .. انت فاكر الجارية دي ما بتتكلفش غير الفلوس اللي بتندفع فيها .. ح تحبب لي منين العبيات الحرير المطرزة بالذهب .. والخلالخيل الفضة المطعمه بالأحجار الكريمه والعطور الغالية اللي انا باستخدمها .. ده غير أفتر أنواع الأكل والشرب .. أنا ما تعودتش على الفقر يا سنقر .. انت كده ظلمت نفسك وظلمتني .

ايم مصريه قديمه .. وعصريه ايضا

- يعني إيه ؟!

- مفيش قدامك غير حل واحد .. انك تبيعني ؟!

- أبيعك إيه .. هوه احنا لسه عملنا حاجة .. ده اللي بيشتري حسان
بيركه قبل ما يبيعه .. اللي بيشتري بقرة بيحلبها ويشرب لبنها قبل
ما يبيعها .. انتي مستهينة بيا يا نازك ؟!

- وإيه اللي ممكن يكسبه واحد غلبان زيك كل صنعته انه صاحب
حمام تعان زي ده !!

- لا يا نازك .. أنا مضطر اقولك على السر اللي مفيش مخلوق يعرفه
غير بانجو .. أنا مش صاحب حمام وبس .. أنا صاحب السلطان ؟
اتسعت عينا نازك من الدهشة .. ثم استغرقت في الضحك .

- أيوه .. أنا صاحب السلطان وحبيبه .. بتضحكني .. مش مصدقاني ..
طيب إيه رأيك بأة إن الفلوس اللي أنا دفعتها فيكي دي .. السلطان
بنفسه اللي مدبهاني .. أيوه .. السلطان بيتفاءل بوشي .. ويوم ما تولى
السلطنة أنا أول واحد عرفت .

- اسمع يا سنقر .. انت غلبان آه .. مش لاقني تأكل ماشي .. إنها تطلع
مجنون كمان .. أهو ده اللي كان ناقص .

وأخذت نازك تضحك وتضحك وسنقر في قمة الغيظ .. وفجأة إذا
بطرق شديد على الباب .. وأصوات الملايك الفرسان تزار خارج الحمام :

- افتح فالاد سنقر .. افتح فالاد .

بأجو

- مين ؟ !

- إحنا حرس سلطان معظم فالاد سنقر .

اندهشت نازك .. وبلغ سنقر ريقه في خوف .. وفتح الباب
فوضعت نازك الخمار على وجهها .. فدخل أحد الفرسان وخلفه
الحرس .

- تعالى فالاد سنقر .. مولاي سلطان معظم ي يريد يحلق .

- يحلق بس .. ده حبيبي .. افضلوا انتوا .. ح اجيب العدة بس
واجي وراكوا .

- لا فالاد .. إحنا يستنى إنت بسره عشان ناخذك معانا قصر سلطان
معظم .

وخرج الفرسان في انتظار سنقر الذي شعر بأن كرامته ردت إليه ..
ونظر إلى نازك التي رفعت الخمار وهي تنظر نحوه غير مصدقة ..
لسنقر الذي أخذ يجهز عدته في حقيقة .. ثم نظر نحوها برجولة وكبر
وخيلاه وقال لها :

- ما تفتحيش لحد لما يكون مين ؟ أنا واصل مشوار لحد السلطان
وجاي .

وصفع الباب خلفه في عنف ونازك لا تصدق ما ترى .

* * *

الفصل السابع

دخل سنقر قصر السلطان في حراسة مشددة .. وحوله المهايلك والفرسان راكبين خيولهم .. لم يكن سنقر قد دخل قصر سلطان في حياته قبل ذلك .. كانت الفخامة والأبهة في وجود الحراسة المشددة ، والوجوه المشدودة المتأهبة ، والسيوف اللامعة الحادة ، والحراب المسنونة كلها تمر أمام عيني سنقر وهو يدلل خلف الحرس من قاعة إلى قاعة ومن باب إلى باب .. حتى إنه لم يعد يذكر كيف أتى من كثرة الدهاليز التي قطعها داخل القصر ومن كثرة الوجوه والأيدي التي تسلمته لتقديمه لآخرين ويرغم القلق والرعب .. كان سنقر يشعر باطمئنان غريب .. فهو يعلم أن السلطان الأمجد بي德拉 هو الذي أرسل في طلبه لأنه يتفاعل به فلحظة توليه السلطنة كان هو الوحيد من العامة الذي كان شاهداً عليها ، والمهايلك يؤمنون بالتفاؤل والتشاؤم ، ما دام هو وجه سعد فليطمأن .. هكذا كان سنقر يقول لنفسه .. حينما أجلسوه وحده في قاعة فسيحة مبهرة .. تتوسطها فسقية رائعة من

مأجو

الرخام الملون والمرمر النادر .. ولم يكن الماء الذي في الفسقية ماء عاديًّا ..
كان لونه جميلاً يميل إلى الأخضر الفاتح .. قام سنقر متسللاً وهو ينظر
حوله .. واقترب من الفسقية كانت رائحة الماء أقرب إلى رائحة الفل
والياسمين .. مد أصبعه وتذوق الماء كان طعمه لذيذًا جدًا أقرب إلى
السكر بالليمون بهاء الورد فمد كفيه وضمها ليعرف من الفسقية
وملأها بالماء .. ومد بوزه لكي يرتشف الشراب المعجزة ، فإذا بصوت
حاد يخنق أذنه .. صوت أجنش .. مخيف .. يصرخ فيه :

- إنت إيش يسوى هنا فالاد حيوان ؟ !

كان الصوت قويًّا بحيث أن سنقر انكفاً داخل الفسقية على رأسه ..
ثم قام مفروعاً وهو ينفض ثيابه التي امتلأت بالماء المعطر .. فوجد
أمامه رجلاً فارع الطول أنيق الملبس يرتدي من الجواهر واليواقيت
على صدره ويديه أحجاراً كريمة تلمع وتتلاأل ، وترسل أشعتها حول
الرجل .. فبدأ ملئاً أسطوريًّا .. فانحنى سنقر وباس الأرض عند
قدميه في ذُل وخضوع .. وقال له :

- لقد أنعم علي ربِّي يا مولاي بأن أتشرف ويمن علي جلاله السلطان
بأن أحلق له شعر رأسه .

- أنت حلاق فالاد .

- لا يا مولاي .

- انت موش حلاق .. أمال جاي هنا في قصر سلطان من شان إيه ؟

_____ ايام مصرية قديمة .. وعصرية ايضا

- أنا قصدي يا مولاي .. بعد ما احلى لفخامة السلطان لا يمكن
احلى لحد بعد كده .. ولا انجس إيدى وامسك راس واحد كلب
من عامة الشعب .

فضحك الرجل ضحكة مجلجلة أخافت سنقر أكثر .

- انت فالاددمة خفيف .. هاها .

هنا تشجع سنقر .. وقد شعر أن الضحكة ودية نوعاً ما رغم
هديرها المرعب وقال له :

- إنها ما قولتليش يا مولاي .. مين فخامتك .. وزير الدولة .

فتضايق الرجل وكأن سنقر أهانه إهانة بالغة :

- دي هيئه وزير يا حيوان !؟

- اعذرني وسامعني يا مولاي .. أنا جاهل .. اللي ما يعرفك يجهلك ..
إنت أمير كبير .

- أمير !؟

- استنى يا مولاي .. ما تكملش .. انت قائد جيوش عظيم .

- قائد جيوش !؟

- ما هو مش معقول تكون السلطان لأن السلطان أنا عارفه كوييس .
وقف الرجل في كبر واستعلاء .. يستعرض أناقته وفخامته .. وقال
بحركة استعراضية :
- أنا قبوجي باشا .

بانجو

- نعم ..!

- قبوجي باشا يا حيوان .. رئيس بوابين .

- وكل الألطة دي وبواب ! طيب اجري ادي للسلطان خبر ان أنا
جيت ! انحرك اعمل لك همة .

وثار القبوجي باشا وصرخ في سنقر أنا أقطع لسان إنت فالاد
حيوان صعلوك .. وأمسك القبوجي بسنقر الذي ظل يصرخ وفجأة
دخل إلى القاعة رجل مهيب صرخ فيهما :

- هذا قصر سلطان .. مين حيوان هذا ؟ !

فوقف القبوجي باشا في احترام منحنياً وبرك سنقر على الأرض
مقبلاً قد미ه :

- أنا الحلاق .. الحلاق يا مولاي .. السلطان باعتلي عشان أحلق له .

فنظر الرجل إلى القبوجي باشا نظرة مرعبة :

- وليش حلاق صعلوك ما يمر عليا قبوجي باشا حيوان واقف تلعب
مع حلاق صعلوك .

فقال القبوجي خائفاً :

- ما هو أنا كان ح يديك يا مولاي خبر إنه وصل .

فقال سنقر :

- لا يا مولاي .. ده كان راسم التت عليا من ساعة ما دخلت وعمال
يختبط في الأمرا وفي الوزرا ولا هامه حد .

ايم مصرية قدبـت .. وعصرـت ايهـا

فنظر الرجل متوعـداً إلى القبوجي الذي كاد يسقط من فرط الرعب
وسـأله متـوعـداً إـيـاهـ :

- إـنـتـ إـشـتـمـ أـمـراـ وـوزـراءـ قـبـوجـيـ باـشاـ؟ـ!

فـقاـلـ القـبـوجـيـ :

- لا تـصـدـقـ فالـاـدـ حـلـاقـ خـارـسـيـسـ أـفـنـدـمـ .

فـقاـلـ سـنـقـرـ :

- وبـكـدـبـ .. دـهـ إـنـتـ حـتـقـلـيـ فيـ نـارـ جـهـنـمـ الـحـمـرـاـ .

فـقاـلـ الرـجـلـ :

- وـرـينـيـ فالـاـدـ حـلـاقـ .. إـيـشـ مـعـكـ منـ أـدـوـاتـ عـشـانـ يـحـلـقـ لـعـظـمـةـ
الـسـلـطـانـ .

فـأـخـذـ سـنـقـرـ يـخـرـجـ عـدـتـهـ .. وـبـدـأـ يـعـرـضـهـ بـكـلـ اـحـتـرـامـ .

- أـنـضـفـ مـوـسـ عـنـدـيـ ياـ مـوـلـايـ أـهـوـهـ .. وـعـطـورـ مـنـ كـلـ نـوـعـ وـفـوـطـ
جـدـيـدةـ مـحـدـثـ لـسـهـاـ .

فـصـرـخـ الرـجـلـ ماـ أـنـ رـأـىـ سـنـقـرـ يـخـرـجـ لـهـ الفـوـطـ :

- إـنـتـ يـجـبـ فـوـطـ قـدـرـةـ مـنـ عـنـدـكـ عـشـانـ يـمـسـحـ رـأـسـ سـلـطـانـ .. فالـاـدـ
حـيـوانـ إـنـتـ لـازـمـ إـتـرمـيـ فـيـ السـجـنـ .

فـقاـلـ لـهـ سـنـقـرـ :

- دـيـ زـيـ الـفـلـ ياـ مـوـلـايـ .

بانجو

فقال الرجل :

- ولما إنت تحبب فوط لسلطان .. أنا هنا أعمل إيه ؟ انت مش عرف
إن أنا بشكيرجي باشا السلطان ؟ !

قال سنقر :

- بشكيرجي .!

فقال الرجل بفخر :

- نعم بشكيرجي .!

فقال سنقر :

- يعني إنت هنا كل شغلتك تحبب بشاكير وتدوي بشاكير .

فقال الرجل بفخر :

- نعم .

فقال سنقر :

- ربنا يعينك على اللي انت فيه .. ما هي بتقطع النفس في الغسيل .

فقال الرجل :

- لا .. أنا مش بغسل بشاكير .. أنا لا أتخطى حدودي فالاد .. اللي
يغسل بشاكير سلطاني لازم يكون جندارجي دار .

فقال سنقر :

- جندارجي دار مرة واحدة .. ربنا يوعدننا .. طيب احنا إمتى
ح نحلق لفخامة السلطان بس عشان سايب المحل فاضي يعني ؟ !

أيام مصرية قديمة .. وعصرية أيضًا

وإذا برجل يدخل فيتحنن البشكيرجي .. والقبوجي وسنقر خلفهما مروعًا وقد سجدوا عند قدميه فقال سنقر مروعًا :

- مين ده؟ مين ده؟ أوعوا يكون بتاع الكلب .. كلبجي دار !!

فقال البشكيرجي :

- كلب إيه يا فالاد حيوان .. أسجد .. لا ترفع رأسك وإلا أقطع راس .. قبل أقدام مولانا فالاد .

فقال سنقر :

- ده إيه الليلة السودة اللي وقعت فيها دي .

ونظر الرجل نحو الجميع باستعلاء وازدراء .. ثم قال :

- ده فالاد حلاق إيجي عشان يحلق لفخامة السلطان؟!

فقال سنقر مفروعاً :

- والنعمـة الشريفـة أنا .. أنا الحـلاق .. هوـه مـفيـش ثـقة .. أنا اـديـتكـوا كـلمـة خـلاـص لا يـمـكـن أـرـجـع فـيـها .. بـس اـرـهـنـي مـنـهـم يا مـولاـي .. الـبـواب وـبـتـاع الـفـوط دـوـل مـنـ ساعـة ما جـيـت هـنـا مـسـتـلـمـيـني ..

فصرخ فيهما الرجل :

- بـره .. إـطـلع بـره بشـكـيرـجي حـيـوان وـقـبـوجـي خـارـسـيس .. بـره ..

فـهـرـول كـلـ مـنـهـمـا خـارـجـا فـي رـعـب ..

ماخثة

وسنقر يلا حقها بلعناته وقد تشجع لوجود الرجل :

- ياللا يا صيع يا عواطلية يا ولاد الكلب .

هنا زأر فيه الرجل :

- إنت إشتمن بشكيرجي وقبوجي تركي فالاد حيوان ؟!

- إنت ح تقلب عليا ليه يا مولاي .. ده انا باجاملك عزّنه فرح
وبانقط فيه .

- تركي إشتمن تركي ممكن .. إنها فالاد مصرى فلاخ إذا إشتمن تركي
إقطع لسانه وسمرا أجساد وعلق على بوابات .

- أنا مقصدش يا مولانا .. أنا السلطان باعتلي بالاسم عشان أحلق له
وأروقه .. ده انا حبيبه .. ده انا الباروكه بتاعته .. الخرزة الزرقا اللي
بيتفاءل بيها .

- إنت إعرف فخامة سلطان .

- إلا أعرفه .. إنت بس خشن قول له سنقر وصل .. وشوف ح يعمل
إيه ؟

- لكن كيف مولاي السلطان ما يقول لي أنا إنه يعرف فالاد فلاخ
صعلوك حلاق ؟!

- لازم انت مش قريب منه قوي يا باشا .

- أنا .. أنا أقرب واحد لفخامة السلطان .

أيام مصرية قديمة .. وعصرية أيضًا

- بس .. تبأه مولاي المعظم أخوه .

- لا .

- ابن أخته .

- لأ .. أنا اللالا .

- مين ؟!

- اللالا حيوان .. أنا مربى السلطان .

- الدادة يعني ؟

وصرخ الرجل غاضبًا :

- لا حيوان .. أنا اللالا باشا .

- طيب يا عم ما تغلش في روحك قوي كده .. يعني انت بتعمل إيه ؟
كنت بتاخده زمان تفسحه في الجنينة .. تأكله بسكوتاية .. تغير له
كافولة يديك على قفاك .

- قفا مين كلب فلاج ؟! قفا اللالا باشا .. أنا لازم إشنق إنت .

- العفو يا باشا .. قفایا أنا .. قفایا أنا .. إحنا مش حنحلق في يومنا ده
ولا إيه ؟!

ولم ينقد سنقر من يد اللالا سوى دخول برغل الطواشي .. وقال :

- تعالى فالاد سنقر حلاق .. فخامة السلطان لازم إحلق حالا .

باخو

وما أن رأه سنقر حتى تنفس الصعداء :

- برعـل أغـا .. إـنت فيـن من الصـبح .. النـاس دـي أنا مش عـارـف
اتـفـاهـم مـعـاهـم ..

وأخذـه بـرـعـل وـمضـى بـه عـبـر دـهـالـيز القـصـر .. حـتـى وـصـلـا إـلـى بـابـ قـاعـةـ المـلـك .. فـقـالـ له بـرـعـل :

- اسـمع فالـادـ سنـقـر .. أـشـلوـنـ هـانـمـ خـاتـونـ أـمـ عـظـمةـ سـلـطـانـ مشـ يـثـقـ بـحدـ فيـ الدـنـيـاـ غـيرـ بـرـعـلـ أغـا .. عـشـانـ كـدـهـ أـنـاـ الـلـيـ قـلـتـ لـعـظـمةـ أـمـ سـلـطـانـ فالـادـ سنـقـرـ حـلـاقـ تـامـ .. إـنتـ فـاهـمـ ؟ !

- وأـنـاـ حـاشـرـ فـكـ يـاـ بـرـعـل .. دـهـ حـبـبـيـ إـنتـ حـتـشـوـفـ السـلـطـانـ أولـ ماـ يـشـوفـنـيـ حـيـعـلـ إـيهـ ؟ وـحـيـاةـ النـبـيـ ماـ تـقـولـ لـهـ إـنـ سـنـقـرـ بـالـبـابـ .. خـلـيـهـ مـفـاجـأـةـ .

* * *

دخلـ سـنـقـرـ قـاعـةـ المـلـكـ الفـسـيـحةـ وـرـأـيـ عـرـشـ السـلـطـانـ منـ بـعـيدـ
بـكـاملـ الـأـبـهـ وـالـفـخـامـةـ الرـهـيـةـ .. وـمـنـ حـولـهـ الـحـرـاسـ الـأـشـدـاءـ ..
وـأـمـرـأـةـ تـبـدوـ عـلـيـهـ أـمـارـاتـ الـحـزـمـ وـالـقـوـةـ وـالـعـزـ .. ثـمـ نـظـرـ إـلـىـ الـعـرـشـ
فـإـذـاـ بـالـجـالـسـ طـفـلـ صـغـيرـ .. لـمـ يـصـدـقـ سـنـقـرـ عـيـنـيـهـ .. فـالـسـلـطـانـ الـذـيـ
رـآـهـ هـوـ الـأـمـيرـ بـيـدـرـاـ بـطـولـهـ وـعـرـضـهـ وـبـنـيـانـهـ الـمـتـينـ الـقـويـ أـشـبـهـ بـعـملـاـقـ
مـنـ عـالـقـةـ الـأـسـاطـيـرـ فـمـاـ الـذـيـ حـدـثـ لـهـ !

أيام مصرية قديمة .. وعصيرية أيضًا

كان سنقر قد اقترب فوجد السلطان الناصر محمد بن قلاوون طفلًا صغيرًا فاندهش وبلغ ريقه وأخذ ينبط رأسه بيديه وقال لنفسه :

- الله يخرب بيتك يا بانجو .. عميتني النهاردة .. ومش جاية تستغل إلا هنا .. ح توديني في داهية .. السلطان ماله اتسخط كده ليه ؟ !

وارتدى سنقر على الأرض وباس الأرض تحت قدمي السلطان ثم نظر نحوه بحب :

- ألف سلامة عليك يا مولاي السلطان المعظم .. بأه الحكم يعمل في فخامتك كده ؟ ! تتمقت وتنزل التزلة دي .. إنشا الله عدوينك .. إنشا الله اللي يكرهوك إلهي يارب فره تاخذ بيت قلاوون وتخلص عليهم واحد واحد .

فانقض عليه الحراس وأمسكوا به في غلطة :

- إنت يشتمن مين فالاد في حضرة سلطان معظم ؟ !
- أنا باشتمن عدوينه اللي يكرهوه .

ثم همس لبرغل :

- مين ده يا برغل ؟ !

فأجابه برغل أغا بخشوع :

- حد ما يعرفش مين سلطان معظم فالاد حيوان .
- ما انتوا كل يوم بتغروا واحد .

ما يجو

- هذا الملك الناصر محمد بن قلاوون .
- ابن قلاوون .. يعني قلاوون لسه شغال بأه .
- أخو الأشرف خليل اللي قتله الملعون بي德拉 .
- ألف لعنة تنزل عليه .. الله يرحمك يا سلطان قلاوون .. الله يرحمه ..
كان حبيبي .

وأخذته الحماسة وأخذ يهتف :

- يعيش الناصر محمد بن قلاوون .
- وضحك البلاط كله من منظر سنقر .. وضحك السلطان .
- وقف سنقر خلف السلطان ليحلق له .. ويبخ له الماء على شعره ..
- ثم يسرحه بالمشط .. وأمه خاتون أشلون واقفة إلى جواره .. تحذر
سنقر كل دقيقة :
- على مهلك بشويش على السلطان فالاد حلاق .

فيهم الحرس ويندفعون نحو سنقر الذي يكاد يسقط من فرط الرعب .. وأثناء حلقة سنقر للسلطان كان يضااحكه بأدب .. حتى ارتبط به السلطان إلى أن دخل الأمير كتبغا وقبل الأرض بين قدمي السلطان .. ثم قال له :

- يا مولانا السلطان المعظم .. معندي أمير مخلص يطلب العفو والسماح من عدالة السلطان ورحمته .. فهل تأذن له بالدخول ؟

_____ ایام مصریة قديمة .. وعصریة ايضا
نظر السلطان إلى سنقر وكأنه يأخذ رأيه فأشار له سنقر بالإيجاب .

دخل الأمير حسام الدين لاجين .. وقبل الأرض أمام السلطان
وقال له بخنوع وذل :

- أطلب العفو والسامح يا مولاي السلطان المعظم .

ما أن رأه سنقر حتى بُهت .. فهو الذي غمد السيف في كتف
الأشرف خليل وضربه الضربة القاتلة .. لم يشهد ذلك سوى سنقر ..
وارتبك سنقر وكاد الموس يسقط من يده .

فسدد له لاجين نظرة أوقعت قلبه في قدميه .. ولكنه تشجع وهمس
في أذن السلطان :

- هو ده يا مولاي السلطان .. هوه اللي قتل السلطان الأشرف .. أنا
شایفه بعيوني .. أو عى تديله العفو .

هنا صرخ فيه كتبغا :

- ماذا تقول فالاد حلاق حيوان بحالته السلطان المعظم ؟ !

فقال له سنقر مذعوراً :

- ما بقولوش حاجة .. أنا باقول أسيب له القطف ولا أقصرهاله .

هنا صرخ السلطان في لاجين :

- أنت قلت أخويا السلطان الأشرف خليل ؟ !

بأجو

فقال لاجين :

- لا يا مولاي .. إنها قتله بيده وأنا حاولت أن أنقذه ولم أستطع ..
كاد بيده يقتلني أنا أيضا يا مولاي .

قال سنقر في غيظ :

- يا ساتر على الكذب .. هو بيده عرف يضر به .. ده السيف جل منه .. وانت اللي روحت هابده واحدة خلصت عليه .

هنا ثارت ثائرة كتبغا وصرخ في سنقر :

- إنت إتكلم قول إيه حلاق حيوان .. إخرس فالاد أحسن أقطع
لسانك ده !

ثم توجه كتبغا نحو السلطان ومعه صك العفو .

- إختم هنا يا مولاي على صك العفو عن أمير لاجين .

وتقديم حامل الختم وأعطاه للسلطان الذي ختم على صك العفو فابتسم الأمير لاجين ابتسامة الانتصار ونظر إلى الأمير كتبغا نظرة الممتن الشاكر لما فعل .. ثم قام وقبل يد السلطان ثم قبل يد الأمير كتبغا ومضى سعيداً من قاعة السلطنة وفي يده الصك .

* * *

الفصل الثامن

دخل سنقر حمامه .. فلم يعرفه .. كان الحمام قد تبدل تماماً .. صار نظيفاً جداً لاماً رائحته عطرة .. وقد أزيلت منه الأتربة وخيوط العنكبوت التي عششت على الجدران .. كل شيء كان موضوعاً في مكانه .. الفوط مغسولة .. ومطوية ومرتبة .. والأدوات موضوعة في أماكنها بعناية ورقة .. وكان عفريتاً خرج من قُمقم وفعل هذا .. ومضى سنقر نحو المغطس فوجد أروع منظر رأه في حياته .. كانت نازك في المغطس ومعها بانجو وهي تغسله بالماء والصابون .. لم يصدق سنقر عينيه .. وما أن رأته نازك حتى خرجة من المغطس .. ونهق بانجو معرضاً على مجيء سنقر فجأة كالعزل الذي قطع عليه حمامه الدافع الممتع .. اقترب منها سنقر متودداً .. أما هي فقد ابتعدت عنه وغضت كتفيها بفوفة فقال لها مداعبها .. سعيداً في طفولة وبراءة :

- تبقي حبيتي المكان ! وما دام حبيتي المكان .. تبقي حبيتي صاحب المكان .

بايجو

ابعدت عنه نازك قليلاً .. ثم قالت له :

- اسمع يا سنقر .. أنا عملت اللي علياً كجارية .. نضفت لك الحمام
والبيت ومسحت وكنست وحضرت لك العشا .

- هو ده واجبك كجارية ؟! لو كان على شغل البيت كنت جبت
جارية فلبينية ولا حبشية .. الجواري ليهم شغل تاني يا نازك .. أظن
أنتي فاهمني كوييس .

- أيوه فاهمه يا سنقر .. فاهمه .. إنما أنا عاوزه أسألك سؤال .

- دي لسه ح تسأل .. إيه الجارية اللي غاوية أسئلة دي .. الجارية ما
تقولش غير حاضر .. طيب .

- حاضر يا سنقر .. إنما انت ترضى إنك تاخذ مني اللي انت عاوزه ده
وأنا مش حاسة بيه .

- آه أرضى .. المهم أنتي ترضي .

- الجارية مالهاش إنها ترضى أو ترفض .. أنا كنت فاكرة إنك بتحبني .
وانكسرت نازك في ألم وأسى .. ثم جلست على الأريكة .. وقالت
له بحزن وقد نامت على الأريكة وفتحت ذراعيها :

- تقدر تاخذ مني اللي انت عاوزه يا سيدى .

فشعر سنقر بأنه أهانها .. وتردد :

- ما هي مش طريقة دي برضه يا نازك .. انتي بتكلميني كأننا رايحين
نعزي .. الحاجات دي عاوزه مود والكآبة اللي انتي فيها دي
ماتتفعش .. تعمل عكوسات علطول .

- تحب إني أغريكك .. أرقص لك .. أؤمر يا سيدى .

- بلاش يا سيدى دي بأه أحسن حاسس كده انك بتذليني بيها .. أنا
مش سيدك ولا سيد حد .. قوليلي يا سنقر .. بحب اسمعها منك ..
بتطلع حلوه من بُنك .

- عشان أقولك يا سنقر .. لازم أكون بحبك .. وانت عاوزني جاريه .

- ليه وهما الجواري ما بيحبوش .. دي مهمتكوا .

- الحب لما يبأه مهنة عمره ما يبأي حب يا سنقر .. على فكرة لو
فكرت شوية في اللي بقولك عليه لازم تكون مبسوط .. اللي انت
عاوزه دلوقت متعة سريعة ح تخلص في لحظات .

- إيش عرفك !؟

- الجنس عمره قصير .. أنا عارفه .

- طبعاً ما انتي خبره بآءه .

- إنها اللي انا باعرضه عليك متعة عمرها ما تخلص .. تفضل لآخر
العمر .. أنا عمري ما اخترت حاجة في حياتي .. إنها انا عاوزه
اختارك انت وتكون أول حاجة في حياتي أعملها بيارادتي .. وأنا
بارتب لك البيت حسيت بسعادة جديدة عليا .. سعادة من نوع

جديد .. سعادة سرت مش سعادة جارية .. ولما اتأخرت عند
السلطان قلقت عليك .. أول مرة أقلق على حد .. حسيت كأنك
ابني .. أخويا .

- ابني إيه واخويها إيه ؟ الكلام اللي مش جايب همه ده بأه .

- صدقني يا سنقر .. أنا عشت في قصور وكنت جارية من جواري
الأمرا والسلطين .. واتنقلت من إيد ده لإيد ده .. من إيد أمير
لإيد فارس لإيد ملوك .

- وجات عليا أنا وقفلت ؟ !

- عمرى ما حسيت بفرق وانا في حضن الراجل ده ولا في حضن
الراجل ده .

- دي ح تعصبني .

- الفرق الوحيد أنا حاساه دلوقت .. وأنا معاك .. إذا كنت عاوز
الفرق ده يفضل موجود .. استنى عليا .. اصبر .. خللي الأيام
والعشرة اللي بيتنا هي اللي تخلق الحاجة الجميلة اللي انا بحلم بيها
معاك .

قام سنقر متضايقا .. وقال لها بضمير :

- خلاص اللي تشوفيه يا نازك .

ومضى تاركا لها الحجرة وهي تودعه بابتسامة حانية رقيقة .

* * *

ایام مصریت فدیت .. و عمریت اپھا

في قصره المنيف .. احتفل الأمير حسام الدين لاجين بقرار العفو عنه الذي وقع عليه السلطان المظفر .. كانت ليلة أسطورية أشبه بليليالي ألف ليلة .. فهذا الذي كان مختفياً هارباً مطارداً قابعاً في مخبئه بين الفتران والوطايط والقمامه .. حينها عاد إلى الحياة .. وصار في المشهد .. أراد أن يغوض نفسه الأيام والليالي السوداء جالساً مثل أمراء الأساطير .. طويلاً أبيض اللون أشقر اللحية أزرق العينين مهاب الشكل .. فارساً مقداماً يبتسم ابتسامة فلسفية عميقه .. وكأنه يحلم .. أو كان لا يصدق ما تراه عيناه .. وأمامه كانت الجواري والراقصات والغنيمات يرقصن ويغنبن والكل في فرح وسرور عظيم .. وحوله أمراء المماليك وكان من بينهم الأمير منكوتبر .. وكان أميراً قاسياً له سطوة وبطش ويخافه الناس والمماليك .. مال الأمير منكوتبر على الأمير لاجين باسماً وقال له :

- مبارك عفو السلطان أمير لا جين .

فضحك لا جين وقال له :

- إن حيّاتي غريبة أمير منكوتور .. تضيق على حتى تخنقني ثم تفك
قبضتها فجأة .. وكان قدرِي أن أظل موجوداً بها كأنها تدخر شيئاً
كبيراً إلى .

- أطال الله عمرك أمير لا جين .

باخو

- إلى متى أمير منكوتر .. إن بيت قلاؤون لا ينتهي .. ستظل
السلطنة لآل قلاؤون إلى أبد الآبدين .

- من قال هذا يا أمير .. وهل هذا السلطان الطفل سلطان حقيقي ..
إن الأمير كتبغا هو الذي يحكم وما دام الأمير كتبغا يحكم فأنت
تحكم .

- الحكم شيء والسلطنة شيء آخر يا منكوتر .. السلطنة هي المجد .
هنا دخل النخاس بعد أن انتهي الرقص وخلفه الجواري .. وباس
قدم الأمير وقام بحركة استعراضية كأنه ساحر يعرض ألعابه .

قال النخاس :

- احتفالاً بالعفو السلطاني عن سمو الأمير لاجين اسمح لي يا مولاي
أن أقدم لكم أجمل الجواري الفاتنات .. واللاتي لم تقع عليهن عين
ولم يصرهن مخلوق .. قبل سموكم .

ضحك منكوتر ساخراً وقال للاجين :

- هذا النخاس أكذب أهل الأرض .. جواريه لم يتغيرن منذ عشرة
أعوام وفي كل مرة يقدمهن على أنهن بضاعة جديدة .

وظل النخاس يعرض جواريه بطريقته المعتادة :

- قمر الزمان .. دليله .. شمس النهار .

ایام مصریت فرمیت .. و عمریت اپھنا

هنا همس منكور للاجين:

- عنده جاريه واحده ليس في جمالها أحد يا أمير .. اسمها نازك ..
رأيتها عنده .. و كنت أنوي أن أقدمها لك ولكن الظروف الأخيرة
حالت دون ذلك .

قال لاجين باستا :

- نازك .!. وهل هي أجمل من كل هؤلاء !

قال منکو تمر :

- أنت تعرف ذوقي يا أمير .. (ثم استدرك قائلاً بخبث) .. وأنا أيضاً
أعْفُ ذوقك .

وضحـكا .. هنا قال لاجـين للنـخـاس :

- تعالى يا نحاس .. لا أريد هؤلاء .. أنا أريد نازك .

فارتیک النخاس :

- نعم !

- ألم تسمع ما قلته؟! نازك الجارية التي عندك .. لماذا لم تأت بها لي مع هؤلاء .. هل تخفي عنى البضاعة الحديدة يا نخاس .

- العفو يا سمو الأمير .. نازك .. موجودة .. ولكنها مريضة ..
سأحضرها بنفسى لقصر سموكم .

بأجو

قال منكوتر :

- كان يطلب فيها ألف دينار .

قال النخاس :

- لا يا أمير .. بل ألفان .. والله ألفان .

قال منكوتر :

- ألفان يا لص ! ألم تكن تدلل عليها وببح صوتك وأنت تقول ألف دينار ولم تجد أحداً .

ضحك لاجين وقال له وهو يأمر ماليكه :

- أعطوه ألفي دينار .

فالقى أحد الماليك للنخاس بكيس به ألفان دينار تلقفهما في سعادة ..
وجشع وقال وهو لا يستطيع أن يتقطط أنفاسه :

- غداً .. غداً تكون عند قدميك يا سمو الأمير .

وخرج وهو يدعوه :

- أطال الله عمر الأمير .. أطال الله عمر الأمير .

ولاجين ومنكوتر قد أغرقا في الضحك على النخاس .

* * *

ايم مصريه قديمه .. وعصيره ايضا

في بيت سنقر .. كانت نازك تعد الطعام وسنقر جالس على الأرض
أمام الطبلية سعيداً قال لها :

- الله يا نزاكه .. ريحه أكلك حلوه قوي .. أنا ميت من الجوع .. هوه
فين العيش ؟ !

- شركس راح يجيئه من الصبح وما جاش .

- يادي الغباء .. وما لقيتيش غير شركس اللي يروح يجيئه .. ده انا وانا
جاي شايف طوابير أمم قدام الفرن .. حناكل الطبيخ حاف ؟ !
وضعت نازك الطعام أمام سنقر الذي أخذ يأكله بيديه .

- وبانجو اتعشى ؟

- خطيتله التبن والبرسيم بس مش عارفة كده نفسه مسدودة مش
عاوز يأكل .

- أنا عارف دماغه .. علشان بقالنا كام يوم ما روحناش المشوار بتاعنا
.. تلاقيه مصدع ومقلع ومش طايق روحه .

- نفسي أعرف انت وبانجو بتروحوا فين ؟

- أصل فيه حاره بانجو بيحبها ومش طايلها .. أهو باوديه يشوفها
ويتمتع نظره بيها .. ويرتاح .

- طيب ما تشتريهاله يا سنقر .. هي غالية .

- المشكلة مش في تمنها .. المهم هي تعبره .. تسأل فيه .. تحن عليه .

باجو

ابتسمت نازك واحمر وجهها .. وقد فهمت ما يقصده سنقر الذي
أخرج من سرواله خلخال نحاس وقدمه لها .. في حياء :
- ده خلخال نحاس مدقوق شفته النهاردة في السوق .. وقلت يعني
يمكن يعجبك .

أخذت نازك الخلخال فرحة به :

- الله .. ده حلو قوي .
- معلش مش قد المقام .. كان نفسي أجيدهولك دهب .
- ده عندي أغلى وأثمن من دهب الدنيا كلها يا سنقر .
وبينما هما يتبدلان نظرة حانية ملتئبة بالمشاعر الصادقة .

دخل شركس وخلفه زيتونة .. وفي يده لفة قماش .. فصرخ فيه
سنقر :

- كل ده بتتجيب العيش .. هات .. عاوزين ناكل .

فقال شركس مندهشاً :

- عيش ..! عيش إيه يا سنقر .
- أمال إيه اللي في إيدك ؟
- دي بطاطا .
- بطاطا ؟! حناكل الطبيخ بالبطاطا يا طور .

— أيام مصرية قديمة .. وعصرية أيضًا

— ومين قالك إنك ح تأكل الطبيخ بالبطاطا .. البطاطا دي عشان
زيتونة .. بتتوحم .. أقعدى يا زيتونة .. ارتاحى .

فنظر سنقر نحو نازك باسماً وقال لها :

— وانتي نفسك مش ح تروح للبطاطا بأه !?
فضحكت نازك وقد فهمت مغزى الدعاية .

وإذا بطرق على الباب وصوت الخربوطي النخاس .
— افتح يا سنقر .. افتح .. أنا الخربوطي .

فقال شركس متضايقاً :

— أعوذ بالله .. أبويا ؟ خشي يا زيتونة جوه مش ناقصين نبره وعينه
الوحشة .

وضعت نازك الخمار على وجهها .. وفتح سنقر الباب ليدخل
الخربوطي مبتهجاً سعيداً .

— السلام عليكم يا سنقر يابني .

— وعليكم السلام يا حاج خربوطي .
ثم نظر فوجد نازك مرتدية الخمار .

— إزيك يا نازك .. بأه برضه لابسة الخمار قدامي .. ده انا الخربوطي
يابت .. ستراك وغطاكي .

باجو

فقال له سنقر في ضيق :

- نعم ..!.. عاوز إيه يا حاج خربوطلي .. إنجز .
- شوف بأه يا سنقر .. أنا عارف إن نازك تاعبك ومورياك الويل
وهي بصراحة معدورة .. مش متعودة على عيشة الفقر اللي هي
عايشاها دي .. وأنا عارف إنك ندمان عشان دفعت فيها الألف
دينار اللي أنا لحد دلوقت ح اموت وأعرف إنت جيبتهم منين ؟ إنما
أنا جاي النهاردة يا سيدى عشان أحلك من الارتباط ومن العقد ..
وأديلك فلوسك وأخذ نازك .

بس اسمع .. هي بقاها عندك مدة .. مش حأديلك الألف دينار
كلهم .. هي مش كانت شغالة ..!.. أنا حأديلك خسمية دينار يا عم
وأخذها وأريحك منها .

نظر له سنقر ساخراً وقال له :

- وجاي على نفسك كده ليه يا حاج ؟ خسمية دينار حته واحدة .
- ستمية ..!.. باللا .. انت أصلك ابن حلال يا سنقر .
- وأنا مش موافق يا حاج .
- خلاص يا سنقر .. أنا حأديلك سبعمية دينار ومفيش زيادة بعد كده .
- والتلميذ دينار دول راحوا عليا خلاص .. ويرضيك انت تخسرني
تلتميذ دينار حته واحدة .
هنا ثارت ثائرة الخربوطلي .. وغضب .

أيام مصرية قديمة .. وعصيره أيضًا

- أما إنك وادواطي صحيح .. أنا الحق عليا اللي بافكر في مصلحتك ..
هوه فيه حد يدفع لك فيها 700 دينار النهاردة .. البلد واقعة
والسوق واقف ولا فيه بيع ولا شرا .. اسمع .. سيبها وأنا اجيلك
بدالها أربع جواري يحلوا منع المشنقة .

- أنا آسف يا حاج .. ولا ربعميةت جارية .

- خلاص خد الألف دينار بتوعك وغور .. ده انت طلعت نخاس
ابن نخاس تعالى يا نازك .

- استنى يا حاج .

- القرار ده مش قراري أنا .

- أمال قرار مين ؟ هوه انت اتصرفت فيها ولا بعتها حد .

- القرار ده قرار نازك .

- نعم يا خويا .. قرار نازك .. هما الجواري ليهم كلمة .. دي جارية .
هنا أمسك سنقر بنازك .. ورفع خارها .. واضعا يده على كتفها
بحنان ورقة ثم قال لها وصوته يتقطع :

- نازك .. انتي صاحبة القرار .. عم عبد الكريم النخاس عاوزك
ومadam مصمم كده يبأى عنده بيعة حلوة ليكي .. أكيد فيه أمير
ولا وزير ولا فارس عاوزك .. لو تحبي تروحي معاه وتعيشي في
القصر وفي العز أنا مش ح أقف في طريقك .

أمسكت نازك بيد سنقر وقبلتها .

بايجو

وجلست على الأرض.

- إنت عندي يا سنقر أحسن من السلطان نفسه .. إذا كان القرار قراري زي ما بتقول أنا لا يمكن اسييك أبداًغاية ما اموت .

هنا التفت سنقر إلى الخربوطلي وهتف به في ثقة :

- ياللا يا راجل يا قرنى من هنا .

فوجئ النخاس بما يحدث أمامه والذي يخرق كل قوانين النخاسة وما كان يجري في تلك الأيام وقال لسنقر مهدداً :

- اسمع كلامي يا سنقر .. ولا انت ولا هي قد اللي بتقولوه .. خد فلوسك وسيبها أحسن ما ح تسيبها غصب عنك وتقول يا ريت اللي جرى ما كان ومادام وصلنا لكده بأه .. أنا ح أجيبهالكوا على بلاطة .. الأمير حسام الدين لاجين ذات نفسه هوه اللي عاوزها .

انتفض سنقر مذعوراً :

- الأمير لاجين ؟!

قال الخربوطلي وقد شعر أنه امتلك الموقف تماماً :

- ومنين اللي شار عليه بيه .. رئيس البوليس الأمير منكورم .

- منكورم ؟!

- وانتوا عارفين بأه منكورم .. غاوي يربى أسود ونمور عنده في القصر وطبعاً الأسود والنمور عاوزه تأكل .. وأي حد يعارض الأمير .. أhee الوحوش أولى بلحمه وعضامه .

أيام مصرية فديـه .. وعصرـه ايـها

جلس سنقر متـفـضاً وبـجـوارـه نـازـك ..

- هـ .. قـلـتـ إـيهـ ؟ تـاخـدـ الـخـمـسـيـةـ يـابـنـ الـحـلـالـ وـتـسـيـبـ الـجـارـيـةـ
لـلـأـمـيرـ وـيـاـ دـارـ مـاـ دـخـلـكـ شـرـ .. قـدـامـكـ سـاعـةـ زـمـنـ وـاـنـاـ مـسـتـنـيـ فيـ
الـوـكـالـةـ عـشـانـ تـجـيـهـاـيـ .

وـخـرـجـ الـخـرـبـوـطـلـيـ وـاثـقـاـ منـ نـفـسـهـ مـتـأـكـداـ منـ التـتـيـجـةـ بـيـنـهاـ تـرـكـ سـنـقـرـ
وـنـازـكـ يـضـرـبـانـ أـخـمـاسـاـ فيـ أـسـدـاسـ .. هـذـهـ هـيـ الدـنـيـاـ .. لـاـ تـصـبـحـ دـنـيـاـ
إـلاـ إـذـاـ كـانـ بـهـاـ مـاـ يـنـغـصـ .

فيـ اللـحـظـةـ التـيـ اـكـتـمـلـتـ فـيـهاـ سـعـادـتـهـ وـشـعـرـ بـحـبـ نـازـكـ لـهـ .. تـمـتدـ
الـأـيـديـ الـوـحـشـيـةـ تـحـاـولـ أـنـ تـنـتـزـعـهـاـ مـنـهـ .. وـلـكـنـ كـيـفـ يـحـدـثـ هـذـاـ ..
إـنـهـ مـلـكـ .. القـانـونـ فـيـ صـفـهـ .. وـلـكـنـ أـيـ قـانـونـ هـذـاـ فـيـ دـوـلـةـ يـحـكـمـهاـ
الـمـالـيـكـ .. الـمـالـيـكـ فـوـقـ الـقـانـونـ .

استـجـمـعـ سـنـقـرـ نـفـسـهـ وـصـرـخـ بـصـوـتـ عـالـ :

- مشـ حـ اـسـتـسـلـمـ يـاـ نـازـكـ .. مشـ حـ سـيـيـكـ حـتـىـ لوـ أـلـقـواـ بـيـ
لـوـحـوـشـهـمـ وـسـبـاعـهـمـ وـنـمـورـهـمـ تـبـأـهـ إـيـهـ مـعـنـىـ الـحـيـاـةـ وـاـنـاـ شـايـفـكـ
بعـيـنيـ وـهـمـاـ وـاـخـدـيـنـكـ لـلـأـمـيرـ .. مـلـعـونـ أـبـوـ الـأـمـيرـ عـلـىـ أـبـوـ الـوزـيرـ
عـلـىـ أـبـوـ السـلـطـانـ .

هـذـهـ المـرـةـ .. قـاـلـهـاـ سـنـقـرـ دـونـ أـنـ يـتـنـاـولـ الـمـخـدـرـ .. قـاـلـهـاـ بـلـاـ بـانـجوـ
بـكـامـلـ قـوـاهـ الـعـقـلـيـةـ أـمـاـ نـازـكـ .. فـقـدـ اـرـتـمـتـ فـيـ أـحـضـانـهـ مـاـ صـعـبـ
الـمـوـقـفـ أـكـثـرـ وـأـكـثـرـ :

- وـاـنـاـ كـمـاـ مـشـ حـ اـسـيـيـكـ يـاـ سـنـقـرـ .

بايجو

وخرج شركس حاملاً عصا متسللاً ينظر حوله باحثاً .. ثم قال :

- هوه مشي ؟!

- مين اللي مشي ؟!

- أبويا .

- ملعون أبوك يا أخي .

- ألف مرة .. ده انا كنت خارج عشان أضربه .. فلت مني النخاس
ابن اللذينه .. هوه كان جاي يعمل إيه الرجال ده ؟

- كان جاي يأخذ نازك .

هنا تغيرت ملامح شركس وقال :

- وزيتونة ؟!

- هوه انت مش هامك غير زيتونة !

- بص بأه يا سنقر إذا كنت انت ح تسكط على حقوقك .. أنا مش
ح اسكت وديني وأيماني لاشتكيه .. أوديه السجن .

- تشتكيه لمين يا فالح .

- للشيخ تقى الدين .. قاضي القضاة .

نظر سنقر إلى نازك وقد أعجبته الفكرة وقال لشركـس :

- وله .. أول مرة في حياتك تقول كلمة عليها القيمة .

* * *

الفصل الثاني عشر

كان الشيخ تقى الدين عبد الرحمن بن بنت الأعز قاضي قضاة الديار المصرية .. رجلاً عادلاً تقىً كاسمه .. له هيبة وكلمة مسموعة .. حتى على السلطان نفسه .. لم يكن يخشى في الحق لومة لائم .. وكان الملاليك من صغيرهم إلى كبيرهم يعملون له ولكلمته ألف حساب .. وتلك هي المفارقة الغريبة في العصر المملوكي .. برغم فسادهم وبطشهم وظلمهم للعباد إلا أنهم كان عندهم رهبة شديدة وخوف من رجل الدين لاسيما لو كان رجل دين حقيقياً يعرف حدود الله .. ويقيمه .

وهذه التركيبة رغم تناقضها إلا أنها منطقية تماماً بالنسبة لطبيعة حكم مصر دائمًا .. فالظالم يخشي ثورة المظلومين .. والمظلومون في مصر غالباً لا يثورون مهما حدث .. إلا إذا اقترب الظالم من الدين .. هنا يفقد المصريون صوابهم .. ويصبح الموت أو بالأحرى الشهادة أحب إليهم من الحياة .. وإذا ثار الجياع والمظلومون فلا أحد يستطيع أن يتصدى لهم وخصوصاً إذا كان الأمر به صبغة دينية .. ولذا حافظ

بأ نحو

المهالك دائماً على ذلك الاحترام المبالغ فيه والتوقير والتقدير الكامل
لشخص قاضي القضاة .

وكان الشيخ تقى الدين .. لا يرهبه شيء ولا يغريه شيء .. وكثيراً
ما أقدم على أن يترك منصبه ويتناهى في مواقف كان فيها مسانداً للحق ..
ونزل المهالك والأمراء من القلعة إلى بيته واعتذروا وتأسفوا وعاد
الحق لأصحابه .

دخل سنقر ومعه نازك مرتدية الخمار على الشيخ تقى الدين الذي
استقبله بشاشة وابتسم في وجهه ابتسامة طمأنة .. كان شيخاً جليلًا
ذقنه بيضاء طويلة وشعره أبيض فبدأ كأن وجهه محاط بحالة من نور .

اقرب سنقر من مجلسه وقبل يديه .. فبادره الشيخ تقى الدين
عبد الرحمن :

- إسمك إيه يا بني !?
- إسمي سنقر يا سيدنا الشيخ .
- سنقر .. يعني ما لقيتاش اسم غير ده .. يا أخي خير الأسماء ما حمد
وما عبد .. الأسماء الحلوة كتير .

فقال سنقر :

- ما هو مش أنا اللي سميتنى يا سيدنا الشيخ .. كنت صغير قوي لما
سموني .. أنا طلعت في الدنيا دي لقيت نفسي سنقر .

فقال له الشيخ مداعبًا :

- عاوز إيه يا بو السناقير .

- أنا عاوز أكلم فضيلتك في موضوع خطير ومش عاوز حد يسمعه .

- قول يا سنقر يابني .. محدث غريب .. دول كلهم شيوخ وعلماء
أفضل أجلاء وأنا أقلهم علمًا .

فرد الشيوخ الجالسون :

- العفو يا مولانا .

والتفت الشيخ تقي الدين إلى سنقر مبتسمًا وقال له :

- اتكلم يا سنقر .

- أنا يا سيدنا الشيخ اشتريت الجارية دي وأادي صك البيع .

فاندهش الشيوخ تقي الدين وقال مازحًا :

- شاب من العامة وفي هذا الغلاء ويشتري جارية .. تبأى الأحوال

مش وحشة بأه زي ما بيقولوا .. واشتريتها بكام ؟

- بآلف دينار .

- كام !؟

- ألف دينار .

مايجو

فضحك الشيخ تقي الدين وقال :

- إنت بتشتغل إيه يا سنقر ؟

- أنا حلاق .

- ده انت لو حلقت رؤوس الشعب كله ما تجبيش المبلغ ده .

- المال ده عطية .. منحة يا سيدنا الشيخ .. مال حلال والله .

- طيب يا أمير سنقر .. واشترت الجارية .. إيه بأه المشكلة ؟

- عاوزين ياخدوها مني غصب .

- هما مين !؟

- الأمير حسام الدين لا جين والأمير منكونتر .

- ليس من حقهما ذلك .

- ربنا يفتح عليك يا سيدنا الشيخ .. ويخليك لينا .. طيب اعمل إيه ؟

أنا مش قدhem .

نظر الشيخ تقي الدين إلى نازك الحالسة وقد غطت وجهها بالخمار :

- هي دي يا سنقر .

- هي يا سيدنا الشيخ .

قال الشيخ تقي الدين :

- رغم إني لا أرى منها شيئاً إلا أنني أعتقد أنها جميلة .. رائعة الحُسن .

ايم مصرية قدمنت .. وعصرية ايضا

- وبعدين يا سيدنا .. خلينا في البلوه اللي انا فيها .
- إذا أنت تحبها .
- قوي يا سيدنا .
- وهي .
- بتحبني يا سيدنا .
- الخل بسيط وفي يدك وإذا عملته .. ولا لاجين ولا السلطان نفسه يقدر يقرب لها .
- الحقني بيده يا سيدنا .
- اعتقها لوجه الله .
- نعم !
- إديها حريتها .
- بقولك دافع فيها ألف دينار يا سيدنا .
- اصبر بالله .. اسمع بقية الكلام .. إديها حريتها واعتقها لوجه الله تكسب ثواباً كبيراً في الآخرة .. نأت بأه لثوابك في الدنيا .
- أيوااه .. ما هو أنا جاي عشان ثواب الدنيا ده .
- تتزوجها .. تعقد عليها فتصبح زوجتك حلالك ولا يستطيع مخلوق كائناً من كان أن تسول له نفسه ويفكر في أن يأخذها منك .

باقو

وأعجبت الفكرة سنقر .. فنظر إلى نازك التي ابتسمت له من خلف
الخمار فعلم أنها ت يريد ذلك .

فقال سنقر للشيخ :

- وأنا موافق يا مولانا .. بس دلوقت .. أنا مش خارج من عندك
إلا وهي مرادي .

- فضحك الشيخ تقي الدين وقال :

- المسألة مش بالسهولة دي يا سنقر .. لازم شهود وإجراءات .

- ربنا يفتحها عليك ويعمل مراتبك يا سيدنا .. ما الشهود موجودين
أهم .. شيوخ وعلماء أفالضل .

فضحك الجميع .. وقال الشيخ :

- على بركة الله .

ثم نادى (مبروك) أحد مساعديه وقال :

- إديني يا مبروك يابني صك من صكوك العتق .

فأحضر (مبروك) الصك وفرده أمام الشيخ تقي الدين الذي بدأ في
تحريره .

- إسمك إيه يا بنتي ؟

- نازك يا سيدنا الشيخ .

ايم مصرية قديمة .. وعصرية ايضاً

- جنسك إيه يا نازك .
- شركسية .
- اللون .

فقال سنقر بسرعة :

- بيضا .. بيضا قوي يا مولانا .
- السن .

فقالت نازك :

- 21 سنة يا مولانا .
- اسم المالك .
- سنقر .. سنقر جوهر الورداني .
- الأوصاف .

فانبى سنقر ليعدد أوصافها :

- عندها عسل يا مولانا .. وشفايفها زي حبابة الفراولة وخدودها .

فضحك الشيخ وقال له :

- أنا مش بقولك غازها يا واد يا سنقر .. الأوصاف يعني الوزن والطول .

فقال سنقر بخوف :

- هوه انتوا ح تكتبوا طول المالك برضه .. مش ناقصة فضائح في أوراق رسمية كمان .

بايجو

فضحك الجمیع .. و قال الشیخ تقی الدین سنقر :

- قول لها يا سنقر (إني عتقتك لوجه الله يانازك يا بنت عبد الله الشرکسیة).

فنظر سنقر نحوها بحب فائض وكرر ما قاله الشیخ :

- إني عتقتك لوجه الله يانازك يا بنت عبد الله الشرکسیة .

- ومن الآن أنت حرة .. ولیة أمرك كيف تشاءين بلا قيد ولا شرط ..
ياللا أبضم هنا يا سنقر .. وانتي كمان يانازك .

فوضع كل منها أصبعه في الحباره .. وبصما على وثيقة العتق .

- ألف مبروك يا بني .. ثوابك كبير عند الله لقد عتقتها .. والآن هي
حررة .

- قال سنقر بلهفة :

- والجواز يا مولانا .. أنا في عرضك اديناها حريتها .. اديني انا كمان
حريتها .. بالحلال فابتسم الشیخ :

- ياللا يا مبروك .. عاوزين صك بأه من بتوع الجواز .

- بسرعة يا مبروك .. ده انت جيبيت صك العتق في ثانية لأنك كنت
شایله في جيبيك .. ياللا عشان لما تجيئي الحمام ح أروقك .. الحقني
بصك الجواز .

أيام مصرية قديمة .. وعصرية أيضًا
وأحضر مبروك قسيمة الزواج .. وببدأ الشيخ تقي الدين في إتمام
إجراءات الزواج .

قول يا سنقر :

- زوجيني نفسك على سنة الإمام الشافعي وعلى الصداق المُسمى بيننا
وكرر سنقر ما قاله الشيخ .. وعاد الشيخ ليوجه كلامه لنازك .
- وانتي يا نازك قوليله زوجتك نفسى على سنة الإمام الشافعي وعلى
الصداق المُسمى بيننا .

وكررت نازك ما قاله الشيخ ثم التفت إليها وسألاها :

- قوليلي يا نازك .. الصداق كان إيه ؟ ولا الولد ده ما جابلكيش
حاجة ؟ !

- جابلي يا مولانا .. جابلي كل حاجة واداني أغلى مهر .. إداني حرتي .
- بس لازم برضه يدفع مهر هما بنات الناس لعبة .!. فالحين بس
تروحو تضيعوا فلوسكموا على الجواري ولما تتجوزوا تستخسروا في
زوجاتكم كل حاجة ؟! لا زواج بلا مهر .

فقالت نازك :

- لا يا مولانا جاب لي جوز الخلاخليل النحاس دول .

فقال الشيخ :

- وانتي راضية ؟

مانجو

قالت نازك :

- راضية قوي .

فابتسم الشيخ تقي الدين سنقر وقال له :

- مبروك يا سنقر .

* * *

خرج سنقر من عند الشيخ تقي الدين وهو في قمة السعادة .. شعر
أنه يملك الدنيا بها فيها .. تأبطة نازك ذراعه وكان شركس زيتونة
في انتظارهما وقد شعرا بالقلق لتأخرهما عند قاضي القضاة فبادره
شركس قائلاً :

- إتأخرتوا ده كله ليه يا سنقر .. أنا قولت المشكلة اتعقدت
وحبسوكوا .

- يحبسو مين يا اهيل .. أنا خلاص محدث في مصر كلها ح يقدر
يهوب ناحيتي .. اسمع ياد يا شركس .. إنت بتحب زيتونة؟!
- قوي يا سنقر .

- واللى في بطنها ده منك .

- أكيد يعني؟ أمال من مين؟!

- روح اعتقها وانجوزها يا غبي .

- هوه انت عملت كده؟

- أمال أنا خارج رافع راسي ليه يا طور؟!

— أيام مصرية قديمة .. وعصرية أيضًا

فقال شركس مسرعاً .. وبلهفة :

— همه لسه فاتحين جوه يا سنقر ؟ !

وجري وهو يجر زيتونة حتى كاد يسقطها .. وهو يهتف متوسلاً :

— يا شيخ تقي الدين .. يا مولانا .. أنا عاوز اتعق جارية واتجوزها ..
ده أنا اللي قايل لسنقر عليك .

* * *

عند الجيزة .. وعلى صفحة النيل السعيد .. جلست نازك وبجوارها
سنقر وقد التهبت مشاعرهما .. ممسكاً بيدها في براءة وحب جارف ..
وكان الشمس في الأفق تميل نحو الغروب .. وكأنها اطمأنت عليهما
قبل أن ترحل وقد اكتست صفحة النيل بلون وردي رائع عكس أشعته
على وجه نازك فصارت أكثر جمالاً وجاذبية .. تلك هي المنطقة التي
يذهب إليها العشاق في مصر يسمونها خلوة العاشق .. فالمصريون رغم
البلاء والقهر والظلم الفادح الذي يثقل كاهلهم يستطيعون دائمًا أن
يقتنعوا لأنفسهم مساحة خاصة .. وركنًا قصبيًا يهارسون فيه عواطفهم
ومشاورهم كأنه تراث تعاهدوا على أن يحافظوا عليه .. ما أقوى الحب
حقاً .. وكيف يستطيع أن يحيا في بلد لا تغادره رائحة الموت .

قالت نازك لسنقر .. وهي تمسح دموعها :

— تعرف يا سنقر .. أنا اتولدت النهارده بس .

بأجو

- بس بأه .. مش ناقصة عياط .. ما احبش أنا اللي يعيطوا وهم فرحانين .

- اللي انت عملته معايا ده يا سنقر .. أنا عمري ما حانساه طول عمري .. وح افضل طول عمري جاريتك وخدامتك .

- ما خلاص بأه .. جارية إيه ؟ إنتي مش بقىتي مراتي ؟ !

فنظرت نحوه نازك ببراءة .. وقالت له باسمة :

- أصلی مش مصدقة والله .. خايفة أكون بحلم .

- لا .. صدقى وركزى معايا .. إحنا متتجوزين رسمي وعنده قاضى القضاة شخصياً .. وأهم حاجة في الجواز إيه ؟ النكاح .. والزوجة التي لاتناكح زوجها تصبح ناشز .. ناشز .. عاوزه تباء ناشز يانازك ؟

فضحكت نازك ضحكة طويلة :

- بس مش معنى يعني إنك بأيتى زوجة تقلبيني وتكروتيني .. أنا عاوزك برضه تستفيدى من خبراتك اللي قبل كده كجاريه .. يعني عاوزك تدلعيني دلع محدث اتدلעה قبلى .. يعني بره البيت إنتي زوجة محترمة خمارك على وشك ومحدث يشوف طرف جلابيتك .. جوه البيت بأه واحنا مع بعض .. أنا عاوز صياعة وقلة أدب ماوردتتش على حد .. ما هو مش معقول أتجوز واحده زي القمر كده وكانت جاريه .. وابص بره .

أيام مصرية قديمة .. وعصيرية أيضا

انفجرت نازك في الضحك وهو أيضا ،
وفجأة اقترب منها أحد الباعة الجائلين .

- حطي الخمار .. حطي الخمار .

دخل الرجل مقتحماً عليهما خلوتها فوضعت نازك الخمار على وجهها .

- حاجة ساقعة .. حاجة ساقعة .. تأكل بطاطا يا معلم .. الست مش
عاوزه تأكل دره ولا حاجة .. دره مشوي أحلى من الحمام .

- نظر سنقر إلى الرجل في غيظ وقال له :

- إيه يا عم .. حمار داخل علينا .. مش فيه حرمه قاعده .

- نفعني يا معلم بأي حاجة .. والله ما حطيت في بقى الزاد من الصبح
فأخرج سنقر درهماً وأعطاه له .

- طيب امسك .. تاخد الدرهم ده وما اشوفش خلقتك تاني .. تغور
من هنا .

- ربنا يخليك يا معلم .

ومضى الرجل مبتعدا .. فنظر سنقر بعينيه مستعرضاً المكان .. كان
المكان خاليًا تماماً .. إلا من عاشق وعاشرة جالسين من بعيد .. جداً ..
فقال لنازك :

- ياللا بينا .. المنطقة اتزحمت قوي .. اتقلت بشر .. فين دي زمان لما
ماكانش فيها صريخ بن يومين .

بايجو

- هنا رفعت نازك حاجبيها متوعدة وصرخت فيه :
- هوه انت كنت بتيجي هنا زمان .. مع مين يا روح امك ؟!
- لوحدي يانازك .. لوحدي والله .. كنت باجي أتفرج وامشي ..
إنتي ح بتبتدى الغيرة ولا إيه ؟ ح تخلينا نندم إن إحنا عتقناكي .
ومضى كل منها وقد تأبطا ذراع بعضهما في حب دافق .

* * *

وصل سنقر ونازك إلى باب الحمام فوجدا شركس نائماً على الدكة التي بجوار الباب وزيتونة جالسة بجواره .. ما أن رأتهما حتى أيقظت شركس الذي قام من نومه .. وقال لسنقر معايباً :

- ده كلام يا سنقر برضه .. لما انت مش جاي ع الحمام .. مش كنت تدينني المفتاح .. تفضل لاطعنا كده انا ومراتي في الشارع .
- ومراتك ..!.. إنت عتقتها خلاص ؟!
- أمال إيه ؟ إنت فاكر انت بس اللي بتعتق .. ده أبويا النخاس لو عرف إني عملت كده ح يطب ساكت .
- وزيتونة مبسوطة .
- هي مش فارق معاها .. جارية شغال .. مراتي شغال .. هي أهم حاجة عندها الأكل .. ما جيبيتش معاك حاجة ناكلها يا سنقر ؟!
ودخلوا إلى الحمام جيئا وأغلقوا خلفهم الباب .

أيام مصرية قديمة .. وعصرية أيضًا

كان بانجو بانتظارهم .. ما أن رأى سنقر حتى استدار بجسده
ورأسه وكأنه لا يريد أن يكلمه .

فخطب سنقر على رأسه في ضيق :

- يااه .. ده احنا نسيناك يا بانجو .. ده ما أكلش من الصبح .. أنا
آسف يا بانجو .. أنا حمار .. أنا غلطان .

وجرى وأحضر التبن .. ولكن بانجو رفض أن يأكل وأشار برأسه
بعيداً عن صحن التبن .. وسنقر يعتذر له .. ويقبله :

- والنبي ما تزعل مني يا بانجو .. أنا عارف إني مقصري معاكاليومين
دول .. بس وحياتك بكرة من الصبح لاخدك المشوار بتاعنا ..
وأروقك .. كُل بأه .. كل عشان خاطري .

بدأ بانجو يأكل .

فقال شركس :

- سيهولي أنا يا سنقر .. أنا ح ادلعه وأكله واشبעה .. خشن انت
ونازك بأه .. خشن .

- أوعى تاكل أكله يا شركس .

- أنا حاكل تبن يا راجل انت .. ده بانجو ده حبيبي .
فأخذ سنقر نازك ودخل إلى حجرتها .

أما شركس فجلس تحت بانجو يؤكله بيده ويأكل معه .

- كُل بأه يا بانجو .. هم يا حمار . إلا قول لي يا بانجو .. هما ليه بيقولوا
هم يا جمل وما بيقولوش هم يا حمار !؟

ثم أخذ يأكل من صحن التبن مما أغاظ بانجو .

- أنا باكل معاك عشان افتح نفسك .

وتعالى صوت نازك وسنقر من الحجرة وقد بدا اللقاء ملتهباً
فاندھش شركس لما يسمع .

فقال للحمار بانجو مستفسراً :

- هو بيضرها ولا إيه ؟ نازك ما تستاهلش منه كده .. وبعدين هوه
مش عتقها .. طيب كان خلاها جارية بأه ما دام عاوز يضرها .. إيه
مالك بتبعن لي كده ليه يا بانجو .. هو أنا بقول حاجة غلط ؟!

وإذا بصوت زيتونة تنادي من الداخل :

- شركس .

- عاوزه إيه انتي روخره .

- تعالى .

- وبعدين بأه .. انتوا حصل لكوا إيه بعد ما عتقناكوا ولا انتوا
عاوزين تنضر بواكل لكوا الليلا دي !!!

* * *

الفصل العاشر

في قصر الأمير لاجين .. كان جالساً على مقعده الوثير .. وبجواره كان منكوتر واقفاً .. حين دخل عليه الحراس وهم يحملون الخربوطي النخاس ويتوسعونه ضرباً وركلاً .. ثم ألقوا به تحت قدمي منكوتر الذي استل سيفه ووضعه على رقبة الخربوطي .. فأخذ يصرخ في هلع :
- الأمان يا سمو الأمير .. الأمان .. أرجوك ما تقتلنيش .

فقال له الأمير منكوتر :

- أنت فالاد نخاس حقير .. لص .. يأخذ فلوس من الأمير لاجين وإسرقها .. أين الجارية يا نخاس الكلب .
- موجودة يا سمو الأمير .. أعدم ابني شركس موجودة .
- أنت نخاس كذاب .. ولازم ياخذ جزاء كذب .. نازك إنت بعنه فالاد حيوان .. إنت فاكر ان فيه شيء يحصل على أرض مصر منكوتر مش يعرفه فالاد ؟

ماجو

- أنا كنت بايها لوا حلاق معفن .. مش لاقي اللضا وروحت له
خلاص وخلصت معاه وح يرجعها ورجله فوق رقبته !

- يعني إنت رجعت نازك فالاد .

- رجعتها يا مولاي .. رجعتها .. ده حتى قعد يساومني أما عرف إني
عاوزها .. وطلب في العالي قوي .. مارضيش يرجعها بأقل من
3000 دينار .. واديتهمله .. صدقني يا مولاي .. صدقني .

كان منكوتر قد أعطى له ظهره وهو ينظر من التراس إلى الحديقة
حيث السباع والنمور تروح وتجيء .. ثم التفت إلى الخربوطلي وسدد
نحوه نظره جامدة قاسية الجمته وشلت لسانه .. فأخذ يبكي ويهذي
وقد اختلطت الحروف فلم يعد كلامه مفهوماً وأخذ جسده يرتعش ..
فقال له منكوتر :

- إنت يكذب مرة تاني فالاد نخاس !؟

فأقسم الخربوطلي قائلاً :

- والله العظيم ثلاثة دي الحقيقة يا مولاي .. دي الحقيقة .. نازك
اعتبرها تحت رجليك .. إديني ساعة زمن أروح اجيها وأجي .
- وأنا أصدقك يا نخاس .

فقال النخاس باكيًا :

- ربنا يخليك يا مولاي .. أنا عبدك ومحسوبك .

فقال له منكوتر بهدوء :

- الآن تقدر تصرف .. اخرج .

فقام النخاس مهرولاً وقد تنفس الصعداء وجرى نحو الباب ..
وحاول أن يفتحه فوجده مغلقاً .. جرى إلى الباب الآخر فوجده مغلقاً
أيضاً .. وقف حائراً لا يدرى ماذا يفعل .. وبدا كفار وقع في مصيدة

ووقف منكوتر يصرخ فيه :

- إنت ليه مش أخرج فالاد حيوان .. ليه مش نفذ الأمر .

- الأبواب كلها مقفلة يا مولاي .

فأشار منكوتر إلى باب التراس :

- باب هذا مفتوح .. أخرج من هنا فالاد .

نظر النخاس إلى السباع الضارية والوحوش التي تروح وتحبيء
خلف التراس وصرخ في هلع وارتمى عند قدمي منكوتر :

- أبوس رجلك يا مولاي .. أبوس رجلك .

فأمسك به منكوتر .. ثم فتح الباب ودفعه خارجاً بينما وثبت
السباع والنمور مسرعة راكضة في وحشية نحو النخاس الذي ظل
صراخه يعلو ويعلو حتى انقطع تماماً وساد القاعة هدوء قاتل .. قطعه
صوت لاجين مخاطباً منكوتر وهو يشاهد النخاس والوحوش تقطع
في لحمه وعظامه :

- أنت مدین باعتذار يا منكوتر .

بانجو

- أعرف يا سمو الأمير .. أنا الذي أشرت عليك بهذه الجارية ولكنها ستكون عندك في المساء .

- لا .. أنا لا أقصد ذلك .. أنت مدین باعتذار ولكن ليس لي .

- من إذن يا سمو الأمير ؟!

- للسباع والنمور .. لأنك قدمت لها هذا الطعام النتن .. ما أبشره من فطور .. هكذا على الريق تقدم لها هذه الجيفة ؟!

فضحلك منكوتر .. وقال وهو ينظر نحو الوحش :

- معك حق يا مولاي .. انظر .. ما أن تذوقت لحمه حتى عافت نفسها من أكله .. إنهم يتركونه بعد أن قطعوه .. لا لا .. ما هذا .. تعالى يا أمير وانظر .. إن الأسد يتقيا .. ها ها .. ها ها .

* * *

كان سنقر وحماره ذاهبين إلى حيث أشجار البانجو .. وكان قد ظلا لفترة لم يذهبا إلى هناك .. قال له سنقر وهو راكب فوقه :

- عشان تعرف غلاؤتك عندي يا عم بانجو .. أسيب نازك يوم الصباحية واطلع معاك المشوار ده .. أنا عارف الكيف وحش ما أنا مغرب .. بس أنا خلاص .. مش ح اشرب النهاردة دخان .. أنا كنت باشرب عشان كنت عاوز أحلم .. عاوز أعمل خيال .. إنها دلوقت أنا عايش فيه .. أول مرة اعرف يعني إيه السعادة يا بانجو .

ايم مصرية قديمة .. وعصرية ايضا

نفسي انت كمان تشف لك حارة كده وتتلع عليها وتحس باللي انا
حساس بيـه .. أنا .. أنا كان فيه موضوع كده يا بانجو عاوز أفاتحـك فيـه
بس متـردد .. أنا نفسي تـبطل .. والله أنا من ساعـة ما بـطلـت وأـنا
حساس كـده إنـ الـدـنيـا حلـوه وـنـفـسي مـفـتوـحة .

وخرج سـنـقـرـ وـبـانـجـوـ منـ منـطـقـةـ العـمـارـ .. وـسـارـاـ فـيـ الصـحـراءـ وـقدـ
بـدـتـ أـشـجـارـ الـبـانـجـوـ مـنـ بـعـيدـ .. فـنـظـرـ نـحـوـهـاـ سـنـقـرـ .. وـقـالـ لـبـانـجـوـ :
- الله يخرب عـقـلـكـ يـاـ بـانـجـوـ .. حـ تـرـجـعـنـاـ تـانـيـ لـلـشـقاـوةـ .. مـاـ كـنـاـ بـطـلـنـاـ ..
بسـ اـسـمـعـ .. أـنـاحـ اـشـرـبـ مـعـاـكـ المـرـةـ دـيـ بـسـ .. حـجـرـينـ كـدـهـ عـلـىـ
خـفـيفـ .. عـشـانـ مـاـ تـضـرـبـشـ لـوـحـدـكـ .

وـماـ أـنـ دـخـلـاـ إـلـىـ مـنـطـقـةـ الـأـشـجـارـ حـتـىـ وـجـدـاـ الـمـكـانـ غـاصـصـاـ بـالـبـشـرـ ..
وـقـدـ جـلـسـواـ يـدـخـنـونـ فـيـ شـرـاهـةـ .

انـدـهـشـ سـنـقـرـ وـقـالـ لـبـانـجـوـ :

- بـسـ .. الـمـكـانـ اـتـهـرـشـ .. مـصـرـ كـلـهاـ جـاـيـهـ تـعـمـلـ دـمـاغـ يـاـ عـمـ .. أـقـعـدـ
بـأـهـ أـمـاـ نـلـحـقـ لـنـاـ نـفـسـ .

وـأـخـذـ بـانـجـوـ يـاـكـلـ الـخـشـائـشـ بـشـرـاهـةـ .. أـمـاـ سـنـقـرـ فـقـدـ بـدـأـ فـيـ رـصـ
الـحـجـرـ فـوـقـ الـجـوـزـةـ .. وـأـخـذـ يـشـدـ الدـخـانـ باـسـتـمـتـاعـ .. فـهـاـلـ عـلـيـهـ أـحـدـ
الـجـالـسـيـنـ بـجـوارـهـ وـقـالـ لـهـ :

- مـسـاءـ الـخـيـسـيـرـ .

بانجو

نظر بانجو نحوه في ضيق وقال في زهر :

- مساء الخير يا عم .. فيه حاجة ؟ ده حجر بنضربه وماشين ..
ح تبعض لي فيه .. ما قدامك جنينة حشيش أهيه .. روح أقلع لك
شجرة واحرقها بعيد عنى .. الله يحرقكوا يا شيخ زحمتوا البلد .

في بطء شديد وتألق .. كان سنقر عائداً هو وبانجو وقد شربا من
المخدر ما لم يشرباه من قبل .. كان سنقر يعني في سعادة ويرقص على
ظهر بانجو ولم يعد يعنيه حلقة المارة فيه وصياحهم له :

- يا سنقر .. يا سنقر .

- بس ياد انت وهو .. أنا مش عاوز اكلم حد يا معفين يا جربانين ..
انتوا إيش تكونوا عشان تتكلموا مع سنقر .

ثم ظل يعني :

أنا باكره النخاس ويارب يقتل
ويأخذ بالمدارس ويخش المعطل
وإيه وإيه .

- حلوه الغنة دي يا بانجو ! عجبتك !

- أنا سامعها من مغنواتي السنة اللي فاتت في المولد .. اسمه شعبان ابن
عبد الخليل المرة الجاية ح اخدك تسمعه .. ده انت ح تحبه قوي ..
عشان هوه كمان بيحبك .. ده بي يعني للحمير .. تحب تسمع .

وظـل يـغـنـي :

أنا بـحـبـ الحـمـار ... بـجـدـ مشـ هـزار

هـكـذـا إـلـى أـنـ وـصـلـاـ أـمـامـ الحـمـارـ وـالـمـارـةـ يـتـدـافـعـونـ خـلـفـهـ .. يـحـاـولـونـ
أـنـ يـكـلـمـوـهـ بـلـاـ جـدـوـيـ .

فـوـجـدـ زـحـامـاـ شـدـيـداـ أـمـامـ بـابـ الحـمـارـ وـشـرـكـسـ يـلـطـمـ وـيـبـكـيـ وـقـدـ
سـالـ الدـمـ مـنـ فـمـهـ .

وـزـيـتوـنـةـ مـلـقاـةـ عـلـىـ الـأـرـضـ .. تـلـتـقـطـ أـنـفـاسـهاـ بـصـعـوبـةـ وـبـطـنـهاـ
مـنـتـفـخـةـ .. فـنـزـلـ سـنـقـرـ مـنـ عـلـىـ الـحـمـارـ وـجـرـىـ نـحـوـهـماـ .

- إـيـهـ الـلـيـ حـصـلـ يـادـ يـاـ شـرـكـسـ ؟

فـقـالـ شـرـكـسـ باـكـيـاـ :

- خـطـفـواـ نـازـكـ .. وـضـرـبـوـنـيـ أـنـاـ وـزـيـتوـنـةـ .

فـصـرـخـ سـنـقـرـ فـيـ هـلـعـ ..

- خـطـفـواـ نـازـكـ ؟ ! مـينـ الـلـيـ خـطـفـهـ ؟ ! إـنـطـقـ .. إـتـكـلـمـ .

فـقـالـ شـرـكـسـ :

- مـالـيـكـ الـأـمـيرـ مـنـكـوـتـمـ .

شـعـرـ سـنـقـرـ أـنـ الـأـرـضـ تـمـيـدـ بـهـ وـأـنـهـ سـيـسـقـطـ .. زـالـ كـلـ أـثـرـ لـلـدـخـانـ
المـخـدـرـ الـذـيـ ظـلـ يـشـرـبـ طـوـلـ الـيـوـمـ وـجـرـىـ كـالـمـجـنـونـ فـيـ الشـارـعـ وـهـوـ

يـصـرـخـ :

بأنجو

- يا شيخ تقي الدين .. الحقني .. إنجدني .. يا مسلمين .. يا شيخ تقي الدين .. يا قاضي القضاة .

* * *

ملفوقة في ملاءة .. طرحوها أرضا تحت قدمي الأمير لاجين .. ثم فكوا الملاءة .. ليراها أمامه .. نازك .. رائعة الحُسْن كلها أنوثة وإثارة وجاذبية ..

معجبًا نظر نحوها الأمير لاجين .. وعدل شاربه .. ليمسح ما نزل من ريقه وبلغ ريقه وقال مأخوذا :
- سبحان الله .. ما هذا الجمال ؟

ابتسم منكوتر في ثقة وقال للأمير :

- اعترف لي يا مولاي أنني أعرف جيداً ما الذي تحبه .

قال لاجين ولا يزال نظره معلقاً بنازك :

- كل يوم يزيد تقديرني وثقتي بك يا أمير منكوتر .

نظرت نازك نحوهما في رعب وهي تغطي ما بدا من مفاتنها .

فقال لها منكوتر بغلظة :

- ماذا تفعلين يا جارية ؟ ! دعي الأمير يرى ما يسره .

قالت نازك بإباء :

- أنا مش جاريه .. أنا حُرّه .

أيام مصرية قديمة .. وعصيره أيضًا

فصفعها منكوتر على وجهها .. فأوقفه الأمير لاجين :

- لا .. لا تضر بها يا أمير .

ثم سألهما بود :

- هل تعرفين من أنا يا نازك !؟

- أنت الأمير حسام الدين لاجين .

- وإذا كنت أريدك .

- تريدين .. وأنا زوجة راجل تاني .

فنظر لاجين إلى منكوتر وقال :

- زوجة .. زوجة من ؟

فقال باستهانة :

- زوجة حلاق .. خارسيس فلاخ اسمه سنقر .

فقال لها لاجين :

- وحتى لو كنت زوجة لهذا الحلاق .. أنت تعلمين أنه لو عرف أنني

أريدك .. لأتى بك هو بنفسه وقدمك لي عن طيب خاطر .

قالت نازك :

- لا يا سيدي .. أنا جوزي بيحبني ولا يمكن ح يقبل ان أي حد في

الدنيا يلمستني .. ومش ح يسكت .

فضحك لاجين ضحكة كبيرة وقال ساخراً :

- آه .. ها ها .. إذا نحن في خطر أمير منكوتر .. سنقر حلاق مش ح يسكت .. بلغ الجنود أن يكونوا على أهبة الاستعداد .. ودقوا الطبول في القلعة .. ها ها .. سنقر قادم .

وبينما كان لاجين ومنكوتر يضحكان دخل أحد الجنود وحياما التحية العسكرية وقال :

- رسول يا سيدي .. يريد أن يكلم مولاي الأمير .

قال منكوتر :

- ماذا يريد !؟

قال الجندي :

- قال إنها رسالة سرية يجب أن يبلغها له بنفسه .

قال لاجين :

- دعه يدخل .

دخل مبروك .. الذي يعمل عند الشيخ تقى الدين قاضي القضاة ..
وانحنى للأميرين .. ثم قال :

- سيدي الشيخ تقى الدين بن بنت الأعز يريد مولاي الأمير أن يذهب إليه الآن في مسألة مهمة وعاجلة .

أيام مصرية فربت .. وعصرية أيضًا

قال منكوتر غاضبًا :

- ولماذا لم يأت هو إلينا ؟ !

فصرخ لا جين بحزن وشدة :

- ماذا تقول يا منكوتر ؟ هل جنتت .. إنه مولانا فضيلة الشيخ قاضي
القضاة وشيخ الإسلام .. قُل له .. إن الأمير قادم وإنني أقبل يديه .

وخرج مبروك في ثقة وشمم وكبراء .. وهو يحدج منكوتر بنظره ..

فغضب منكوتر وعاتب لا جين قائلاً :

- لا يا مولاي الأمير .. أنت تقلل من شأنك أمام هؤلاء . من قاضي
القضاة هذا حتى يأمرك بالمجيء ؟ !

- اسكت يا منكوتر .. اسكت .. تستطيع في هذا البلد أن تواجه
السلطان نفسه .. إلا رجال الدين .. فأنت إن عصيتم فقد عصيت
الله وقلبت عليك العامة والسوقة والغواغء فأهدرت دمك .

* * *

كان سنقر جالساً أمام الشيخ تقي الدين قاضي القضاة وهو في قمة
الثورة .. ولا يزال الشيخ يلاطفه ويهدئه :

- اصبر يا سنقر .. صبرك بالله يابني .

باينو

- دول خطفوها الكفرة قللاة الدين .. حد عارف بيعملوا فيها إيه دلوقت ؟ !

- ما تخافش يا سنقر .. ربك - سبحانه وتعالى - اللي أوحالك انك تعتقدها وتتجاوزها على سنة الله ورسوله هو اللي ح يحميها ولو كانت في بق السبع استهدا بالله كده .. وكله ح يتحل إن شاء الله .

كان صوت الشيخ تقي الدين وابتسامته الودودة يبعث الطمأنينة داخل أي إنسان .. ولكن سنقر لم يكن ليهدأ بأي حال من الأحوال .
وفجأة دخل الأمير حسام الدين لاجين وحوله الحرس إلى مجلس قاضي القضاة فتهلل الشيخ تقي الدين وبشيء له :
- أهلا يا أمير لاجين .. أهلا وسهلا .

- يا مبروك .. خد الفرسان وأقعدوا بره .. واعمل لهم ما يريدون من المشروبات .

فشعر لاجين أن الشيخ تقي الدين يريدته بدون الحرس .. فنظر لهم نظرة تعني أن يتظروا بالخارج .. وجلس وقال له :

- أؤمر يا مولانا الشيخ .. لقد أرسلت في طلبي ولم أتأخر .

- طول عمرك كريم وشهادهم يا أمير لاجين .. ولذا يخلصك الله دائمًا من أعقد الشدائـد ويكتب لك الخير والسلامة .. أدام الله عزك .. وأعطاك ما تمني بمشيئته بإذن الله - تعالى -

_____ ايم مصرية قديمة .. وعصرية ايضا
نظر لا جين إلى سنقر .. وقد أدرك على الفور سبب استدعاء الشيخ
له .. وفهم الشيخ بحذكته أن الأمر صار واضحاً جلياً .. فدخل في
الموضوع بسرعة .. مشيراً إلى سنقر :

- هذا الشاب المسكين يا أمير لا يملك من متاع الدنيا شيئاً كانت
عنه جارية أعتقها وتزوجها وأشهر عليها هنا في دار القضاء
فصارت حلاله شرعاً .. ولما عاد اليوم إلى بيته علم أن الأمير
منكومر قد نزل بجندوه إلى بيته .. وخطف زوجته .. وهذا ما
لا يرضاه الحق .. سبحانه وتعالى .. وما لا يرضي الله لا يرضي
الأمير .. أليس كذلك !؟

- لم يكن الأمر كذلك يا فضيلة القاضي .. فالجارية أنا اشتريتها من
النخاس ودفعت فيها ألفي دينار .. ولما تأخر .. علم منكومر أنه
أخفاها عند هذا الحلاق ليعود ويساوم من جديد .

فتنهد الشيخ قائلاً :

- بئس النخاسون وطبعهم .

- ولكن الأوراق الرسمية التي أمامي .. تجعل من هذه المرأة حلالاً
وحقاً لهذا الشاب ولذا فانا أرى أن تعيدها إليه معززة مكرمة
ويكون لنا مع النخاس شأن آخر .. ونجبره على أن يرد لك ما أخذ
منك من أموال .

بانيو

ارتبك لاجين وشعر أنه في مأزق وأن الشيخ قد أطبق الخناق عليه
وانطلق الشيخ في حديثه بقوة وقد امتلك الموقف تماماً :

- ولتعلم يا أمير أن الحلال بين والحرام بين .. وجود زوجة هذا
الشاب في قصرك الآن هو ذنب كبير .. أرجو من الله - سبحانه
وتعالى - أن يغفره لك .

قال لاجين مستنكراً :

- ولكن يا فضيلة الشيخ !؟

فقطاعه الشيخ قائلاً بحسم :

- إن طريق المغفرة سهل و قريب .. تستطيع أن ترسل أحد رجالك
الذين أتوا معك .. ويحضروا زوجة هذا الشاب .. فتعيدها له
معززة مكرمة .. والتائب من الذنب كمن لا ذنب له .

لم يعد أمام لاجين أي فرصة للخلاص .

كان الشيخ تقي الدين قد أغلق عليه كل المخارج ولم يعد أمامه
سوى أن يعيد نازك فرضخ على مضض .. وقال :

- الرأي رأيك يا فضيلة الإمام .. وحكمك نافذ .

- أستغفر الله يا أمير .. إنه حكم الله .

* * *

الفصل الحادي عشر

على الطلبة جلس الأربعة سنقر ونازك وشركس وزيتونة يتناولان الطعام .. وخلفهم كان بانجو يأكل طعامه هو الآخر .. كانوا يضحكون في سعادة وقد شعرو بالانتصار .

قال شركس :

- وبعدين يا سنقر .. بعد ما وقفت قدام الأمير لاجين وزعقت له عمل إيه ؟!

قال سنقر :

- ح يعمل إيه يعني ؟ قعد يعتذر لي ويبوس على راسي .. ويقوللي أنا آسف يا سنقر .. ما كتتش أعرف أنها مراتك .

قال شركس (سعيداً) :

- الله .. الله ..

وعا : سنقر ليكمل حكايته بحماس :

- قلت له اسمع .. تبعت حد من الرجال الطوال اهبل اللي زي قلتهم دول اللي جاين معاك يجيب نازك معزة مكرمة لحد عندي .

بائچو

صفق شرکس سعیدا:

- والله العظيم انت بطل يا سنقر .

- ما هو انا اسكت إنما لما بيفيض بيما ما باشوفش قدامي .

قال شرکس مؤکدا:

- انت ح تقول لي .. ما انا عارفك .

و شرد سنقر كأنه تذكر شيئاً :

- هوه أنا حكیت لکوا مازغدته فی کتفه ؟

قال شرکس بحیانس :

- لاً .. هوه انت زغدته في كتفه .. انت ما قولتلناش ع الحلة دي .

قال سنقر :

- لا .. زغدته في كتفه وأنا بازعق له .. كان واقف قدامي زيـك كـده
يا شركـس .. قـلت له لازم تعرف أنت بتكلـم مـين ؟ ! إذا كنت انت
أمير أنا أو سطـي حلاق .. واوـعى تفتـكر إن السـيف اللي في جـنبـك دـه
حـيـهـتـني .. أنا كـمان المـوس في جـيـبي وـمسـنـون .

أخذت نازك وزيونة يضحكان :

- هما يضحكوا ليه؟

قال شرکس :

- عشان مش عارفين قيمة الرجال اللي أنيينهم وحامينهم .

أيام مصرية فديت .. وعصرية أيضًا

فقال له سنقر :

- حاميين مين ؟ ده الأمير منكوتر جم رجالته روقوك قدام مراتك ما عرفتش تقول بم .

قال شركس مستنكراً :

- لا .. ما تقولش كده يا سنقر .. هوه أنا ما حكتلكوش أنا عملت إيه مع الأمير منكوتر !

قال سنقر في غيظ :

- وله .. مش ناقصين فشر .. كل وانت ساكت .

* * *

كان منكوتر يروح ويجيء كالأسد الهائج ولاجين جالساً يفكر وقد بدا شارداً قال له منكوتر :

- عذرًا يا أمير .. أنا لم أكن موافقاً منذ البداية على ذهابك إلى هذا الشيخ .. إنها فضيحة .. صعلوك من العامة يأخذ جارية من أمير .. هل ذهبت هييتنا وانحط قدرنا إلى هذه الدرجة .

- أنا لا أفكر في الهيبة يا منكوتر .. أنا لا يشغلني سوى أمر واحد .
- وما هو يا أمير .

- نازك .. لا أنكر أنني تعلقت بها منذ اللحظة التي رأيتها فيها .. الشيء الغريب .. أنني بعد ما حدث تعلقت بها أكثر .. إن بها سرًا عجيباً .

٢٤٩

- العجيب هو أمرك يا سمو الأمير .. أتعلق بها ثم تركها لهذا الصعلوك من أجل إرضاء هذا الشيخ الهرم ؟ !

- حتى لا أخالف الشرع يا منكوتر .. هي زوجة .

- وماذا لو كانت أرملة ؟ ! أعتقد أن الشرع يبيح الزواج من الأرامل .

نظر لاجين إلى منكوتر .. وقد أعجبته الفكرة .. وفجأة سمع أصوات صليل سيف وخييل ترکض .. كانت معركة طاحنة تدور بالخارج وحريق هائل .. ودخل أحد رجال الحرس مذعوراً :

- سيدى الأمير .. المالك الأشرفية يحيطون بالقصر وقد تعاركوا مع الحراس وأحرقوا بوابة القصر .

قال لاجين :

- إنهم يريدون رأسى يا منكوتر .

قال منكوتر بشقة وقد استل سيفه :

- أهلاً بهم .. لقد أتوا إلى حتفهم .

وقام لاجين هو الآخر وشهر سيفه .

وخرجا من القاعة .

* * *

أيام مصرية قديمة .. وعصيرية أيضًا

أمام قصر لاجين قامت معركة هائلة بين ماليك لاجين وماليك السلطان الأشرف خليل .. كان الماليك يريدون الانتقام من لاجين ليأخذوا بثأر أستاذهم الملك الأشرف الذي قتله لاجين مع بيدرا واستطاع كتبغا أن يستصدر له أمراً بالعفو مما ضايقهم كثيراً .. فوثبوا عليه يريدون قتله .. ولكن ماليك لاجين تصدوا لهم .. وعلم كتبغا بالأمر فأرسل الماليك السلطانية وانضمت إلى لاجين حتى قتلوا من الماليك الأشرفية عدداً كبيراً وقبض على الباقين .

وقام كتبغا في الصباح بقطع أيدي بعضهم وأرجلهم وقطع ألسنة الآخرين وصلب جماعة منهم على باب زويلة وعاشت مصر ليلة سوداء مات فيها عدد كبير من العوام وأصبح الصباح ومئات الجثث ملقاة في الطريق .. وأغلقت الحوانين وعم الخوف والرعب في القاهرة .
واجتمع الأمير كتبغا في الصباح بالأمراء والقضاة وحضر الشيخ تقي الدين إلى قاعة السلطنة .

قال كتبغا :

- يا أمراء مصر .. ويَا أُولى الأمر قضاها وأهل العلم فيها إن الماليك الأشرفية عاثوا فساداً في الأرض .. وخربوا الديار وظلموا العباد وكان يجب أن تتصدى لهم ونكسر شوكتهم .. وهم الذين بدأوا بالعدوان والبادي أظلم .

قال لاجين :

- فليسمح لي نائب السلطنة أن أتكلم .

فأعطاه كتبغا الإذن بالكلام :

- إن هؤلاء الأشرفية ستظل شوكتهم قائمة ما دام الملك ناصر محمد بن قلاوون في الملك .. والملك الناصر .. طفل صغير والأمور لابد لها من رجل كامل تخافه الجندي والرعية وتقف عند أوامره ونواهيه .

فثارت ضجة بين الأمراء لكلام لاجين .. الذي نظر نحو كتبغا .. وكأنه يشير له أنه المقصود بأن يتسلط بدلاً من الناصر محمد .

فقال كتبغا :

- نحن لا نريدها فتنة .. إنها نريد أن ننسى أنفسنا وأطهاعنا ولا نفكر إلا في مصلحة مصر .

من سخرية القدر أن كتبغا الذي يتكلم عن مصلحة مصر هو الذي أتاها غازياً مع هولاكو زعيم التتار .. ابتسם الشيخ تقى الدين حينما تذكر ذلك .. ولحظة كتبغا ابتسامته بفراسته .. فهتف به :

- إن مولانا فضيلة شيخ الإسلام تقى الدين هو الأولى بأن نسمعه .. حتى يبارك لنا الله - تعالى - فيها ستتخذه من قرار .

— أيام مصرية فريدة .. وعصرية أيضاً

صمت الجميع .. وتعلقت الأنوار بالشيخ تقي الدين .. الذي قال :

- أما أن يكون الحاكم بالغاً عاقلاً رشيداً فهو أمر واجب وإذا كان السلطان الناصر محمد بن قلاوون .. يملك ولا يحكم فهذا ما لا يقبله الشرع ولا الدين .. الأهم من كل هذا من الذي يحكم .. وكيف يحكم .. إن الحاكم الذي نريده لابد أن يرعى مصالح الشعب .. يشعر بالفقير قبل الأمير .. يتقي الله فيما يفعل .. ويعلم أن الحكم اختبار وابتلاء وليس نعمة ولا مكافأة .. فالحاكم الظالم سيكون أول من يسأل عما فعله بالعباد من الظلم والقهر يوم القيمة .. ولذا نريده حاكماً عادلاً وافقاً بجوار الحق .

هنا انتهز لاجين الفرصة وهتف وخلفه الأمراء :

- يحيى السلطان العادل زين الدين كتبوا .

- يحيى السلطان العادل زين الدين كتبوا .

ابتسם الشيخ تقي الدين ابتسامة ساخرة .

والتف الأمراء حول كتبوا يقبلون يده والأرض تحت قدميه فقام الشيخ تقي الدين ووضع يده على كتف كتبوا .. وقال له :

إن كنت أنت قدرنا فليعيتنا الله عليك .. وإن كُنا نحن قدرك فليعيينك الله علينا .

* * *

بأنجو

جلس كتبغا على عرش السلطنة حينما دخل عليه الأمير حسام الدين لاجين .. وقبل يديه ثم قبل الأرض بين قدميه .. وقال له :

- أنا لا أستطيع أن أعبر عن فرط سعادتي يا مولاي السلطان أن مصر بكم تبدأ عهداً جديداً.

قال كتبغا باسماً :

- وأنت نائب السلطنة يا أمير لاجين .

- هذه ثقة كبيرة لا أستحقها يا مولاي السلطان .. وأتمنى أن أظل للأبد خادمك المطيع .

- مالك يا أمير لاجين .. أشعر أن بصدرك همّا ! فهل تهم بعد أن صرت نائب السلطنة ؟!

قال لاجين محاولاً الابتسام :

- لا شيء يا مولاي السلطان .. فهذه الحياة تعطي ما تريد لمن تريد وتحرم منا أشياء نريدها لتظل دائمًا منقوصة .

- اطلب ما تشاء يا لاجين .

- لا شيء يا مولاي .. المسألة تافهة .. ولكن أحياناً يتعلق الإنسان بهذه التفاهات فتفقده سعادته بالأشياء العظيمة .. إنها .. جارية من الجواري .. لا أستطيع أن أملكها .

أيام مصرية قديمة .. وعصيره أيضًا

فضحك كتبغا ضحكة طويلة :

- جارية !! . وما المشكلة .. هي هديتي لك .
- المشكلة يا مولاي .. أنها ليست جارية .
- كيف هذا ؟! جارية وليس جارية ؟!
- لقد غمرتني بعطفك يا مولاي السلطان ولا أحب أن أزعجك بهذا الأمر الصغير .. فالمسألة معقدة والشيخ تقى الدين طرف فيها .

قال كتبغا :

- إذا قال السلطان هي لك .. فهي لك منها كانت العقبات .. قل لي يا لا جين .. ما القصة بالظبط ؟!

* * *

كان سنقر ونازك وشركس وزيتونة قد أغلقوا على أنفسهم بباب الحمام بعد ما حدث من معركة الملك الأشرفية .. واحتلال الأمن في القاهرة فتعطلت الأسواق ووقع الغلاء والفناء بالديار المصرية .. وانتشر الوباء وعظم في مصر وتزايد حتى كان يموت فيها كل يوم ألف ويقى الميت مطروحاً في الأزقة والشوارع ولا يوجد من يدفنه .. وأكل الناس من شدة الجوع الميتات والكلاب والقطط والحمير .. وأكل بعضهم لحم بعض .

كانت زيتونة راقدة وقد انتفخت بطنها وقد انهر العرق على وجهها وقد بدا على وجهها الشحوب ونازك تضع لها الفوطة الباردة على رأسها لتقلل من درجة حرارتها المرتفعة وسنقر واقف وهو في قمة الضيق .. وقد بدا على الجميع الشحوب والهزال من قلة الطعام .

قالت نازك :

- زيتونة تعانة قوي يا سنقر .

- وشركس راح فين ؟

- راح يشوف لها أي حاجة تأكلها بقاها أسبوع ما داقتش الزاد .

- ح يشوف فين .. البلد كلها مقلفة .. إيه اللي خرجه ده .. الطاعون خلص على الناس كلها .. أنا مش قايل ماحدش يخرج .

وإذا بطرق شديد على الباب وصوت شركس :

- الحقني يا سنقر .. افتح يا سنقر .

فجرى سنقر وفتح الباب ليجد شركس حاملاً في يده إناء به طعام .. وخلفه العامة يحاولون أخذة منه وقد كادوا يفتكونا به .. فانهال سنقر عليهم بعصاه حتى أبعدهم بينما دخل شركس مسرعاً وتعاونا على غلق البوابة ليمنعوا العامة من الدخول .. ثم استلقيا على الأرض وهما يلتقطان أنفاسهما .. وقد قام شركس وهو يؤكل زيتونة مما في الإناء ..

ايم مصرية قدمة .. وعصيره ايضا

فصرخ فيه سنقر :

- انت خرجمت روحت فين ياله ؟!

- روحت أشوف لها أي حاجة تناكل .. ح اسيبها كده يعني ؟! مش عشانني يا سنقر .. عشان اللي في بطنه ده (ثم أشار إلى زيتونة بحنان وهو يقدم لها الطبق) .

- كُلّي يا زيتونة .

- وإيه اللي انت جاييه ده ؟

- دي قطة بلدي .

- قطة ؟!!.

- بقالي ثلاث ساعات باجري وراها .. لحد ما مسكتها ودبحتها وسلختها أول ما الناس شموا ريحتها كانوا ح يأكلونني .. الناس كلت بعضها بره يا سنقر .. الكلب وصل عشرين دينار ده لو لقيته .. الحمار في الوكالة وصل ميت دينار .. الناس ح تعمل إيه ؟! أكلوا الكلاب والبغال والحمير ..

تحرك بانجو مبتعداً في خوف حينها سمع ما قاله شركس من أكل الناس للحمير ..

وقال شركس :

- خلاص يا سنقر البلد ما باش فيها ولا حمار .. كله اناكل إحنا خلاص ما بالناس قعاد في البلد دي .. أنا حاخد زيتونة وأسافر .. أهـج .

ماخثة

قال سنقر :

- تسافر فين ياخويا ..

- ح أروح الحبشه .. أهلها هناك برضه مش ح يسيبونا .

- حبشه إيه دول ياكلوا البنـي آدمين هناك ..

- هما برضه مش ح يرضيهم ياكلوا جوز بتهم .. الجماعة الحبس دول
أنا معاشرهم ناس حنinin قوي ما ياكلوش إلا الغرب إنما إحنا
هنا .. الأخ بيأكل أخوه والابن بيأكل أبوه .. الناس انتزعت من
قلوبها الرحمة .. أنا لما خرجت امبارح روحـت عند كرجـي ابن
عمتي .. عزمـوني على العشا .. قعدـت أكلـت معـاهـم .. وبعد ما
شرـبـنا الشـاي وغـسلـنا إـيدـينا وحدـنـا رـبـنا .. عـرفـتـ انـ الليـ إحـناـ كـناـ
بنـاكـلهـ دـهـ كانـ كـرجـيـ ابنـ عـمـتيـ .

- وكان طعمـهـ حـلوـ ياـ شـركـسـ ؟ـ !ـ

- قـويـ ياـ سنـقرـ أـصـلـ أناـ بـحـبـ كـرجـيـ طـولـ عمرـيـ ..ـ والـواـحدـ يـقـولـ
الـصـراـحةـ ..ـ حتـىـ بـعـدـ مـاـ مـاتـ لـحـمـ كـتـافـيـ منـ خـيرـهـ .

شعرـتـ نـازـكـ بـدـوارـ فـكـادـتـ تـسـقـطـ جـرـىـ عـلـيـهاـ سنـقرـ وـسـنـدـهاـ ..

وـقـدـ بـدـاـ عـلـيـهاـ الإـعـيـاءـ وـالـشـحـوبـ :

- نـازـكـ ..ـ مـالـكـ ياـ نـازـكـ ؟ـ !ـ

- أناـ حـاسـهـ إـنـيـ حـ أـمـوتـ ياـ سنـقرـ .

أيام مصرية فديت .. وعصيرت ايها

- أصبرى يا نازك .. أنا حاصل أجيبي لك أكل من أي حاجة .
- وقف سنقر في حيرة أمام الباب لا يعرف ماذا يفعل .. ومن أين يأتي بالطعام لنازك في ذلك الوقت العصيب فقال له شركس :
- طيب ما هو بانجو موجود يا سنقر .. على الأقل متربى هنا وعارفين بيأكل إيه .

فنظر له سنقر نظرة غاضبة .. فشعر شركس بالذنب واستدرك مبرراً :

- يعني هو بانجو أغلى عندك من نازك !؟
- وفجأة طرق الباب .. فتوقف الجميع وقد ملأهم الرعب .. وقد ظنوا أن العامة قد أتوا ليقتحموا عليهم الحمام مرة ثانية .. وسمعوا من على الباب وهو يطرق الباب بعنف ويقول :
- افتح فالاد سنقر إحنا حرس سلطان معظم .

فتح سنقر الباب فوجد أمامه حرس السلطان راكبين على خيولهم
وفي أيديهم الطعام يأكلونه بنهم .

- تعالى معانا فالاد عشان سلطان معظم عاوز يشوفك .

فقال سنقر :

- يبأى أكيد عاوز يحلق .. أنا خدامه .. بس .. أنا ..

ماخو

ونظر إلى الطعام الذي في يد الفارس وقد بلع ريقه .

- ممكن لقمة صغيرة من اللي في إيدك دي .. مراتي ح تموت من الجوع.

أعطى له الفارس ما في يده من طعام فأعطاه سنقر لنازك .. التي

قالت له :

- لاً .. كلها انت يا سنقر .. إنت رايح شغل عشان تقدر تكمل .

- فمد سنقر يده بالطعام نحو فم نازك وقال لها بحب جارف :

- يا شيخة كلي بأه .. ده رزقك وجاي لك .. كلي انتي أنا رايح قصر السلطان .. يعني أكيد ح أعتر في أي لقمة هنا ولا هنا .. عشان خاطري .. كُلّي يا نازك مش ماشي إلا لما تاكلني .. خليني بأه اتأخر على السلطان .

أخذت نازك تأكل الطعام ..

وسنقر يبتسم لها ..

ثمأغلق باب الحمام سعيداً .. ومضى مع فرسان السلطان .

* * *

الفصل الثاني عشر

داخلاً إلى القلعة وحوله فرسان السلطان .. كان سنقر يرى وهو يتعجب آلاف الأشولة التي تحمل القمح والشعير والطعام والفاكهه محمولة على الجمال والبعير .. وهي تشنون في مخازن الغلال السلطانية .. ثم وجد فضلات الأطعمة وهي ملقأة في الخرابة خلف القلعة .

فسأل سنقر الفارس :

- إلا قوللي يا رئيس الفرسان .. الزباله دي انتوا عاوزينها؟!

- تقصد إيه فالاد؟!

- أنا قصدي يعني بعد ما احلق لعظمة السلطان أباه آخذ شوية معايا وأنا راجع؟

- فالاد فلاح حقير يأكل فضلات؟!

- إحنا لاقيين الفضلات يا رئيس !!

ومضى سنقر والفرسان إلى داخل القلعة .

* * *

بانجو

لم يكن سنقر متهدّياً أو خائفاً وهو يدخل إلى قاعة السلطنة .. كان يدرك جيداً أن الملك الناصر محمد بن قلاوون يحبه .. فقد تلاقت طفولته مع طفولة سنقر الطبيعية .. وقد رتب سنقر تفكيره على أن يتّهّز الفرصة وهو يحلق للسلطان ويطلب منه شوّالاً من القمح .. وقال سنقر لنفسه :

السلطان لن يرد لي طلبي .. فهو لا يزال طفلاً لم يمتلك قلبه بعد بالقسوة والوحشية المملوكية .. الأطفال هم أحبّاب الله .. بالتأكيد سيرق قلبه ويعطيه ما يريد .

كان سنقر قد مر في طريقه إلى قاعة السلطنة بالقاعة الفسيحة التي بها الفسقية وشرب كثيراً من السكر بالليمون الذي بها فارتوى .. وجرى الدم في عروقه وشعر أنه أحسن حالاً .. ثم قال لنفسه :

- سأطلب شوّالاً من القمح وشوّالاً من التبن لبانجو .. لقد صبر كثيراً حقاً عشرة أيام لم يذق فيها شيئاً حتى نحل وظهر عليه الهازل ولكن .. لن أنساك يا بانجو .. ستعيشي عشاً فخمة هذه الليلة ..
دخل سنقر قاعة السلطنة ..

كان السلطان جالساً على عرشه ..

لحظة سنقر من بعيد ..

ولكن .. ما هذا .. إنه ليس هو .. لم تكن ملامح السلطان واضحة من بعيد ولكنه كان أكبر كثيراً وأطول وأضخم من الملك الناصر ..

أيام مصرية فديمة .. وعصرية أيضًا

هل يعقل أن يكون قد كبر بهذه الصورة في هذه الأيام القليلة؟ وأى أيام !!.. أيام الماجاعة .. جائز ! كل شيء جائز ! السلاطين يفعلونها .

اقرب سنقر من السلطان وقبل الأرض عند قدميه دون أن يرفع رأسه .

واخترق أذنه صوت السلطان .. كان صوتاً خشنًا أحش .. صوت رجل وليس صوت طفل .. إنه يعرف صوت الناصر جيدًا .. كان السلطان كتبغا الذي يقول له :

- فالاد حلاق .. انت لك زوجة اسمها نازك ؟

- نعم يا مولاي السلطان .. والله سايبها في البيت حالتها وحشة قوي .. مش لاقين العيش الحاف يا مولاي .. إنما .. ما شاء الله فخامتك
كترت قوي .. بالسرعة دي ؟!

ثم عاد سنقر يتأمل ملامح السلطان ولم يصدق نفسه ..

إنه كتبغا الأتا بك الذي كان واقفًا بجوار السلطان وهو يخلق له في المرة الماضية .

- أمال فين مولاي السلطان ؟!

- هل هذا سؤال فالاد غبي ؟!

- أنا آسف يا مولاي .. أصل أنا كنت فاكر ..

باخجو

- فالاد سلطان صغير خلاص إجلس في حريم مع أمه مش يكون
سلطان تاني .

- ياللا في داهية .. حته عيل بيعملها على روحه ح يبأى سلطان
ازاي ؟! ربنا يخليك لينا يا مولاي السلطان أيوة كده .. رجعت
هيبية السلطنة على إيديك يا مولاي السلطان .

فضحك كتبغا ضحكة طويلة .

- إنت تحب سلطان يا فالاد سنقر ؟

- أحبه ! ده أنا عبدك وخدمتك يا مولاي السلطان .

- إنت قول إن زوجة إنت مريض ؟

- من الجوع يا مولاي السلطان .

- إسمع فالاد سنقر .. إنت طلق زوجتك .. وأنا أعطيك منحة
سلطانية عظيمة .. أنا أعين إنت رئيس على شونة الغلال والطعام .

بُهت سنقر حينما سمع ذلك .

- أطلق مراتي ؟! إزاي يا مولاي السلطان ؟!

- من شان يتجوزها أمير لا جين نائب السلطنة .

- هوه بأه نائب كمان ؟! بس انا ما أقدرش أعيش من غيرها يا مولاي
السلطان .. ما أقدرش اطلقها .

أيام مصرية قديمة .. وعصرية أيضًا

فغضب السلطان وصرخ فيه :

- إنت يرفض طلب سلطان فلاح حقير حيوان؟!

- أبوس رجلك يا مولاي السلطان .. دي هي دي اللي طلعت بيها من الدنيا!

- إسمع فالاد .. إنت إطلع من هنا على الشيخ تقى الدين قاضي القضاة .. طلق زوجة فوراً .. مفهوم .. خذوه.

وأخذ الحرس سنقر خارجين وهو في قمة الهم والضيق محاطاً بالحرس مكبلاً بالقيود والأغلال.

* * *

بكى سنقر بكاء شديداً أمام الشيخ تقى الدين .. وحرس السلطان واقفون خلفه .. فقال لهم الشيخ تقى الدين :

- واقفين هنا ليه؟! إستتوا بره.

قال أحدهم :

- لنكون شهوداً على الطلاق يا مولانا .. سلطان معظم أمرنا ألا نتركه إلا بعد أن يطلق.

فاحتدى الشيخ تقى الدين وصرخ فيهم :

- السلطان ليس له أن يقرر من يشهد ومن يقف أمامي .. أنا هنا قاضي القضاة اخرجوا واقفلوا الباب وراكم.

بانجو

فخر جوا مسرعين وقد أغلقوا الباب خلفهم .

نظر الشيخ إلى سنقر وربت على كتفه بحنان :

- بتعيط ليه يا سنقر .. خلilik شديد كده وخلili إيمانك بالله كبير ..

المؤمن القوي خير وأحب إلى الله من المؤمن الضعيف .

- البلاوي زادت فوق دماغ عبدك الفقير يارب .. مش إنت خلقتني ..

سايني ليه ؟! حلها بأه .. حلها من عندك .

- ما تكفرش يابني .. كلنا يابني فقراء إلى الله ..

فَقْرُ كَفَرِ الْأَنْيَاءِ وَغُرْبَةُ وَصَبَابَةُ لِيَسَ الْبَلَاءُ بِوَاحِدٍ

- هو ده وقت شعر يا مولانا ؟!

- أصل أنا شايفها سهلة ومحلوة وليها مخرج بإذن الله ..

- محلوة إزاي ؟! ده السلطان ؟!

- إنت عمرك جيتني ومشيت إلا وانت مجبور الخاطر ؟!

نظر سنقر نحوه كالغربيق :

- إيه الخل يا شيخ تقى الدين ؟! أبوس إيدك .. إلحقني بيه .

فأشار تقى الدين إلى باب آخر بالحجرة :

- شايف الباب ده .. أهو ده المخرج .. ده باب بيتي .. ح تطلع منه

دلوقتي .. من غير ما حد يحس .. وكأنك لسه قاعد معاعيا ..

ايم مصريه قديمه .. وعصريه أيضًا

ح يطلعك ع السكة الثانية .. تروح تاخد مراتك في إيدك وتسيب
البلد دي دلوقتني حالاً ..

- وأروح فين يا مولانا؟!

- على سوق الجمال .. ح تسأل على واحد اسمه الحاج محمد المصري
تقول له بس الشيخ تقى الدين باعترني ليك .. وهو ح يتصرف .
فارتحى سنقر على يدى الشيخ تقى يقبلهما .

فأبعدهما الشيخ بسرعة :

- أستغفر الله العظيم يابني .. ياللا اعملك همه .. وموفق إن شاء الله .
فتح سنقر الباب الآخر وخرج مهرولاً وهو يخفى وجهه خشية أن
يراه أحد.

* * *

كان الوجوم مسيطرًا على وجه نازك وشركس وزيتونة وكان
شركس يبكي بكاءً مرّاً حينما دخل سنقر مسرعاً مهرولاً وهو يحمل
معه كيساً من التبن ..

- ياللا .. ياللا يا نازك لازم نمشي دلوقتني .. ياللا يا بانجو التبن
بتاعك جبتهولك أهوه .. إيه مالكوا فيه إيه .. بتتصولي كده ليه؟!

نظر سنقر على جانب الحمام فوجد بانجو ملقى على الأرض جثة
هامدة بلا حراك .. ارتعش سنقر حين شاهد بانجو .

بانجو

- ماله بانجو .. إيه اللي حصل له .. ده انا جايب له التبن معايا ..
عشان لسه قدامنا مشوار طويل .

وجري على بانجو يهزه باكيًا :

- قوم بأه يا بانجو .. مش ناقصاك ..

ثم أخذ ينشر التبن أمام رأسه :

- بلاش الحركات دي .. أنا عارف انك بقالك عشر تيام ما كلتتش ..
بس أنا زيك .. والله .. معلش يا بانجو .. إنحمل على نفسك شوية
ما انت ياما إنحملت .. الشيخ تقى الدين حلها خلاص .. ح نمشي
من هنا .. ح نروح بلاد تانية بعيدة .. الناس فيها ما بيأكلوش بعض ..

- قوم بأه يا بانجو .. قوم يا بانجو .

وارتمى سنقر على جسد بانجو منفجرًا في البكاء ..

فأخذته نازك في حضنها وهي تربت عليه وانفجر الجميع في بكاء
هيستيري كانوا لا يعرفون علام ي يكون .. على الحمار ألم على أنفسهم .

* * *

في بيت قاضي القضاة كان آذان العصر يؤذن .. ولا يزال الحرس
واقفين وقد شعروا بالقلق والتوتر لتأخر سنقر عند السلطان إلى أن
فتح الباب .. وخرج الشيخ تقى إلى المسجد .. وخلفه رجال الدين ..

— أيام مصرية قديمة .. وعصرية أيضًا

ياللا ياخونا عشان صلاة العصر .. ربنا يتقبل من الجميع .. إن شاء الله .

اقرب منه أحد فرسان السلطان وسأله في غلظة :

- فين فالاد سنقر يا مولانا .

- سنقر !!.. سنقر مين ؟!

- فالاد حلاق فلاج جيبناه عشان طلق زوجته بأمر مولاي سلطان .

- رفض يطلق .. إن أبغض الحلال عند الله الطلاق .

ودخل الشيخ تقي الدين إلى المسجد بينما وقف الحرس وهم في قمة الخوف والدهشة لما يتذمرون من عقاب شديد لأنهم تركوا سنقر يهرب من بين أيديهم .. وعلا صوت الشيخ تقي الدين من داخل المسجد :

- الله أكبر .

* * *

في سوق الجمال كان سنقر راكبًا الجمل وخلفه نازك .. والشيخ محمد المصري يودعهما .. وخلفهما الدليل راكبًا على جمل آخر .. وقد مضى بهما الجمل على رمال الصحراء وكان الوقت عصرا .. والكتبان الرمليّة تتدلى في الأفق بلا نهاية .. تمامًا كحُكم المَالِيك الذي لا ينتهي وكان سنقر يتعجب من مقدرة الجمل الذي يصحبهما في معرفة الطريق بسهولة .. إن عبقرية المصريين من كثرة ما عانوا من التضييق عليهم

بانجو

والحصار والقهر أنهم عرروا ذاتها كيف يتسللون ولو من ثقب إبرة
ويتركونها هاربين بمهارة يحسدون عليها .. مصر التي كانوا يحبونها
ويغنوون لها ويقبلون ترابها كثيراً ما تأتي تلك اللحظة العصيبة التي
يصبح الفرار منها هو أغلى أمنية للمصريين .

* * *

في بيت الجواري .. كانت أم شركس ومعها الجواري يساعدن
زيتونة التي تلد وهي تصرخ من آلام الولادة .. بينما كان شركس
يروح وينجح في قلق .. وهو يدعو :
- أسترها يارب .. يارب قومها بالسلامة .

وخرجت أم شركس وهي تزغرد ومعها الجواري يحملن المولود :
- واد زي القمر يا واد يا شركس .

نظر شركس إلى الطفل الرضيع مبتسمًا :

- بس ده غامق قوي يا أمه !؟

- ح يطلع ابيض لين يا روح امك .. ما آدي امه وآدي ابوه !
- بس دمه خفيف .

- ح تسميه إيه يا شركس !؟

- ح اسميه بانجو .

* * *

أيام مصرية فديمة .. وعصرية أيضًا

على شاطئ البحر في دمياط .. كانت المركب واقفة وعليها البحارة ..
وكان الميناء مزدحًا بأمواج من البشر .. لا يقل هديرها وصخبتها عن
أمواج البحر المتلاطم وكأن البحر يعبر عما بداخل نفوسهم .. من
رحمة ربنا بنا أنه خلق لنا البحر .. فحيثما تضيق اليابسة بمن عليها
يصبح البحر حلاً ومهربياً ومتنفساً .. قال أحد المسافرين لزميله :

- لا أعلم لماذا يخشى الناس البحر .. هل يخافون من الغرق ؟ ! كل
هؤلاء الوافدين على رصيف الميناء غرقى .. وغرق اليابسة أكثر
شراسة وعنفًا من غرق البحر .

إذا نظرت إلى المشهد لشعرت أن مصر كلها هاربة من واقع أليم ..
القراء هاربون من انقطاع الرزق والأمل والقهر والظلم والطغيان
والأغنياء هاربون بما استطاعوا أن ينهبوه من كُلّ هؤلاء القراء .. هؤلاء
في قوارب متهالكة منهارة غارقة بالتأكيد إلا أن يشاء الله وتصل إلى أي
شاطئ .. والأغنياء في مراكب فخمة قوية تعلم جيداً الشاطئ الذي
سترسو عليه .. بعضهم يقول إن الأغنياء يذهبون إلى بلاد الإنجليز ..

قال أحد المسافرين القراء في حقد دفين :

- ولماذا لا تأخذنا قواربنا إلى بلاد الإنجليز .

فرد عليه أحدهم وقال :

- إن بلاد الإنجليز لا تحب القراء .

٢٤٧

وكان سنقر ونازك جالسين على رصيف الميناء وقد أعد كل منها بؤجة وضعها بجانبه ناظرين نحو البحر .. والمركب التي تمتليء بالركاب المسافرين .

قال لها سنقر :

- ح نسمى الواد تقى الدين .

فقالت نازك باسمة :

- ولو طلع بنت !؟

قال سنقر :

- يبأى نسميهما نازك .. عشان يبأى معايا اتنين نازك .

قالت نازك :

- إنت بآيت طماع قوي على فكرة .. وح تصرف علينا منين !؟

قال سنقر وهو يربت بثقة على عدة الحلاقة الموجودة بجواره :

- طول ما معايا العدة .. خلاص .. الحلاق ما بيغليش .. آدينا بقالنا ٣
شهور في دمياط بأكلك الشهد .. ولا حتنكري !؟ إحنا حوشنا كام
دلوقت يا نازك ؟

أخرجت نازك الصُّرة من صدرها فارتجمف سنقر وصرخ فيها :

- إنتي بتعملني إيه ؟ شيلي إيدك من صدرك .. الناس بتبعض علينا .. أنا
مش خايف ع الصُّرة .

أيام مصريّة قديمة .. وعصرية أيضًا

فضحكت نازك .. وقالت :

- أنا ما يهمنيش حد طول ما أنا جنبك .. الرجل اللي قدر يحميني من الأمير لا جين .. محدث يقدر يقف قدامه .

فابتسم سنقر في ثقة وقال :

- والله لو كان السلطان نفسه ما أخليه يلمس شعره منك يا نازك ..
لا جين مين ده اللي يقف قدامي .. ده حته أمير لا راح ولا جه .

وبينما هما جالسان مربجوارهما أحد البحارة ومعه زميله .. فقال له :

- عرفت اللي حصل .. مش الأمير لا جين خلع السلطان كتبغا !

- إنت بتقول إيه ؟ !!

- وبأه هو السلطان .

- أعوذ بالله .. خيراً تعمل شر تلقى .. مش ده اللي السلطان كتبغا
جابه وكبره وجاب له العفو بعد ما كان رايح في داهية .. دي آخرتها ؟ !

- ماليك في بعض يا عم .. إحنا مالنا ؟ !

ارتعد سنقر حينها علم أن لا جين أصبح هو السلطان .. وقال لنازك :

- لا .. البلد دي ما بالناش قعاد فيها .. قومي بينا يا نازك ح نسيها
دلوقت حالاً .

بالمجو

وأخذها من يدها مهرولاً نحو بعض البحارة الجالسين على الميناء
وهي مشدودة إليه لا تعلم إلى أين سيقودها سنقر هذه المرة ..
أو بالأحرى إلى أين ستلقي بها الأقدار واقرب من البحارة الواقفين
على الرصيف وهتف بأحدهم قائلاً :

- لو سمحت يا أخ .. أنا بأسأل على المعلم بحري الدمياطي ؟

- ما هو المعلم بحري قدامك .

فقال له بحري :

- أؤمر يا أخ .. أيها خدمة .

- أنا كنت عاوز اسافر معاك يا معلم في المركب اللي طالعة دي .. أنا
ومراتي .

نظر المعلم بحري نحو سنقر ونازك فاطمان إليها .. كان يعرف
بفراسته ومن نظرة واحدة إلى وجه المسافر السبب الذي يدفعه
للهروب كان يقرأ القصص في الوجوه .. وما أكثرها .

- طيب بس النفر بخمسين دينار .. إنتوا الآتين تدفعوا 100 دينار .

- ميت دينار .. ده كتير يا معلم .. والله أنا ما معايا إلا خمسين ..
خدمهم .. ولما نوصل بالسلامة أبأى أسدد هملك .. ده انا حلاق
وكسيب .

أيام مصرية فديه .. وعصيره أيضًا

- معلش ياخويا .. إنت عارف كله بيهاجاليومين دول والطلب على السفر كتير .. شايف .. كل العالم اللي واقفة دي عاوزة تسافر .. حتى الشباب الصغير مش طايق يقعد فيها .

- طيب اسمع يا معلم .. خد مراتي وصلها لحد ما أنا أكون لميت القرشين واحصلها معاك لما ترجع بالسلامة .

فرضت نازك عرض سنقر :

- لا يا سنقر .. أنا لا يمكن امشي من هنا وأسيبك .

فزجرها سنقر وهمس لها حتى لا يسمعه المعلم بحري :

- إسمعي اللي باقولك عليه .. روحي انتي وانا كام يوم واجيلك .. أهم حاجة تاخدي بالك من نفسك ومن ابني اللي في بطنك ده يا نازك .. وآدينا ضحكتناع الرجال .. مش بيقول النفر بخمسين دينار .. أهو انتي والواحد تسافروا بخمسين دينار .. ياللا .. ياللا يا نازك .

وركبت نازك المركب وهي تشير لسنقر من على سطح المركب وقد وقف سنقر على الميناء يشير لها والدموع تترقرق في عينيه :

- خللي بالك من نفسك يا نازك .. خللي بالك من الواد .

إلى أن تحركت المركب .. وأخذت تبتعد تدريجيًّا عن الميناء .. وقد بدا سنقر متاثرًا للغاية .. ثم جلس على الرصيف منهازًا وأخذ يجهش

بانجو

بالبكاء فقد اكتشف لأول مرة أنه فقد كل شيء في حياته .. بانجو ..
ونازك .. والحمام .. وجيشه .. وشعر سنقر بوحدة قاتلة مفاجئة .. كأنه
ولد اليوم فقط أو كأنه مات وتأتى نفسه للعشب المخدر الذي كان
يتناوله مع بانجو في المراعي .. كم كانت أيامًا جميلة .. برغم قسوتها ..
إنها هي بالتأكيد أجمل من تلك اللحظة العصبية التي يمر بها الآن ..
يكفي أنه عاشها ويكتفى أنها مرت .. إن الأيام التي تمر منها كان بها من
بؤس وشقاء .. هي أيام جميلة .. الكارثة في تلك اللحظة وفي تلك
الأيام القادمة التي لا يعلم سنقر كيف ستمر عليه .. وأفاق سنقر من
شروده على ضجة هائلة بجواره .. وإذا بمجموعة من الفرسان
المالك على خيولهم يتقدمون نحوه .. كالذئاب الجائعة ورجل ضخم
غليظ الشارب يزجره بقسوة وهو ينهال بالسوط فوق جسده :

- إنت مين فالاد .. وإيش تسوى هنا .. إنت لص .. عاوز إهرب من
بلد فالاد !

وأطبق الفرسان المالك على سنقر .. كأنهم وجدوا فأراً يطل من
أحد الشقوق وأمسكوا به في غلطة .. بعد أن أشعوه ضرباً وحملوه
وهو لا يعرف إلى أين هم ذاهبون به .

* * *

أيام مصريَّة فديَّة .. وعصرِيَّة أهْبَأْ

في سجن من سجون المَالِك أُلقي بسنقر بين عدد من المساجين
كلهم من العوام يبدو عليهم الفقر والأسى ..

كل سجون الدنيا شيء .. وسجون المَالِك شيء آخر .. فالزنادق
المملوكية صناديق مغلقة تحت الأرض .. لا توجد حتى طاقة صغيرة
في أعلى الزنزانة تلك النافذة ذات القصبان التي ليس لها من فائدة
 سوى أن يشرد السجناء بهذه بعيداً خارج الزنزانة .. ولكنهم
 حromoهم من هذه أيضًا .

ارتوى سنقر بين المساجين الذين ملأوا الزنزانة تماماً .. بحيث إن
الفرد لا يستطيع أن ينام إلا على أحد جنبيه .. وقد التصقوا تماماً
بعضهم ببعض حتى أنهم صاروا جسداً واحداً .. كان الرجل ذو
الشارب الغليظ ينهال عليه بالكرجاج .. في تشف وغل وسعادة
غامرة .. وكان ثاراً قد يما كان بينه وبين كل واحد فيهم .. وبعد أن
تعب من الضرب بالسوط .. أخذ ينعتهم بأبشع الألفاظ وأحقرها ..
ثم أغلق باب الزنزانة وبصق عليهم .. ومضى .

نظر سنقر فوجد بجواره رجلاً أشعث الشعر عجوزاً ينظر نحوه ..
ويشجعه بعينيه .. ويهز له رأسه .. ثم وضع يده على كتفه وقال له :
- معلش يابني .. تشجع .. تحمل .. أصبر .. ربنا ح يطلعنا من هنا
على خير إن شاء الله .

مايجو

فقال له سنقر بألم :

- أنا ما عملتش حاجة يا عم الشيخ !

فرد عليه الشيخ بأسى وعمق :

- في عصور الظلم والطغيان مش لازم الغلابة اللي زبي وزيك يعملوا حاجة عشان يترموا في السجن .

- إنت تهمتك إيه يا أبويا ؟ !

قال الشيخ وهو يتنهد :

- كنت ماشي في الشارع .

- أيةوة .. تهمتك .. تهمتك إيه ؟ !!

- ما قلتلك ! كنت ماشي في الشارع .

- بس !!.. وبقالك قد إيه في السجن ؟ !

- عشرين سنة .

- يا نهار إسود .. ده انا كنت ماشي في الشارع أنا كمان و كنت قاعد ع الرصيف يعني أنا كده عندى تهمتين .

- إسمع يابني .. إنت لسه شاب والعمر قدامك .

- قدامي إيه بأه ؟ ! إذا كان انت بقالك عشرين سنة .. أمال أنا ح يقعدوني قد إيه .. ده لا جين بأه السلطان ..

أيام مصرية قديمة .. وعصرية أيضًا

قال الرجل وهو يلتفت أنفاسه بصعوبة :

- خليني أكمل كلامي .. أنا حاسس إن نهايتي قربت ..
- دى نهايتي أنا اللي قربت يا عمو الشيخ .

نظر الشيخ حوله بتوجس ثم همس لسنقر في أذنه :

- أنا ح اديلك خريطة .. أول ما تخرج من هنا تروح للمطرح اللي ح أوصفهولك .

قال سنقر سعيداً :

- تبأى مخبي كنز يا راجل يا طيب ؟
- إسمعني .. خليني أكمل .. ح تروح على حدود بلاد ستان في المغارة القبلية اللي قدام قلعة المغول .

قال سنقر بلهفة :

- أيوة .. كمل يا عمو الشيخ لتطلع روحك قبل ما تقول ع المفید .
- حتلاقي راجل طيب إسمه الحاج سليمان .. ح تقول له إنك جاي من طرقى .. هو له عليا دين ما قدرتش ادفعهوله .. لو ربنا قدرك بعد ما تخرج وعملت قرشين أمانة عليك تسدده عنى عشان أموت وأنا مرتاح .

بانجو

قال سنقر محبطاً :

- طيب موت بأه .. قصدي نام .. نام يا عم الشيخ .. نام وارتاح
خليني انام أنا كمان .. احمد ربنا إنك لاقني نومة تناهها في الزنزانة
الخلوة دي .. بأه مديون وعمال تبعن حواليك وتقوللي أديلك
الخريطة؟!

استطاع سنقر بعد أن اعتادت عيناه على الظلام الدامس في الزنزانة
أن يتأمل وجوه الراغدين بجواره والتي ارتسمت على ملامحهم حالة
من الاستسلام التام .. ذلك الاستسلام الذي يصل إلى الرضا بما هم
فيه .. والذي يقترب من الموت .. الأبدان حية .. إنما الوجوه ميتة ..
لا يتحرك فيها رمش ولا حاجب ولا عضلة من عضلات الوجه ..
إلا واحداً منهم كان يحدق في الظلام ويبتسم ابتسامة ثابتة غريبة ..
وينظر في اتجاه واحد .. كأنه يرى أشياء .. لا يراها إلا هو .. وابتسامة
كهذه في مثل هذا المكان تصبح شيئاً شاذًا وغريباً .. بل ومخيفاً أيضاً ..
وهو يهتف به سنقر .. انت صاحي يا أخينا .. ولا نايم .. ولا عبيط ..
فأجابه الرجل بابتسامته الساخرة ..

- وإيه الفرق يا أخ؟!

ولاحظ سنقر أن الرجل لم يحول عينيه ولم يغير نظرته .. فسأله :

- انت كفيف يا عمنا؟!

أيام مصرية فديت .. وعصيرت ايها

فأجابه الرجل بنفس الابتسامة الغامضة :

- وإيه الفرق يا أخ ؟!

فرق قلب سنقر له .. وسأله :

- وتهمنك إيه .. جابوك هنا ليه ؟

قال الرجل .. وقد زادت ابتسامته انفراجاً :

- تهمتي إني كنت باتلصص على الحرير السلطاني .. بابص عليهم من خرم الباب ثم انفجر ضاحكاً .. وقال :

- لا تندesh .. فمعنا هنا في الزنزانة أبكم اتهموه بأنه كان يخطب في الجماهير ويبيّجها على السلطان ويثير الشغب .. نام .. نام يا أخي .. فإذا كان نوم الظالم عبادة .. فنوم المظلوم هو الجنة بعينها ..

وألقى سنقر بجسمه إلى الوراء مستنداً على جدار الزنزانة الرطب وأغلق عينيه .. وقرر أن يفعلها .. أن يهرب من هنا .. وشعر بفرحة عارمة تسري في جسده حينما داهمته فكرة الهروب .. إن الماليك بقوتهم وبطشهم وزنازينهم الكثيرة لا يستطيعون ، أن يمنعوا فكرة كهذه أن تولد في رأسه .. ولم يحاول سنقر أن يجهد عقله أو يزعج نفسه بالتفكير في خطة الهرب .. أو كيف سيخرج من هنا .. واكتفى بأن يستمتع بحلوة الفكرة ذاتها ساهرب من هنا ولكن عقله الباطن حاول أن يمنطق الفكرة .. فالآفكار المستحيلة غالباً ما تصطدم بالعقل

بأجنبي

الذي لا يقبل غالباً إلا المنطق .. حتى في أحلك الظروف .. وهتف به
عقله ساخراً :

- تهرب من هنا .. كيف !! أعطني تصوراً لذلك .. كيف ستمر من كل هذه البوابات الحديدية والحرس المدججين بالسلاح .. متزوعي القلوب والضمائر ؟ حاول سنقر أن يقدم تصوراً منطقياً لعقله الباطن .. سيشتبك مثلاً في معركة مع الحراس .. وينهال عليهم بكلتا يديه سيفهم لن تناله .. وخناجرهم ستطير وترشق في الجدران .. وحرابهم ودروعهم ستتكسر .. أما هو .. فسيستطيع بخفة ورشاقة أن ينفلت في كل مرة .. ألم يأت الموت مئات المرات واقترب منه حتى صار قاب قوسين أو أدنى منه .. ثم أخطأه !؟ وبعد المعركة الطاحنة التي سيتضرر فيها .. سيمر بقدميه على أشلاء الجنود حتى يصل إلى البوابة الكبيرة .. سيرتجف الحراس الواقف بجوارها حينما يراه خوفاً من أن يلقى المصير زملائه .. وهنا سيصرخ فيه : افتح البوابة !!! وسيفتحها طبعاً .. وهل يجرؤ ألا يفتحها !؟ ليخرج منها سنقر .. فيرى الأرض الواسعة منبسطة أمامه .. ويأخذ نفساً عميقاً .. ويبداً حياته من جديد ..

ولأن العقل البشري لا يتفق مع روعة الخيال فقد اعترض عقله الباطن على منطقية خطة الهروب هذه ، وسخر من سنقر الذي لم يستسلم للإحباط .. وعاد بخياله إلى الزنزانة مرة أخرى مضطراً

أيام مصريّة قديمة .. وعصريّة أيضًا
مجبرًا .. ليفكّر في خطة جديدة .. آه .. سيحفر نفقاً تحت الأرض .. من
الزنزانة إلى خارجها .. نفقاً طويلاً .. طويلاً .. سيحفره بأصابعه ..
بأظافره .. إنه يستطيع أن يحفر كل يوم عشرة سنتيمترات .. سيحفر
مترًا كل عشرة أيام .. في كل عام سيحفر 36 مترًا .. سيظل يحفر ..
ويحفر .. حتى لو خرج من هنا بعد خمسين عاماً .. وشعر سنقر بالأمل
يملؤه .. وعاد عقله يسخر مرة أخرى .. ومن أدرك أنك ستعيش
خمسين عاماً .. وهل تظن أنهم طوال هذه السنوات لن يكتشفوا النفق !!
والله لقد جنت يا سنقر ، قال سنقر لنفسه في زهرة يا رب لماذا خلقتنا
بعقول ؟!! إن عقولنا تشقينا .. تعذينا ..

ثم عاد سنقر يتثبت بحال الأمل مرة أخرى .. ماذا لو سخطني
الله فأراها !! لن أحتج إلى خطة للهروب . الفتنان تمرح في الزنزانة
وتروح وتتحمّل كما تشاء - لو صرت فأراها .. لخرجت من هنا .. أمام
الحراس وأمام الجميع .. ولن يعترضني أحد ..

المشكلة ليست في الهروب .. الفكرة موجودة ومستقرة في ذهني إن
جسدي هو الذي يعوقني فقط .. آه يا رب .. لماذا خلقتنا بأجساد !؟
إن أجسادنا تشقينا تعذينا .. لو لم يكن لي هذا الجسد الثقيل .. لطرت
من هنا .. وانطلقت روحني بعيداً .. بعيداً .. وشعر سنقر أنه لم يعد
يشعر بجسده .. صار خفيفاً جداً أخف من الريشة .. وأحس بأنه
يرتفع تدريجياً عن الأرض .. ولم يعد يشعر بالجاذبية كانه سابحاً في

باب الجو

الهواء .. طائراً .. وتحسّس قدميه فلم يجدها .. ولا ذراعيه .. ولا رأسه حاول عقله أن يتدخل هذه المرة .. ولكنه لم يستطع .. كان سنقر قد وصل إلى حالة صوفية مخلقاً في ملوكوت الله - سبحانه وتعالى - لم يعد يهمه .. السلطان حسام الدين لاجين .. ولم يعد يفكر حتى في نازك ولا في ابنه الذي في بطنها .. كان سنقر قد سلم أمره لله تماماً .. ولم تعد حتى فكرة الهروب تسيطر على تفكيره .. سيظل هكذا طائراً .. سابحاً في الهواء .. لابد أن الأمور ستتغير .. بعد عام أو عامين .. أو ألف عام ..

* * *

صارت حجرة السجن مظلمة إلا من ضوء القمر الذي انبعث ضوؤه من طاقة مفتوحة في أعلى الزنزانة .. متى فتحت هذه الطاقة؟! وكيف دخل منها ضوء القمر؟ لم يستطع سنقر أن يفسر ذلك ولم يعرف سنقر هل نام طوال اليوم أم ماذا حدث سوى أن قدمي الرجل ذي الشارب الغليظ كانت توقظه بعنف وهو يصرخ فيه:

- قوم.. قوم يا روح امك .. إنت جاي تناام هنا .. دي مش لو كاندة ياله .
فتح سنقر عينيه وتأمل المكان من حوله .. فوجد الزنزانة وقد تغيرت بعض الشيء .. ليس تغييراً كبيراً إنما .. ليست هي الزنزانة التي نام فيها .. قال سنقر لنفسه: هل نقلونا ونحن نائمون .

ووجد الرجل ذا الشارب الغليظ .. يرتدي أوفروف ميري كاكى .. ولا يرتدي عمامه الحرس ولا خوذة المهايلك .. وخلفه جندي يرتدي

أيام مصرية فديه .. وعصرية أيضًا
ملابس سوداء ملتصقة بجسده .. اندهش سنقر ملابسها العجيبة ..
وقام .. والحارس الضخم يدفعه أمامه .. خارجًا من الزنزانة وهو
ينهال بيده على قفاه .

ما هذا !! كان سنقر ماشيًا في كوريدور الرجل ذو الشارب الغليظ يدفعه بعنف ويضر به ببوز حذائه في ظهره .. الكوريدور كان مفروشًا عليه سجادة حمراء طويلة تبدو رخيصة وفقيرة بالمقارنة بالسجاجيد الفاخرة التي رأها في قصر السلطان والأمراء .. كان الجنود يرددون ويشحثون بملابسهم السوداء .. والبنادق في أيديهم ..
أين أنا الآن ؟ ذلك السؤال الذي كان يشغل بال سنقر وهو في هذا المكان الغريب الذي تقع عيناه عليه لأول مرة .. ثم وجد في نهاية الكوريدور بابًا أمامه قصريّة عليها زهور .. فتحه الرجل ذو الشارب الغليظ .. ثم أعطى التحية العسكرية لرجل جالس على مكتب يرتدي رداءً غريباً .. ويربط عنقه برباط طويل ينسدل على صدره فضحك سنقر مندهشاً .. وقال :

- إيه اللي لا يسيئه ده ؟! الماليك اتهيلوا ولا إيه ؟!

زجره الرجل ذو الشارب الغليظ وزغده في كتفه :

- بتضحك يا روح امك .. حاضر .. ح تضحك قوي دلو قتي .. الواد
اللي مسكناه تحري يا باشا .

بانجو

كان الرجل الذي ربط عنقه برباط طويل ينظر في أوراق أمامه فرفع رأسه ثم نظر نحو سنقر بضيق ، وقال له :

- تعالى ياله .. قرّب هنا .. إسمك إيه ياله ؟

قال سنقر بخضوع :

- سنقر يا مولاي .

صرخ فيه الضابط بغيظ :

- مولاي !!.. إحنا ح نستعبيط ؟! إنت معاك بانجو ياله ؟!

فقال سنقر متأنّراً :

- بانجو !!.. بانجو تعيش انت يا مولاي العمر الطويل ليك .

قام الضابط من على مكتبه وقد فقد أعصابه تماماً وأمسك به من

قفاه وقال له وهو يهزه بعنف :

- ياد اتكلم عدل أحسنلك .. وفوق بدار ما افوك .

كان سنقر ينظر نحو صورة الرئيس المعلقة فوق مكتب الضابط مندهشاً للغاية .

- إنت بتتص على إيه ياله ؟! ما تفوق ياله !؟

- مين ده يا مولاي ؟!

- ح تعملي مجانون يا روح امك ؟!

- والله ما اعرف ..

أيام مصرية قديمة .. وعصيره أيضًا

- مش عارف الرئيس يا بن الـ ... ده أنا ح اطلع أملك الليلا دي .

قال سنقر مندهشًا :

- هو ده الرئيس يiae ده السلطان ؟! يعني السلطان لاجين غار في
داهية ؟! ونظر نحو صورة الرئيس بسعادة بالغة وهتف بحماس ..
ربنا يخليهلينا .. ويديله الصحة ويطول لنا في عمره .. يعيش الرئيس ..
يجيا الرئيس .. يسقط السلطان لاجين .. أتفوووهع السلطان لاجين .

وبينما سادت حالة من الذهول في مكتب الضابط ..

وسنقر يرقص ويتمائل يمينًا ويسارًا في سعادة غامرة أمام الجميع .

قال الصول :

- لا .. ده باین عليها هربانة منه يا باشا .. الواد ده مخه مفوت .. نبعته
ع السراية الصفراء ونخلص من أمه .. ده أكيد مجانون .

قال سنقر :

- أنا مش مجانون يا باشا .. أنا عاقل قوي .. أنا فرحان بالسلطان
الجديد .. هوه اللي يفرح بالسلطان الجديد يiae مجانون .!!.. ما طول
عمرنا كده يا باشا .. نفرح بالسلطان الجديد ونلعن أبو أم اللي راح .
ودخل أحد المخبرين وهو يدفع أمامه امرأة ترتدى ملابس عصرية
فاضحة .. بنطلون أحمر ضيق تماماً التصق بجسدها بحيث إنك تشعر
أنها لم ترتده .. بل لونت ساقيها بلونه الأحمر الفاقع .. وبلوزة بالكاد

٤٧٦

تحفي صدرها الفاخر .. وتباهي بطنها عاريًا .. كانت تتمايل في وقوتها فتتحرك كل هذه الأشياء في تناغم مثير وهي تقول للصول بخلاعة :

- إوعى كده ما تمدش إيدك عليا .. إنتوا ماسكيني ليه ؟ !

قال الصلو :

- مسكناتها في المركب يا باشا بترقص من غير ترخيص .

نظر سنقر نحوها مذهلا ولم يصدق عينيه .. لم تكن المرأة إلا نازك .. ولكن ما الذي أتى بها إلى هنا ؟! وما هذا الذي ترتديه ؟! ولماذا لم تلق نفسها في أحضاني حينما رأيتها أمامها ؟ كانت كل هذه الأسئلة تدور في رأس سنقر الذي كاد يفقد عقله تماماً .. وصرخ فيها بلهفة :

- نازك .. إيه اللي إنتي عاملاته انتي إيه اللي جابك إنتي سبتي المركب ؟!

قال الضابط لسنقر :

- إنت تعرفها ياله ؟!

وجرى سنقر نحوها ملهوفاً .. مدافعاً عنها .

- دي مراتي يا باشا .. نازك .

وأحاطها بذراعيه وبكى وقال لها بين دموعه التي انهمرت من مقلتيه :

- الحمد لله إن أنا اطمئنت عليك .. الحمد لله أني عشت وشفتك يا نازك .. أنا كنت خلاص فقدت الأمل .

فقال الضابط متفاعلًا :

- إمشي ياد يابن المجنونة انت وهي ما اشوفش وشكوا هنا تاني ..
ياللا .

خرج سنقر مع نازك من مكتب الضابط وهو يقول لها :

- عرفتي اللي حصل ؟! مش السلطان لا جين اتشال .. أصل انا ابن
حلال يا نازك .. اللي يسجي على سنقر ما يكسبش .

أخذ الظابط يضرب كفًا بكف .. وهو يقول للصوص :

- الله يخرب بيت البانجو على اللي بدعه يا أخي .. العيال منها اتسح .

خرج سنقر من القسم ووقف ينظر إلى السيارات والزحام الشديد
وقد فغر فاه من الدهشة .

فأمسك بنازك وسألها وهو يكاد يفقد عقله :

- هو إيه اللي حصل في البلد ؟! هي دي مصر يا نازك ؟!

فقالت نازك :

- باقولك إيه ؟! حركة عملتها وجاريتك فيها عشان نخرج من
القسم إطلع من نافوخني بأه .. ما تشتلنيش .

- أطلع من نافوخك ؟! وابني !! إبني اللي في بطنك ؟!

- جك وجع في بطنك .

- أنا لا يمكن اسييك .. بأه بعد كل ده عاوزه تسييبيني يا نازك ؟!

مازن

رن موبايل نازك بين ذهول سنقر الذي كاد يفقد عقله تماماً وهو يراها وهي تخرج شيئاً من جيب البنطلون شيئاً صغيراً .. تضيعه على أذنها .. وتكلم .. هل جنت نازك وصارت تكلم نفسها؟! ماذا حدث لك يا نازك؟! وما هذا الذي أراه أمامي .. كانت نازك ترد على الطالب بدلال :

- أيوة يا سمس .. أنا قدم القسم .. لا خلاص مفيش حاجة .. إنت فين؟
وفجأة وقفت سيارة نزل منها حسام الدين لاجين مرتدية جينز بلو .. وبودي ستريتش .. كان بيدو ثريأاً أنيقاً والساعة الذهبية تلمع في يده وابتسم بثقة وغمز عينيه لنازك .. وفتح لها السيارة لتركب بجواره وهي تضحك .. وانطلقت السيارة بها وسنقر يصرخ بلا انقطاع :
- نازك .. نازك .. نازك ..

حتى غابت نازك عن عينيه تماماً واختفت في الزحام بينما كان سنقر يحملق مذعوراً في المارة وهو يرى السيارات تروح وتنجيء من أمامه ومن خلفه ورجال منكوثر يملاؤن المدينة شاهرين أسلحتهم في حالة تأهب قصوى .. وقد توقفت الحركة تماماً استعداداً لمرور موكب أحد الأمراء المهماليك.

يوسف معاطي